

SPEAKER : “Chapona a lo awmin mualphona a lo awm a, Inngaitlawmte hnenah chuan finna a awm.” (Thufingte 11:2). Starred Question 161-na zawt turin Pu H. Rohluna i lo sawm ang.

PU H. ROHLUNA : Pu Speaker, ka Starred Question No. 161-na, PWD Minister zahawm tak chhan atan : - (a) Aizawl khawpui hnuaiah Sorkar-in kawng siam tumna a la nei em ? (b) Tumna a neih chuan eng chenng e hma a lak tawh ? tih ka zawt e.

PU ZORAMTHANGA CHIEF MINISTER : Pu Speaker, kan Member zahawm tak Pu H. Rohluna zawhna chhanna (a)-na chu Aizawl khawpui hnuaia kawng siam hi tumna mumal tak Sorkar-in a la nei lo tih a ni a. Tin, (b)-na kha tumna a neih chuan engchen nge hma a lak tawh ? tih a ni a, a chung a chhanna ang khan tumna mumal Sorkar-in a la nei loh avangin hma lakna a la awm lo tih a ni e.

PU H. ROHLUNA : Pu Speaker, Session hmasa lam leh nikum lamahte khan helaiiah Leiverh kan sawi hrep tawh a, a that tur zia te kan CM zahawm tak khan a sawi tawh thin a. Amaherawhchu, khatih laia uar taka a that tur zia-te a sawi thin a, kha vawiin ni-ah chuan tumna mumal a la nei lo tia chhan kan ni leh ta mai a. Chuvang chuan, kan Sorkar hian thil hi a sawi leh vak thin a. Amaherawhchu, a tawpah hianin ‘su’ hi ‘se’ a ni leh thin hi a pawl khawpin ka hria. Beiseina mipuiin an neih thin te pawh hi anihna ang taka an han tih dawn hian tih lohin a awm leh mai thin hi a pawl ka ti a. Anih chuan Aizawl Traffic hi tiang khawp hian a tawt a, kawngpui a zim thu pawh kan hriain, hrih chuan pawh ngai lovin Aizawla cheng thang tan chuan, hemi tih ziaawm nan hian nikum Budget Session-ah-te khan Elevated Road tihte, kawng chung a kawng kal tihna ang deuhte chu a niang chu ! Fly over kan ti zawk dawn nge ! Hengte hi kan PWD

Minister, kan CM ni bawkin tumna a awm thu-te pawh kha a sawi tel bawkin ka hria a. Hei hi eng chen nge hma lak anih tawh? vawiin-ah chuan hei Aizawl Traffic hi heti khawp hian a nasa a, a tawt dante kan hre vek a, helam hi hma lak chak a tul viau-in ka hria a. Chuvang chuan Fly-over/Elevated Road kan ti dawn nge ni hengte hi khawiah nge siam tum anih a, Aizawl khawpui chhungah hemi Traffic tawt lutuk han divert nan hian tih leh Car Parking hi sawi rik ani thin a, hetah pawh hian mimal hnenachte loan-te ngaihtuah saka tih tur tihte kha a ri thin a. Amaherawhchu, vawiin thlengin a takna hmuh tur a awm lova. Hengte hi engtiangin nge Sorkarin ruahmanna a neih zui zel tih ka zawt belh bawk e.

PU ZODINTLUANGA : Pu Speaker ka lawm e. Aizawl khawpui hnuaia kawng siam kha nge ni a, Fly-over kan tih ang chi kha kan Sorkar hian a khawi zawk hi nge priority - ah a dah hmasak zawk dawn tih kha kan zawh belh bawk e.

PU H. LALSANGZUALA : Pu Speaker ka lawm e. Question-a an rawn pek Parking an rawn sawi lan kha ka zawt ve duh a. Gazette-ah vawi ruk (6) lai kha chhuah a ni a. Tahchuan mi 12 thlan an ni a. Khang ho khan Rs.30,000/-, Rs.40,000/-te an amount tam dan a zirin pawisa an seng ral a. Chung chu, kan Sorkar hian engangin nge kal pui a tum? khang kha an chawi thlawn ta mai tihna em ni? engtin nge kal pui zel an tum tih kha ka han zawt belh e.

**PU ZORAMTHANGA
CHIEF MINISTER** : Pu Speaker, ka lawm e. Kan Member zahawm tak Pu Rohluna zawhna Elevated Road hmalakna chungchang thu-ah khan Zoological Survey ho hmuna lo kal khan

hei hi thil tih theih a ni e. Aizawl khawpuiin Traffic tawt lutuk hi lei hnuai lamah hian a verhin kalpui nise, kan han enchhina, thil tih theih niin ka hria a sin an ti a. Aman a to dawn avangin keini chuan tih ngam chi-ah pawh kan ngailo ani kan ti a. Nakinah chuan tih a tul hun pawh a la thleng ang a, a en te chu kan han enchhin reng reng ang e an ti a. Duh leh idea-te pawh han exercise ula kan ti a. Tichuan, an han enchhin a, heta tang hian ti ila, K.M chuti zat ani ang a, an ti a, a man tur awm ang an han sawi pawh kha a sang em mai a. Kan thei ang emaw chu le! A that chu a tha khawp ang kan ti a. Kha kha an ni pawhin an theih ang tawkin thiltih theih a ni tih kha an lo puang zar a.

Tin, theih chu nise a tha kan ti khawp a. Mahse, a man a to avangin tih tak tak a han umzui pui kan huphurh deuhhlekk a, a tak takin kan kalpui ta rih lova. Chutih ai chuan tuna kan elevated road hi a awlsam zawk bawk a, kawngpui kal pangngai chungga kal mai thei tur a nih avang leh hmun tinah a chhuk thlakna leh a chhohna kha a connect-na kha a awlsam dawn avangin helai project hi i kalpui zawk ang u, kan ti a ni a. Chumi tur ang chuan tuna kan JNNURM ah pawh hian project a siam a ni a. Tin, chutatan chuan a consultant-te pawh tender kan chhuah mek a, kan elevated road hi chu a chak thei ang bera kalpui kan tum a ni. Khang khan Pu Zodintluanga zawhna pawh a chhang nghal ah ka ngai a.

Tin, Car parking chungchangthuah khan kan member zahawmtak Pu H.Lalsangzuala zawhnaah khan hmun khata chhan theihin ka hria a. Nia, Car parking hi theihtawpin kan han ti a, a project te pawh siamin Car parking atana offer rawn pe te pawh kan han kova. Tichuan anni pawhin an han ti a. Tihian a project te pawh buatsaih pui a ni a. Theihtawpin kan ti a. HUDCO lam atang te, a loan laknatura kha kan han tihpui a. Amaherawhchu, a loan lakna te hi rin aiin an fet khawp mai a. Kan innawr, kan innawr mai a. Tichuan, thiltum phei chu kan la tum zel thova. A pawimawh ta a chu, hetia kan han kalpui hian interest a kha a subsidise emaw a nihloh chuan, a interest rate a hi, khang loan an han lakna kha, a sang khawp mai a. Amaherawhchu, keini hian tam tak kha vawikhatahkan subsidise thei bik silova. Subsidise lohna hetah a titu ZIDCO lamin emaw service charge tlem a zawng 2% vel lak a lo tul ve bawk si nen. Khami tling khawm interest a kha, a sang ang reng viau a, tunah hian project kal mek, engemaw zat chu a awm thova. A dang a pawh kha khami a remchan dan anga kalpui zel kan tum a. Hemi Car parking project a hi chu, kan tih theih ang chin china kalpui zel loh chuan, kan motor park-na hmun a daih silova. Chuvangin, kan Financial assistance kan puih theih dan emaw en chungin kan project ahi kalpui zel pawh kan tum tho ani.

SPEAKER : Awle, Starred Question 162-na zawt turin Member zahawm tak, Pu Sailothanga Sailo i lo sawm ang.

PU SAILOTHANGA SAILO : Pu Speaker, ka lawm e. Starred Question 162-na zawhna-te, "Tourism in restaurant leh khual buk khawi khawiah nge a neih? (b)-na, Riah man engzatte nge? (c)-na, 2006 - 2007 chhungin engzat nge an hmuh? (d)-na, A staff hlawh a in tum zo em ? tih ka zawt e.

PU Z.H. ROPUIA MINISTER : Pu Speaker, Starred Question No.162-na Kawnpui bialtu zahawm tak zawhna (a)-na - Tourism-ah hian restaurant leh khualbuk khawi khawiah nge a awm? tih chhanna chu, (1) Tourist Lodge, Chaltlang, Aizawl. (2) Travellers Inn, Vairengte (3) Tourist Lodge, Kolasib (4) Tourist Lodge, Bairabi (5) Highway restaurant, Thingdawl (6) Tourist Home, Luangmual (7) Tourist Resort, Lengpui (8) Tourist Complex, Beraw tlang (9) Tourist Lodge, Saitual (10) Tourist Cottage, Tamdil (11) Highway Restaurant, Kawlkulh (12) Tourist Lodge, Champhai (13) Tourist Lodge, Khawbung (14) Highway Restaurant, Chhiahtlang (15) Tourist Lodge, Thenzawl (16) Highway Restaurant, Hnahthial (17) Tourist Lodge, Zotlang, Lunglei (18) Tourist Lodge, Sangau (19) Tourist Lodge, Saiha (20) Tourist Lodge, Lawngtlai (21) Tourist Lodge, Vawmbuk (22) Tourist Lodge, Pangzawl (23) Tourist Lodge, Mamit (24) Tourist Resort, Reiek (25) Tourist Lodge, Ngopa (26) Tourist Lodge, Hrangchalkawn (27) Wayside Amenities, New Maubawk (28) Tourist Lodge, West Phaileng (29) Tourist Lodge, Saipum (30) Tourist Lodge, Tawipui (31) Tourist Lodge, Tlabung-te anni. Riahman engzat nge ? tih chhanna chu chhiar chhuak vek ang aw. In zawt miau si a.

Sl. No.	Centre	No. of Rooms	No. of Beds	Suit	Room Rate				
					Deluxe	Double	Single	Dormitory	Cottage
1	Tourist Lodge, Chaltlang, Aizawl	41	74	700/-		350/-	250/-	50/-	
2	Travellers' Inn, Vairengte	11	28		350/-	200/-		50/-	
3	Tourist Lodge, Kolasib	10	23		300/-	200/-		50/-	
4	Tourist Lodge, Bairabi	7	18	300/-				50/-	
5.	Highway Restaurant, Thingdawl	5	10			200/-			300/-
6.	Tourist Home, Luangmual	15	42			200/-		50/-	
7.	Tourist Resort, Lengpui	9	18		500/-	350/-			500/-
8	Tourist Complex, Berawtlang	21	42		500/-	350/-			500/-
9	Tourist Lodge, Saitual	5	10		200/-	200/-		50/-	
10	Tourist Cottage, Tamdil	7	14	800/- (for picnic)		200/-			300/-
11.	Highway Restaurant, Kawlkuh	5	14			200/-			
12	Tourist Lodge, Champhai	25	46	700/- (VIP)		350/-	250/-	50/-	500/-
13	Tourist Lodge, Khawbung	7	15			200/-		50/-	
14.	Highway Restaurant, Chhiahtlang	7	16			200/-			300/-
15	Tourist Lodge, Thenzawl	8	16			250 Triple			300/-
16	Highway Restaurant, Hnahthial	8	16			200/-			

Sl. No.	Centre	No. of Rooms	No. of Beds	Suit	Room Rate				
					Deluxe	Double	Single	Dormitory	Cottage
17	Touorist Lodge, Zotlang, Lunglei	17	40	700/-		350/-		50/-	
18	Tourist Lodge, Sangau	10	24		250/-	200/-			
19	Tourist Lodge, Saiha	9	22		500/-	350/-		50/-	
20	Tourist Lodge, Lawngtlai	9	25		250/-	200/-		50/-	350/- (Delluxe Cott.)
21	Touorist Lodge, Vawmbuk	7	22						
22	Tourist Lodge, Pangzawl	5	10						
23	Tourist Lodge, Mamit	9	18		300/-	250/-	250/-	50/-	
24	Tourist Resort, Reiek	16	32			250/-	150/-		500/- ,250/-
25	Touorist Lodge, Ngopa	9	20						
26	Tourist Lodge, Hrangchalkawn	6	12						
27	Wayside Amenities, New Maubawk	4	8						
28	Tourist Lodge, W.Phaileng	2	4						
29	Tourist Lodge, Saipum	5	15						
30	Tourist Lodge, Tawipui	2	4						
31	Tourist Lodge, Tlabung	5	10			200/-	150/-		

Tin, (c) 2006 – 2007 chhung hian engzat nge a hmuh tih chhanna chu - Kum 2006 – 2007 (January, 2007 thleng) a Revenue a hmuhzat chu - Rs.71,90,216.00 ani.
Tin, (d) A staff hlawh an intum zo em ? tih a hi – Tum zove - Revenue income (up to January, 2007) Rs.71,90,216/- atangin an hlawh (up to January, 2007) Rs.62,94,820/- a tum zo a, chuan, Nuai 816396/- lai kan hlep a ni.

PU SAILOTHANGA SAILO : Pu Speaker zawhbelhna – Tourism in hma a sawn nasa a, a lawmawm khawp mai a Zawhbelhna pakhatna - Chalfilh Tourist hmunpui tur hi eng tikah nge sak zawh anih ang. Zawhna pahnihna - Sak zawh lo nita se eng ang facilities nge dah tum anih tih ka zawh belh e.

PU LALHMINGTHANGA : Pu Speaker, Tourist Department hnuaiia thawk heng resort-ahte Highway Restaurant-ahte leh hmun hrang hranga thawkte hi a tam ber ahi a ngeth lova rawih Work Charge pawh tling manglo chutiang anga tih kha anni deuh thum mai a. Chutiang ang a Revenue a laklulh in hma a lo sawn tawh hnu hi chuan an service-te hi regularise ve dan kawng a awm lawm maw nile ? Chu chu kan Minister zahawm tak hianin min chhang thei em tih kan zawt a ni.

PU Z. H. ROPUIA MINISTER : Awle, Pu Speaker, zawhna neitu zawh belhna Chalfilh Tourist Resort hi eng tikah nge zawh anih ang tih chhanna chu sanction kan hmu fel chauh a. Chu chu tunah hian detail estimate leh drawing an bei mek a. PWD in an buaipui a, wawihian hian han thlirho leh tum ani a. Hna hi a thawh tak tak hi tan a la nilo a ni. Tin, chu detail estimate leh design atang chuan facilities len theih dan tur akha, dah tudm ani a. Chuti mai chuan sawisen ani lova, a tul a tih leh hemi detail estimate hi kan en ho hunah chu chu hriattir ani ang. Tunah detail estimate leh drawing an peih fel chiah a, kan la en ho hman lo a ni.

Tin, Lunglei South Bialtu zahawm tak zawhbelhna kha M.R a thawkte hi regularise dan a awm lawm ni tih akha, a dik khawp mai a. Amaherawhchu, tunlai khawvelah hian Privatise World ani tawh a, Sorkar ringawt mai beh chhan ang chi a employment generate a hi khawi Sorkar mah in a tlin loh avangin, tunah hian Zoram a employment generate hnem ber tu-te zing ami nih tumin hma kan la a. Tahchuan, infra-structure-ah pawh hian hma kan la nasa-in, tun kum thum chhung hian Tourist Lodge kan lo sak tawh zawng zawng sanction tunhma-a kan neih zawng zawng let thum vel kum thum chhung hian Central atangin heng infrastructure siamna-te hi kan han hmu a. Bul kan tan chho dawn mek a. Chumi kan zawha, heng ang enkawl turte hi Sorkar enkawl sen chi anih dawn loh avangin kan Chief Minister zahawm tak hovin kan sawia, thalai lekhathiam, hna hmulote inka an enkawla, sum tam tak mi ram Tourism an operate dan ang a, operate kan tum a. Chuvangin, tunah mai chuan post kan neih loh bakah heng MR-te hi regularise tumna a la awm rih lo. Tih kha ka chhanna ani e.

SPEAKER : Starred Question 163-na zawt turin kan Member zahawm tak Pu Lalduhawma i lo sawm ang.

PU LALDUHOMA : Pu Speaker, ka zawhna Starred Question 163-na kan Minister zahawm tak Pu H. Rammawi chhan atan - (a) Hawaiiin Solo Papaya hi kung engzatnge chin anih tawh ? chhungkaw engzatinnge ching ? (b) Sun Fruits Ltd. hian engzatinnge an leisak tawh ? (c) Engnge a rate ? tih ani e.

SPEAKER : A chhang turin a changtu Minister zahawm tak Pu H. Rammawi i lo sawm ang.

**PU H. RAMMAWI
MINISTER**

: Pu Speaker, zawhna (a)-na chhanna kha -
Papaya (Hawaiin Solo Variety) hi kung
3,16,080 chin ani tawhin, chhungkua In
450-in an ching tawh a. In 450 tih hi Pu

Speaker, keimahni Office in kan pek chhuah dan ani a. Mahse, kan Mizo
tlawmngaihna-in 'Hei hi ching ve rawh', in tih hi a awm thin a. 450 chiah chiah
ni lovin, a aiin a tam ka ring. (b) Sun Fruits Ltd. Hian kg.100 a leisak tawh a.
(c) A rate chu kg 1 Rs.5/- zelin a leisak, tih kha chhanna a ni e.

PU LALDUHOMA

: Pu Speaker, Sun Fruits Ltd. In a lei kha
nil ang tluk a la ni mai a. Kha kha
engvangnge? a aia tha-in a aia manto-in
open market-ah hralhna an neih vang em

ni? nge a products hi a tlem hrim hrim tih ka hre duh a. Tin, Tin, thlai hi
Department hrang hrangin an ching a, hriathran pawh a harsa kan ti a. Industry
lampang pawh hian thlai chinna tur - tea, coffee tih vel pawh Budget-ah an lo nei
ve zel a. Soil-in an ti a. Horti in an ti a. Agriculture in in lo ti a. Social Welfare-
te pawhin Anthurium-te an lo chin tir ve zel bawk a. Hetianga thlai Department
hrang hrang ina an ching darh nuaih mai hi mipui tan leh keini tante pawh a
concern Department hi hriatthiam a harsa a. Heti lo deuh hian a kalpui theih em?
tih ka zawt duh a.

Tin, Anthurium-ah kan kai ang a.

Anthurium hi a in tur sakna leh a leitha cocopeat-te pek hma-in a chin tur pek a
awm zeuh zeuh a, bul tan tir kan nih avangin a har deuh pawh ani ang a. Hetiang
ni lova, a chingtu tur ten chin an inpeih fel hnu-kah chauh a chin tur hi pek ni
thei tawh turin kan inbuatsaih thei ang em? Tin, tunah hian anthurium hi Zopar
hianin a monopolise a. An va pek hian a rate an hre miah lo a ni. Tichuan, annin
an zuk hralh chhawng a. An hralhna tur rate pawh an hrih lawk thei lo reng reng
a. Hetiang zat hian kan zuk hralh an tih ang ang kha an pe ta a. Cheque - in thla
2 hnu-ah-te, thla 3 hnu-ahte Cheng zahnih khat man lek lek pawh kha va lam leh
a ngai a. Tin, lapua nen a hmawr tuam a, tawn a ngai a, a pangpar kha polithene
a tuam a ngai bawk a. A buaithlak em em a. Chutih rual chuan open market-ahte
hralh a lo bi ve tho a. Hemi hi monopolise lova competition awm thei zawng a
kalpui hi Department hian a tum em? midang ho export ve thei an awm anih
pawhin inkhap lo ila, tam tak awm sela, open market nen pawh in compete sela.

“Tualchhungah in hralh tur ani lo” tih bur te hi awmlo sela. Competition awm thei lo zawnga kan insiam a, mi pakhat chauhin a monopolise hi chuan thil kal fuhlote pawh a awm thei a. Hei hi tih danglam theih ani ang em? tih ka'n zawt duh baw a.

Tin, hmanni a Alu chi chhia kha Pu Speaker, kan Minister zahawm tak bialah ngei pawh hian hmanni lawka lo haw pheiin Alu chi chhia a tam mai a rawn ti ani a. Chung chu engtinngge ni Sorkar hian hma a lak ang tih ka zawt duh baw a. A tawp berah chuan hmanni-a zawhna chhanna kan hmuhah khan thlai chi hrang 5 lek - Alu, Purun var, Vaimim, Channa leh Antam-ah ringawt pawh khan 64,32,300 a chi lei nan hman anni leh ta a. Hetianga a chi a senso vak vak awmlo zawng hian kal ni tawh se tih kha Sorkar policy deuh a niin ka hria a. Hmasawmna a awm vak lo hle mai a. Hemi kawngah hian tlem tlema privatise dan emaw, a chdi a kal ral lutuk lova hmalak tum dan kawng an dap em? tih ka'n zawt duh baw a ni.

PU ZODINTLUANGA : Pu Speaker, zawhbelhna. Hei a relevant lo deuh hlek a. Mahse, a chhang thei thovin ka ring a. Aieng, hmanni-a kan Minister zahawm takin-a a wind up-naah khan Aieng chi leina kha a chiang chiahlo deuh a. IWDP pawisa a kan lei tih kha a cancel leh tihte kha heti lam atang hian sawite kha ani a. Kha Aieng chi kan lei hi eng pawisa atang chiah nge kan lei tih kha min hrihfiah thei tawhin ka ring. Hei kar khat chhung ani tawh a. Kha kha ka rawn zawt e.

PU LALRINLIANA SAILO : Pu Speaker, Hawaiiin Solo Papaya chungchang kha, a leitu kha khawi base Company nge annih? Sun Fruits Ltd. hi khawi khua, khawi State nge annih a? khawi nge an base? tih ka zawt a. Tin, kha chhanna kan hmuh angin kg 100 vel ani a. Kg ah Rs.5/- a ni a. Mi 450 velin an ching a. Hei hi compact area a chin chi nge annih a? hmehriat leh thei sem mai mai a chin darh tir record ve satliah nge anih? tih ka zawt a. Tin, buy-back agreement ani lawm ni kha kha. An thar chhuah ang ang lei leh tur anga agreement siam a awm em? tih ka zawt ani.

PU R. LALZIRLIANA : Pu Speaker, ka lawm e. Hei thingfanghmate chungchangah hian lo haw lo sela. Bazar-a an lo zawrh hi Pu Zoramthanga kan ti mai a. A tha ania hei hi. A thlum pawh a thlum a. Lei verh tihte ai chuan a hming a chher daih ani kan pu hian. Tha tak ani. A tui bawh a. Amaherawhchu, a chi-ah hian uluk a ngaiin ka hria. Thil chin lamah hi chuan kan insawi tel ve zel ang a. Pu Speaker, Thingfanghma hi ka ching ve teuh mai a. Mahse, a tha lo, bawh lil lel, te tak te te hetiang tiat vel, sek ting teng, a chhung pawh chhahlo tak hi ani tlat mai a. Hei hi a chi ah hianin a nu leh pa an awm a. Chutah chuanin a pa nge ni paih tur a nia tih kha a ni a. Keini min pek tawh kha chuan a nu leh a pa kha chu kan hre tawh silova, kan lo phun vek mai a. Hei hi Horticulture hian thil an tih that teh lul vei nen. An tih chhiat mi beidawng tam tak siam lehna tur ani a. Hei hi fimkhur a ngaiin ka hria a. Hei ai hian an fimkhur thei zawk ang em? a chi tha tung sawl deuh, a tui tak taka hi an pe thei tawh ang em? tih kha ka'n zawt duh a.

Tin, kg-ah Rs.5/- in MOU kan sign tih kha ropui takin kan puang a. MOU-te pawh hi eng teh chiam a lo nih loh hi ka tih phah hiala. Tichuan, Bazarah hian kg-ah Rs. 30/- a ni. A in to hleih khawp mai a. A tui a, kan lei huai huai zel. Inrinni Bazarah hian Bazar tinah pawh a awm mang lova. Tiang chuanin mi hian an inchuh a, an duh tak tak a ni. Pu Zoramthanga hming chawi a, a kal pawh hi chawi hlen mai sela. Helai Hawain Solo han tih vel ai pawh hian a tha ka ti. Hming chherna tha tak ni pawhin ka hria a. Tichuan, MOU Sorkarin a sign pui-teah hian a tlem lutuk avang hian an hralh duh lo pawh a ni mai thei.

Ka zawt ta chiah lova Pu Speaker, mahse, khawngaih takin ka'n sawi leh duh a chu, Balhla hi a chi tha chi an ti a, engngeni a hming kha ka hre ve lova. Chu chu kan han ching ve bawh zel a. Han um hianin tunlaia engngeni damdawia tih hmin anih loh chuan a um hmin rei theih ve miah lo mai a. Khai ta ila a lo hmin chuan a tla thluah thluah mai a, rei tak a hmin sa in a dah ve theih loh a ni. Balhla kual pangngai hi chu a tla ve mai mai lo a ni. Hengte pawh hi fimkhur deuh a theih lawm ni? ka bialah engemaw zat kan han chin tir ve a, a that leh si loh chuan mi beidawng kan siam mai ang tih ka hlau tlat mai a. Tun hmaa engngeni hmin awl deuh dup duh ang chi kha a ni a, a that lohna kawng a awm a, hengte hi a tha zawka tih theih dan emaw, a hela Sorkarin lei theih dan kha a nei em? tih kha ka'n zawt duh a ni.

Tin, chulovah chuan din law law chuan khawngaih takin Pu Speaker, Anthurium chingtute bawk hi hei Godrej Agrovete nen hian MOU signed kha a ni a. Amaherawhchu, hemite Company hian a takin tumah an tanpui si lova, an hnena hralh kher hi a chingtute hian an ba em ni? Market-ah pawh an duh duh na-ah an hralh ve thei mai lawm ni tih kha ka'n zawt duh a ni.

SPEAKER : Thingfanghma atangin Aiengte, Anthurium-te kan kai a ni a. A kual viau a, a chhan theih ang ang chhang turin Minister ilo sawm ang.

PU H. RAMMAWI MINISTER : Pu Speaker, note hmaih ka nei anih chuan zawhbelh nisela. A hmasa berin a zawhna neitu 100 kg chauh hi Sun Fruits Ltd. hian an lei tih kha Pu Speaker, hrihfiah hmasa ila, kan hriat angin 1 Kg Rs.5/-a lei tur tih kha a ni a. Amaherawhchu, kan han ching a, kan rin aain a lo tui daih mai a. Local-ah khan an han chian a, an han thar tak tak chu Pu Speaker, Member zahawm tak khan Rs.30/- te-in ka lei thin a, a chang chuan a awm lo leh nghal thin a. Bazar-a Rs.30/-te-a lei theih anih laia Rs.5-a hralh tura farmer-te innawr kha a tih chiin kan hre lova, chuvangin, farmer-te tan a hlawk phawt chuan tiin Bazar lamah hian a kal a.

Tin, Bazar Market hi an feed zo lo leh nghal a. Chuvang chuan, hralh chhuah tur a kha a awm lo a ni tih kha ka chhanna ni sela, a awm lohna chhan pawh hi a chingtute hlawk zawk vang a ni. Farmer-te hamthatna vang a ni tih kha ka chhanna ni sela.

Tin, Department hrang hranga thlai chin darh tih kha chu Pu Speaker, India ramah kan awm a, India ramah hian Ministry reng rengah hetiang provision hi a awm vek a. Khawi State-ah pawh India ram kan nih avangin India ram kalphunga kan kal ve hi a ngai a. Chuvang chu ani tih hi ka chhanna ni sela.

Tin, zawhna 3-na, Anthurium-ah khan kan kai ta a. Anthurium kha farmer-te in peih hunah tih kha Pu Speaker, Anthurium ching tura thlante hi chu Department hian a eng amah hmian an ko khawm veka,

briefing an pe vek a, training an pe vek a. Thil engkim an hrilh vek a, chumi hnu-kah chuan an kalpui thin a. Amaherawhchu, a ching duh ve tho an koh huna tel ve thei lo an awm ta thin a. Kha kha in hriat zawh sen hi a har a. Chutiang tih lohah chuanin engkim chin hma atangin tih dan tur zawng zawng in hrilh veka, khatiang anga tih kha a ni. Chu chu Department in kalphungah a nei a. A tha khawp a ni.

Tin, a rate hriat lawk theih loh tih kha chu Pu Speaker, a ni lo, anthurium hi a leitute hi chu Zopar ho hi a ni a, grading a awm ta a ni, a chingtuten anthurium an la a, a tuam dan tur a sawi kha a dik vek a, an va pe ta a tah khan grading an ti ta a ni, grading an tih hunah khan a grade a kha hei hi chu a tha deuha, cheng chuti zat hei hi chu a tha lo deuh a, cheng chuti zat receipt an pe thlap a ni, an agreement ang in. Pu Speaker, kha kha chu Aizawl khawpuih hian zawt chiang ila, kan Member zahawm tak hianin amahin a hre lo hi a thiam awm tho, an nauten an hralh anga, receipt chu an hawn vek ang, an pawisa hmuh tur zat hriatsa vek a ni. Nakin zana lo zawt chiang sela, a buaipui hman lo a ni, a receipt kha an hawn nghal zela, kha kha hriatsa vek a ni, tih kha ka'n sawi duh a.

Tin, a leitu turah hian Pu Speaker, midang rawn lang ve an awmlah avangin tunah hian a leitu hi pakhat a ni a, pakhat pawh hi kan feed zo lo a ni, min nawr min nawr a, foreign a export pawh hi kan duh ve a, tang deuh rawh u min ti a, an duh ang pawh hi kan feed zo lova, kan feed zawh lohna chhan chu Aizawl marketah hian demand a sang ve tlat a. A chingtute pawh keipawhin an in kohkhawm laiin tang deuh hlek ula, Local Market hi chu a tha lo deuh pawh pe mai ula. Export hi kan Target anih ve si avangin thamchhuah turah hian duhthawh deuh ula, chutilochu, nakinah kan image hi a tha lo palh ang e. Kan hmingthanna tur hi kan ni lo palh ang e ka ti a. Mahse, Local-ah an hlawk si a. Chuvangin, an duh ang kan pe thei lo zawk a ni. Kan neih tam hunah chuan a dangte pawh an rawn lut ang a. A rate tih that deuh dan pawh hi kawng an zawng ve mek a ni. Theihtawp kan chhuah a, kan ti hram hram a. Foreign-ah tum khat kan han ti thei ve hram a. Khawchhak lamah pawh demand a awm a. Mahse, Local Demand a san em avangin farmer-te tan a tawk baw si avangin tunah hian demand hi kan puhruk zo rih lo ani.

Alu chi chhia thu kha a dik a. Khawbung bialtu sawi kha kan chhui a. Farkawn ami pawh a chhia a lo awm ngei mai. Alu chi hi ram dang atanga lak luh a ngai thin a. Kan la lut thin a. Vanneih deuh te pawh a ngai a. Kawng lakah bandh a awm hian Truck load an ding ta reng a. Alu chi hi a tawih tawh chuan a bul ami a kai zel a. Chuvangin, alu chi lak luh pawh

hi a tirah pawh kan check reng a. All Farmers Union ho pawhin Alu chi kan strict dawn a nia. A tha lo hi chu kan check vek dawn an ti a. Ni e, theihtawpin strict ula, mahse, in hriat tur chu National Seed Corporation ina certificate a pekte hi kan target an nia. Anni pawh hian anmahniin an ching ani lova. An outsource ve tho va. Min collect khawm sak ve a ni. A lo kalna hi a hla em a. Thil tawih thei a lo ni si a. Tawih thei anih hi hria ula, concession khalaia in neih loh chuan alu chi hi farmer-te tan a that viau laiin a chi lakluh pawh kan hreh phah ani. A chhia hi a awm lo thei lo kum tinah hian. Farkawn ami pawh kha kan chhui a. A then a lo chhia a, vanduaithlak takin khatih lai khan VCP Champhai a lo kal a, an lo nghak a. Khang khan a chhia a tipung hman lehngal a ni. Vanneih chuan ka bialah a aia hla-ahthe kan thawn a, a chhia an sawi lo. A chang chuan a chhia an sawi tho, sawi lawk theih ani lova hei hi, tih kha Pu Speaker, ka chhanna ni sela.

Tin, thlai chi lei nan Nuai 63 lai kha in seng a heng thlai tlemte-ah hian a ti a. Alu chi lei nanah ringawt pawh hian kan duh ang hi tunah pawh hian kan lei theilo mah mah a, Alu chi duh ang thlapa lei tur pawh hianin vaibelchhe chuang daih a kai nghal ringawt mai ani. Chuvang chuan, pawn lam atanga kan lakluh hi a man a to em avangin pawisa hi kan seng tam lo thei lo ani tih kha ka chhanna ni sela. Amaherawhchu, tlema thlai chi lei nana kan pawisa sen a hniam deuh theih na turin hemi Eleventh Plan atang hi chuan kum thar atang hi chuanin seed production lamahte hian local-ah, kan local variety-te hi tih pun dan dap tawh ila. Thlai tam tak kan vaimim hybreed kan lakluh nasat tawh avangin local variety hi kan face out ti tih tawh a tunah hian. Hybrid chu a kumlehah a chin theih tawh si lova. Chuvang chuan, kalphung thara kan kala, seed production village-te hi tichho ve ila, chutah chuan local variety hi promote chho ve ila tih hi Govt. of India pawh hi an kal tum dan ani tawh a. Traditional variety a kan let leh hi a ngai a, green revolution atang a kan hmalak dan kal zelah hian vawiinni thleng hian Hybrid-a kan kal hi Govt. of India pawh hian sum kan sen belh tam lutuka, farmer tam takin an tuar a, Hybrid-a hi chu a kalphung kan hria a, sawi tam a ngai lova, khatiang anih avang khan Govt. of India pawh hian tunah pawh hian kan trational variety a let leh tur hianin a kum lehah a chin theih zel avang hianin Govt. of India pawh hian tunah hian ngaihtuahna an hman lai mek ani tih kha ka chhanna nisela.

Pu Speaker, Member zahawm tak Buarpui ami Pu Zodintluanga zawhna aieng chi leina eng pawisa nge tih kha - Aieng chi leina hi tunah hian, hmanni-ah khan zawhnaah khan a kal tawh a, a tirah chuan IWDP hi Water Set area-ah pawisa an hmang thova, IWDP area hi farmer target tho a ni a, IWDP pawisa hi heng atanahte hian hmang tangkai ve ila tiin kan C.M.

zahawm tak hovin R.D. te nen Joint Meeting kan nei a, kan sawi khawm a. Kan vaiin i tangtlang ang pawisa-ah hian kan ti a, Water Set Area an neihna pawisa kha chu khatah khan hmang ve se, tiin kan ngaihtuah a, chutih lai chuan IWDP leh Hariali-te hi a guide line a inang lo leh tawh a ni. Tunhma IWDP kha Hariali khan thlak ani ta a, Hariali anihah hian a guide line hi a hrang leh ta si a. Chuvang chuan, a taka han kalpui dawn khan a har khawp mai a, tah chuan a tirah chuan a dik a lawm, IWDP area a pawisa tur kha hmang ve rawh u, kan ti a. Work order pawh kan siamsak a ni. Amaherawhchu, practical tih khan a harsa em a, cancel leh mai ang kan ti a, kan cancel leh ta tawp mai a ni. Chuvangin, kumthar MIP kan Financial Year turah hian MIP atangin locate ila chutiang chuan i kal mai ang pawisa kal lai a awm thova, hengte nen tang tlang hian ke i pen mai ang tiin tunah hian hma kan la chho mek a ni.

Pu Speaker, Aieng hi Department ang pheii chuan kan ngam lo, procurement lo kal ami procure tur pawh hi Department-ah chuan kan ngam lo, kan NGO te MUP-te Central Y.M.A lamte V/C Association Farmer Union-te kan pun a, min pui thei ang em? min puih theih chuan ke kan pen ngam ang a, min puih theih loh pheii chuan man-power-in kan tlin lova, tam do nan a ngenna kan siam kha an tlawmngaia, chumi avang chauh chuan ke kan pen ngam a ni.

Pu Lalrinliana zawhna hi khawiah nge tih kha, Bombay base an ni a, compact area-ah chin ani em tih kha, Mizoramah hian compact area hi a buaithlak a, a karah lui a lo awm a, inhnaihte pawh kawng a lo tha lova communication mila han sawi hian compact area hi a rem mah mah a, phaizawl anga rin bial theih ani lova, a tlangpuiin Aizawl area-ah hian kan chinga, compact ang tih kha chu a har khawp mai. Tin, leileh tura agreement a awm em tih kha, agreement thu awmsa a ni.

PU H. LIANSILOVA

: Pu Speaker, Aieng sawi lai khanin, Aieng leina atan khan intodelhna programme awmsa ami hman ai kha chuan, tam dona tur sum kan neih Vaibelchhe 35 lai kan neih atang khan a rem zawk lawm ni? MIP kan hman chuan Aieng kan chinna chhan hi tam dona a lo ni bawk si a. A intodelhna lam pawisa ai kha chuanin BAFFACOS lam kha ngaihtuah a tha zawk lawm ni? khatiang zawng khan Sorkar-in a tum em? Tin, pawisa hi hmanchhuah tawhte a lo ni nghe nghe em ni?

SPEAKER : Kan zawhna leh Chhanna hi original Question atangin kan kal kual thui lutuk a, khalai kha a relevant leh relevant loh kha i ngaihtuah teh ang u.

PU ANDREW LALHERLIANA : Pu Speaker, nichina chhanna-ah khanin lawm lohna deuh hlek kan nei a, chulai taka chu point out turin khawngaih takin a sawibelh theih chuan sawi ka duh a. Kan Member zahawm takin Anthurium a sawiah khan a hralhnaah rate hrelo leh pawisa engzat nge a hmuh tur kan hre lo tih a sawi a. Tahchuan, Member zahawm tak dang sawi lehah hei hi chu a awm keini chuan kan hre sa tih a sawi ve leh a ni. Member zahawm tak sawi ve ve anni a. Kan Minister zahawm tak khan a hnial paw tawk deuh hlek a, khatiang kha ka hrechiang han tiha han inbendaih loh deuh khan boruak awmah chuan discrimination pawh a awm em ni? nepotism-te a awm em ni? tihte ngaihtuahna a awm theih avangin Member zahawm tak tena khatiang anrawn point out tawh chuan helaiah kan hriat dan chu, chu chu a ni a, Member zahawm tak-tein chutianga a witness in lo hria anih chuan kan lo en anga, chu chu eng emaw tih fel ngai a awm anih chuan kanrawn chingfel ang e, tih talin chhan kha Member zahawm tak-te in chhan nan chuan a tul a ni. Pu Speaker, kha kha ka phut tlat a ni. Anih loh chuan dawt sawiah kan inpuh tihna a ni.

PU H. RAMMAWI MINISTER : Pu Speaker, a dik a lawmawm e. Ka sawi akha an kalphung a ni a. A cause zawng zawng hi zawt vek ila ka sawi ang kha an kalphung a ni a. Amaherawhchu, khawimaw laiah a dik lo a awm anih chuan ka lo enzui ang e. Mimal takin kha kha chu ka lo enzui ang e. Tin, Pu Speaker, Saitual bialtu Member zahawm tak zawhna - Balhla chin tha a hmin har tih a kha, a hmin har tih kha thlasik anih vang ani lo maw?

PU R. LALZIRLIANA : Pu Speaker, a eng ve lova, hetia a hmin pangngai ang hian a pangngai ang khan a hmin mai thin a. Kan hrethiam lo thin a. Mizo hian khalai kha a buaithlakna lai a ni a.

**PU H. RAMMAWI
MINISTER**

: Pu Speaker, a hmasa kha chhang hmasa zawk ilar, Balhla hi Delhi-ah pawh Calcutta-ah pawh hmin tho si, eng lo a hring chi hi a awm ta a. Tuna balhla chi tha crane nine chi a ni a. Hmin har tih kha lehlamah chuan kan Mizo balhla pawh...

PU LALDUHOMA

: Pu Speaker, nichina anthurium chungchang kha, receipt an pek hian a pār an dawn zat receipt an pe a ni. Pawisa an dawn zat tur hi an hre lo tih hi he House-ah hian huai takin ka sawi ngam a ni. Kan Minister khan a hrechianglo zawk anih ka ring a. A hralh thinte hi a Department kaltlang hian Association-te pawh rawn in zawt chiang sela, thudik hi he House-ah remchang hmasa-ah min hrillh se tha-in ka hria. Tun maiah pawh ka chhuak a, kan zawt kual a, pawisa kan dawn tur zat hi kan hrelo tih a la ni reng a ni.

**PU H. RAMMAWI
MINISTER**

: Pu Speaker, a grower-te account pawh hi ka enpui ve thin a. An va kal hian receipt an pe a, an receipt-ah khan an pawisa tur a awm thlap thlap a. An in chhut thei. Pawisa erawh chu an dawng nghal lo, a hnu-ah cheque in a lo kal. A grower-te account pawh ka enpui ve thin. A receipt-ah pawisa a awm nghal a, register-te a then hian an maintain a.

PU LALDUHOMA

: Hei hi ka hmu chiang ve a, ka hre chiang ve a, chu chu tih chian mai theih a ni. Lo pek an nei anih chuan an pe a ni mai thei e. Mahse, hei hi a dik tlat lova ni. An zuk hralh zet a, an hralh hnu-ah chuta tang chuan an chan tur pawisa an pe chauh a ni. Engzah nge pawisa an dawn dawn tih hi a hriat lawk theih loh a ni.

PU H. RAMMAWI MINISTER : Pu Speaker, ka lo enzui ang e. Pawisa erawh chu an la nghal lo. A receipt-ah khan an pawisa dawn zat tur erawh chu a awm. Anthurium-ah khan a tawi, a lian a awm a. Tumkhat an pekah khan a man a inang vek lova. A then manto deuh, a then man tlawm deuh a awm a. Chuti zat tiin rate chhutsa vek a ni a. A pawisa erawh chu, an la nghal lova, a hnu-ah cheque-in an pe thin. Amaherawhchu, kan member zahawm tak Pu Lalduhoma sawi kha thil awm thei anih chuan ka lo enquire ang e. Ka lo chhu zui ang e.

Tin, balhla chi kha, bialtu zahawm tak khan engnge in rawn zawh belh. Anih leh kan lungawi thei em? kan in hlan thei em? Aw, a lawmawm e.

S P E A K E R : Starred Question No.164-na zawt turin Pu Sailothanga Sailo i lo sawm ang.

PU SAILOTHANGA SAILO : Pu Speaker, zawhbelhna pawh ka nei nual a, mahse, kan hman loh takin. Ka Starred Question No.164-na - (a) Mizoram College Provincialise tum anga sawi kha engtika tih puitlin tum nge? (b) College engzat nge lak tum anih? tih ka zawt e.

S P E A K E R : A chhang turin Higher & Technical Education changtu Minister zahawm tak Dr. Lalzama i lo sawm ang.

DR. LALZAMA MINISTER : Pu Speaker, Mizoram College Provincialise tum anga sawi kha engtika tih puitlin tur nge? tih kha chu hei hmalak mek zel a ni a, tunah hian kan han process-a, Tin,

College engzat nge lak tum tih kha hemi chhanna kan buatsaih lai hi chuan paruk (6) kan ti a. Amaherawhchu, tun maiah khan paruk (6) chauh aiin a dang paruk (6) pawh hi i ti ang kan ti a. Chuvang chuan, sawm leh pahnih (12) kan han process leh a ni, chu chu ka'n chhanna a ni e.

PU SAILOTHANGA SAILO : Pu Speaker, khawngaihin khami sawm leh pahnih (12) College-te kha a sawi theih mai em? tih ka'n zawt ni selangin. Tin, ka zawhbelhna leh chu College Principal qualification engnge? pahnihna, qualified lo Principal charge la an awm em? Awm ni se, engvang nge? Tin, a pathumna lehah chuan Zirtiri Residential Science College hi a hming ang ngei hian Residential Hostel quarter engtikah nge neih anih ang? Tin, Pu Speaker, scholarship-ah tlem han kai hlek ka duh a, zawhbelhna, min lo hrethiam langin. Tribal Scholarship rate hi a rei tawhin a tlem viau mai a, Sorkar hian a ennawn thei tawh lawm ni? A la thei chin income bar pawh hi a hlui hle tawh mai a. Sorkar in a review thei tawh lawm ni? tih ka'n zawt belh e.

PU R. LALZIRLIANA : Pu Speaker, College paruk (6) tih kha a rei tawh a, paruk (6) ah khan Saitual College a tel lova, tah khanin tuna sawm leh pahnih (12)-ah hi chuanin a tel ve ngei tawh ang em? tih kha ka'n zawt duh a. Tin, lak tum ani tih hi Budget Session vawi thum kan tihnaa, a vawihnih-na, a vawithum-na ani dawn tawh hialin ka hria a. Chuvangin, engtikah tak hian nge an tih dawn tih lai chauh kha ka'n zawt leh a ni.

PU LALRINLIANA SAILO : Pu Speaker, zawhbelhna - Law College-a Mizoram Law College-a staff lak hi a dik em? Lalfakawmi, LDC, Vanramruata LDC, Sanglianmawii LDC, Zairemthangi LDC tih December, 2006-a lak advertisement siam lova lak tih hi a dik em? Tin, ka hriatdanin hemi pathumna Sanglianmawii tih phe chu kan Minister zahawm tak fanu hi a monu hi niin ka hria a. Hetianga mahni chanpual mahni Department-a mahni fate lak hi a thiang em ni? khamifanu kha atan ka rawn dil ve e, min pe thei ang em?

S P E A K E R : Member zahawm tak ten relevant lo zawhbelh kan ching khawp a, hei hi kan inbuatsaih loh chuan Minister-te khan chhan loh theih an tih kha hre nawn ila a tha awm e. Chhang tuin Dr. Lalzama i lo sawm leh ang.

DR. LALZAMA MINISTER : Pu Speaker, College provincialise tura kan telh sawm leh pahnih (12) zingah khanin Saitual kha a tel em tih chu a tel e, tih kha ka'n chhanna nisela. Tin, hei pakhatah chuan Finance Department te, DP & AR-te kal tlang vek a lo ngai ta a, chung chu paltlang tir vek a lo ngai dawn a. Kumin hei Financial Year chhung han tihah chuan March thla a la ni a, hemi kum thar, Financial Year thar chhungah hian aniang tih kha ka chhanna nisela a tha awm e.

Tin, Principal qualification, kha kha Ph.D a ni a, tin, 10 years teaching experience nei a, Reader grade-a an awm tawh khan principal anni thei a. Tin, khami Reader tih kha Reader a kai tur hian refresher course vawihnih attend a lo ngai a, khatiang lo ni tawh experience lo nei tawh Ph.D ni bawk a kha a ni e. Tin, chu lovah chuan Principal qualify lo te an awm em? tih em ni kha? qualify lo han tihah khan hman kum 2002 kha a niin ka hria a, khang khanin dah an awm a. Ama'rawhchu, Ph.D nilo ho kha an ni a. Kha kha Court-ahte an kal a, tiang hian Court in a rel mek te an ni hlawm a ni.

Tin, chulo lelah chuan Tribal Scholarship (**SPEAKER** : Ngawi rawh aw...khawngaih takin ka'n tibuai lawk ang che, khi zawhna hun kha a tawp a, i la chhang zo lo deuh niin ka hria, in chhang zo lawk dawn em ni ang...anah han chhang zo lawk ta che.) hemi Tribal Scholarship rate hi a rei tawhin a tlem tham viau mai tih kha a dik khawp mai a. He post matric scholarship rate revision hi State thuneihna nilovin, Central Sorkar-ina a rawn tih thin a ni a. Ama'rawhchu, a rawn revise ve zel a, 2004 khan a rawn revise a, tunah pawh hian a rawn revise leh tep tawhin a rinawm a. Chutiang zelin hei parents income bar tih pawh hi a rei leh tawh a. Hengte pawh hi hemi State thuneihna nilovin, Central Sorkar-ina a rawn siam a ni a, hengte pawh hi a rawn ti danglam leh tep tawhin a rinawm a ni.

Tin, chulo lehah chuan Law College chungchang nichinah an rawn zawh kha, tichuanin, Kawnpui bialtu zahawm takin a rawn zawhbelhna kha ka chhang kim em aw! College hming maw? (**PU SAILOTHANGA SAILO** : Khami College Sorkar hlan tur kha College engzatnge an hming kha a sawi theih em tih kha han sawi teh.) an hming kan sawi ang e. Hnahthial College, Lawngtlai College, J. Buana College, Mamit College, Aizawl West College, Aizawl North College, Zawhnuam College, Saitual College, Khawzawl College, Johnson College, T. Romana College, J. Thankima College. Khami thleng kha sawm leh pahnih (12). Hemi Kamala Nagar College hi chu tun maiah kumin chhung hianin deficit-a hlankai kha a ni a. Awle, Law College chungchangah khan hei pawh hi deficit College-a hlankai chhoh kha a ni a, a Board khanin advertise lovin, officiating maiin emaw MR nge ni? khatiang vel khan an dah niin ka hria e.

S P E A K E R

: Awle, kan zawhna leh chhanna hun a lo tawp leh ta a. List of Business-a a lan dan ang khan vawiin chu kan Minister pathumte Demand kan sawi hova, kan ngaihtuah tur a ni a. Ti hian kan tih dan thin angin pathum hian ngaihtuah rual leh mai ila, a tha kan ti mai em? Aw, a lawmawm e. Chuti anih chuan tunah Minister zahawm tak Pu R.Tlanghmingthanga a Demand Nos. 11, 24 leh 29-te House-ah pulut turin i lo sawm ang.

**PU R. TLANGHMINGTHANGA :
MINISTER**

On the recommendation of the Governor of Mizoram and with your permission Sir, I move the Demand Nos. 11, 24 and 29 for Rs.163,59,80,000/- only for meeting expenses during 2007 – 2008 in respect of the following Department. (1) Demand No. 11 – Secretariat Administration – Rs.51,39,30,000/- (2) Demand No. 24 - Health & Family Welfare - Rs.87,23,00,000/- (3) Demand No. 29 - Social Welfare - Rs.24,97,50,000/- Thank you Sir.

S P E A K E R : Tunah Minister zahawm tak Pu B. Lalthlengliana, a Demand Nos. 6, 8, 18 leh 35-te House-ah pulut turin i lo sawm ang.

**PU B. LALTHLENGLIANA
MINISTER** : On the recommendation of the Governor of Mizoram and with your permission Sir, I move the Demand Nos. 6, 8, 18 and 35 for Rs.25,12,00,000/- only for meeting expenses during 2007 - 2008 in respect of the following Departments :- (1) Demand No. 6 : Land Revenue & Reforms - Rs.10,21,50,000/- (2) Demand No. 8 : Taxation - Rs.4,19,35,000/- (3) Demand No. 18 : Printing & Stationary - Rs.6,36,15,000/- (4) Demand No.35 : Fisheries - Rs.4,35,00,000/- Total - Rs.25,12,00,000/- Thank you.

S P E A K E R : Tuna Dr. Lalzama Minister zahawm tak a Demand No. 7, 21, 23 te House-ah pulut turin i lo sawm ve thung ang.

**DR. LALZAMA
MINISTER** : Mr. Speaker Sir, on the recommendation of the Governor of Mizoram and with your permission Sir, I move the Demand No. 7, 21 & 23 for Rs.47,34,35,000/- only for meeting expenses during 2007 - 2008 in respect of the following Departments. Demand No. 7 : Excise & Narcotics - Rs.8,18,65,000/- only. Demand No. 21 Higher & Technical Education - Rs.34,15,10,000/- and Demand No. 23 : Art & Culture - Rs.5,00,60,000/- only. Total - Rs.47,34,35,000/- only. Thank you.

S P E A K E R : Awle, tikhan kan Minister pathum ten an Demand-te an han pulut a, kan sawiho leh ang a, nidanga kan tih dan ang bawkin Member tinte 10 minutes inpe leh ila a tha

mai em? A nih leh tiang chuan ti dawn ila, kan Group Leader-te erawh chu kan duhsak leh ang a. Tunge ball han um hmasa ang. Pu Andrew kha a hmasa deuh tlat mai. Awle, Pu R. Lalzirliana.

PU R. LALZIRLIANA : Pu Speaker, leave dil che ka tum a, helai ka ngaipawimawh si a. Kan Speaker zahawm tak lo ni tawh Pu H. Thansanga a faten a khawhar em mai an ti a.

Kawppui tur an zawn sak a, a man hlan a tul a. Ka bial a ni si a. Ka han kal dawn a, khawngaih takin ka lo sawi hmasa ang a. Tichuan, naktuk rawn nang leh hmang hramin lo kal ka tum dawn nia. I hruaina hi a lawmawm a, i bula awm kan thlahlel si ad, kan han ti hram hram anih hi. Nidang chu nise chuan ka kal daih ang chu, naktukte pawh kha chhuanlam awmin kan rawn attend lo ang a. Ama'rawhchu, i hruaina hi hei kan Group Leader kan CLP Leader ho hian nuam kan ti a, zahawm kan ti em em che a ni tih ka sawi duh zawk a.

Awle, Demand No. 23-naah hian ka'n tan ang a. Tawi te te chauh hun a awmluh avangin ka'n sawi dawn a ni a. Hei Social Welfare Department-ah hian thil pakhat tih theih ve dan kawng zawn a tha lawm ni tih hi ngaihtuahnaah a awm a. Chutah chuanin Tar pension hi a ni a. Tar pensioner ho hi duat an ngai hle-in a hriat a. Central Sorkar-te pawhin chutianga chu hrethiamin tunah hian sum engemaw zat an rawn pun a, kan State in State Share engemaw zat a lo siam ve avangin Rs.100/- vel kha Rs.250/- laiah pun chhoh a lo ni ta niin a hriat a, a lawmawm khawp mai a. Tahchuan an lakna hi Rs.250/- vela lo kal fo hi a buaithlak a. Tin, kum chanve thlathum danah-te emaw lo la pawh nise tar an ni tawh, an tan Aizawlah emaw Block Centre emaw-a kal fo hi thil harsa tak a ni a. An hma khua ngai hianin Civil SDO awmna-ahte, anmahni CDPO awmna-ahte hian Aizawl Directorate-ah emaw kher lak ngailo hian lak theih dan hi a awm lawm ni? hetiang a awm hi chuan tar tan tuna pension tlem a zawng kan pek bakah hian kan tanpui nasa hle ni turah an ngai a. Tiang chuan mi tute emaw an rawn tir a, sawm-te, sawmhnih te pawhin, hrethiamin Directorate-ah an lo tihsak thin a. A lawmawm em em a. Amaherawhchu, chutianga an han lak sak hian, V/C thenkhat khawi khawi ami emaw te leh an mi tirhte khanin hlawh a lo ngai ve a. An tar pension atang khan Rs.40,50,100 thlenga lo hman te a ngaih chang a awm thin a. An tan a uihawm em em a. Khalai kha kan Minister zahawm tak hian kawng rawn dap hram selangin tih ka ngen duh a ni.

Tin, Demand 23-naah hian kal leh ta ila.

Art & Culture a ni a. Cheng Vaibelchhe nga lai han pek ve te a ni a. Hei hi a beitham lutuk deuhin ka hria a. A chhan chu kan hnamzia, kan nunphung, kan pipu atanga kan culture a hning atang reng hian sawifiah pawh a ngai lova. Min rawn pholangtu khawvela Department awmchhun a ni. Chuvang chuan, hei hi kan duhsak a ngaiin ka hria a. Kei aia fing leh fel vek in ni a kan Member te. Hengah hian hnam fing chuan an culture an thlah mai ngai lova, mahni nun ze pangngai anga kal thei, mi copy ringawt lo hi hnamfing leh hnam ropui an ni chawk thin a ni. Chuvangin, hetiang kan incheina emaw, kan culture hrim hrim kan hnam nunphungte han phochhuak leh tur hi chuan sum tam tak a ngai a. Kan ramah mai nilo, Mizoram pawnah State dangah State lian zawkahte kan thenawm State-ahnte pawh hian kan culture tam tak vawiin ni-a chhawm nun zel kan duh hi a zahpui awm lova.

Tin, kan hnam lamte pawh hi a mawi a, mite pawh hi a ti hlim thei hle-in ka hria a. Chung ang anih rual chuan kan sum erawh hi chu a tlem hle-in ka hria a, heng hi en that a ngai hle-in ka hria a. Tin, hei kan Session March Ni 8, 2006 a Budget Session kan neih tawhah khanin kan Minister zahawm tak hianin Beraw tlangah sawnin Tourism Department in hmun a pek ve thu-te kha a rawn sawi chhuak a. Tin, chumi hmunah chuanin State Museum ropui tak kan sa dawn ani a ti a. Hei hi Cheng Vaibelchhe thum lai man kha a ni a. Member-te pawhin kan lawmpui hle niin ka hria a ni.

Amaherawhchu, vawiin ni-ah hian engnge ni ka hrechiang ta lo zawk nge ni a, a hmunah ka kal chiah lova, ka lo hre chiang lo palh anih chuan nakinah min sawifiah sak selangin. Tun hi Budget Session dang kan nei leh tawh ani a, chutih laiah chuanin khawiah nge hei crore 3 lai mai hi a awm tak a tih hi zawhna ka siam duh a. Tunah khanin zawhna tam tak ka siam a, chung zingah chuan K-deposit-ah Sorkar hian Department tam tak kum 2003 atangte pawh khan dah sak a la nei a ni. Chung dah sak zingah chuan ka lo en chiah ta lova, a lo tel ta em ni? hetiang anga kan hnam ina kan mamawh em em State Museum pangngai deuh tur hi a pawimawh em em a ni. He sum hi kan State sum pawh ni lem lo hmun dang atanga kan Sorkar hnathawk ten thahnem ngai a, Central lama mi an dil chhuah, kan Sorkar hian a lo ti chingpen ta em ni? tih te pawh hi ngaihtuahna a awm thei a ni. Chuvangin, kan Minister zahawm takina he House zahawm takah Member-te min lo hrilh tawh a kha a ni a, khawiah nge a awm tih hi ka hre chak khawp mai. Hai chhuakin a hmunte pawh hi Tourism Department in a an pe tak tak anih ngai chuanin sa mai tawh selangin a tha lawm ni? tih hi Pu Speaker, ka'n rawt duh a ni.

Tin, hei Demand 24-naah hian han kal ve ka duh a. Hmanni-ah pawh khanin kan sawi tawh a. Nursing School, Aizawl tih kha Mizoram College of Nursing tih a upgrade a ni a. Hei hi thil chhinchhiah tlak tak ani tih te pawh kan sawi tawh a ni. Kum 2005 ami daih tawh kha a ni a. Heng hi a nihna tur ang taka kan tih vat loh hi chuan, a hming han tih danglam ringawt mai hi chu tu pawh in an ti theiin a rinawm a. Amaherawhchu, a tak ram a la thleng lo hi a pawiin ka hria a. Kum 1988 Pu Lal Thanhawla Ministry lai kha niin ka hria a, Teacher Training Institute hi District Institute of Education ti a upgrade an ni a. 1988-ah upgrade chu 1989-ah chuan a nih dan tur phung pangngaiin engkim adhoc basis a retrospection effect a tih nghal a ni a. Chutiang ang tur chuan Department hotu-te leh kan Minister-te pawh hian hma an rawn la thei lawm ni? tih hi ka zawhna a ni a.

Tin, vawiin ni-a ka han sawi tel leh duh a chu kan Minister zahawm tak hi hmanni-ah ka zawt tawh a. Khangte kha a va hmu ta em? tihte pawh hi a briat a tha-in ka hria a, va enho ila kan tih kha kan la en ho hman chiah lova, percutenus nefrolithobiocy hi cheng nuaili singriat sanghni h sawmli leh pali man lai Ni 24.3.2005 a lei tawh kha a ni a. Hei hi kan thiante an va kal a, Doctor-te an zawt a, kan la hmu reng reng lo hei hi chu kan dil lai mek a ni an ti si a. Amaherawhchu, RTI Act hmanga kan zawh khanin kan pe vek tawh hei hi an awm tawh tih a ni lawi si a. Hei hi khawngaih takin min lo zawhfiah sak selangin a tha in ka ring a.

Tin, heng Holder Monitor cheng nuai 10 chuang man Zo Week Chanchinbu tha tak mai a chhuak chu hengahte hian Referral Hospital a hmanrua-te khawiah nge? tih a rawn inziak buai mai a. Pu Speaker, heng hi engnge maw ni dik hlel deuh chu a awm a ni ang tih ka ring a. Holder Monitor-te pawh hi Computer Engineer kan thiante min hrilh dan chuan tlema a tha lo chi deuh a vantlang chi chu cheng nuai thum singnga man-te a ni an ti a. Tin, a tha ber chi pawh hi nuai nga pawh hi a khum lo a ni an ti a. Chungte chu cheng maktaduai khat leh sangnga leh sawmriat leh pahni h a han lei ngawt maite hi chu Pu Speaker, a Supplier nihte pawh hi a chakawm ve a. Nichina kan Member zahawm takin a tih ang deuh khan hengte hi hetiang anga kan ti leh dawn anih phei chuan engtin emaw kan fate hmingte pawh hian tute emaw in an tih ang hian a tih ve theih mai lawm ni? tih te pawh hi ngaihtuahna-ah chuan a awm deuh a ni. Ka lawm e.

PU ANDREW LALHERLIANA : Pu Speaker, ka lawm e. Demand sawi tur a tam hle a, hmun khatah hian a sawi tam theih dawn lova. Chuvangin, tlem te te-in sawi kan tum ang a. A hmasa berah chuan Higher Education atang hian han tan ta ila, tah hian tawite kan sawi ang a. Lawmthu sawina a ni deuh mai dawn a. Khawzawl College kha provincialise tur zinga a tel kha a lawmawm ka ti hle mai a. Lawmthu ka'n sawi duh a. Chutih rualin tunlaih chuan grading tha-teah hian an in el nasa a. Tunah hian Khawzawl College hi a rawn inspect-tu ten a grading atan an rawn inspect dawn a. Chutah chuan mamawh em em mai building thenkhat an rawn tehna tura tel kha sak tur a awm a ni. Hei hi kan Minister zahawm tak hian min lo hriatpuiin min lo chhinchhiah sak se, a man pawh a tam lova, nuaikhat (1,00,000) chuang vel pawisa hman a daih thei mai tur, a tul anih chuan MLA Local Area Development Fund-tena tang kawpin tih kan tum dawn nia tih kha ka'n sawi duh a. Khati zawng kha Higher Education atan chuan ni mai selangin.

Tin, Art & Culture Demand 23-na hi, Art & Culture hian kan hnam zia vawn thatna hna an thawk tha em em a. Ngaihtuah an ngai a, chuvangin, an Department enkawl danah pawh kan duat an ngaiin ka hria. Entirman, a bialtu sawi awm tak a nih rualin a bialtu pawn nakina min rawn thlawp tho ang a. Kolasib-ah hian District Library an nei ve a, chu Library-ah chuan Sub-Divisional Librarian khu a enkawltu a ni thin a. Kolasib-a Library enkawltu ber chu District Librarian ah kum 2005 khan Lunglei lamah a kai sang ta a. Lungleiah a awm ta a. Kolasib Library chu enkawltu nei lovin LDC hovin kum 1 aia rei an awm ta a ni. Hei hi Kolasib Library-ah hian contract basis talin emaw, permanent a, a theih phei chuan duh thu sam a ni a, Librarian a dah theih lawm ni? An khawngaidh thlak hle a ni.

Tin, Lunglei-ah sawn District Art & Culture Office hawn a ni ve a, tah sawn District Research Officer (DRO) in a hova. Group 'B' Officer a ni a. Department dange ngaihtuahin Group 'B' han enkawl tir mai ai chuanin a post hi Senior Research Officer (SRO) ah upgrade-a Group 'A' Officer hova dah ve ni tawh se, a va tha awm ve, a bik takin District-ah pawh District hlun ber Lunglei anih avang sawn hma lak vat vat theih nise, tah chuan a lawmawm hle ang kan ti a. Kha kha ni mai se langin Art & Culture lampangah chuan. Khawngaih takin ka sawi kha kan Minister in min lo chhinchhiah sak se a tha ang.

Tin, Health & Family Welfare-ah hian kan sawi duh chu nimirah pawh Special Mention kan sawi tawh a. Tahkhan, Finance Department a awm ani e, an ti a. Khalai chin akha chu, Amaherawhchu, a patient-te, Welfare-te leh helaia an in enkawl chhoh zel dan hi chu chiang takin Health Department hnuai ami anih avangin, sawi ka duh a. Nimirah pawh khanin thu chiangkuang lo taka kan sawi pawh kha han clarify leh nghal tha-in ka hria a. Damlote Arya Hospital a zu awm in entir-te, khangte khanin an nitin chaw Rs.360/- an entitle thin akha, 160 a an tih thlak akha, Danlo ang ani tih hi chiang tak maiin a lo lang tawh a. ICICI Lombaard Document ngei atang hian anmahni ziah ngeiin chiang takin patient one attendant eligible kha kha an diet-ah chuan Rs.360 per day a ni a. Bracket chhungah Rs.180/- per head angin mi pahnih (2) chuan Rss.360/- a ni. Tunhnaia an hotunu ber Dr. Shahnaz N. Zothanzami'n ka ziah sual ani a tih kha ziah sual a ni lo reng reng a. Document a awm thlap a ni. Chuvangin, Rs.360/- an entitle a, khawngaih takin pe turin kan Health Department lampang pawh hian nawr selangin a tha ang e.

Tunah khuan, a receipt pawh kawh tha vek turin tih a ni. Tin, an food habit-ahte pawh khuan, Mizo duhdan anga a tirin kan ti ang an tih, zing leh tlai chaw ei pawh kha an duh dan a ni a. Chhun Dar 1 : 00 P.M leh 2 : 00 P.M vela lunch ei pawh kha, anmahni nen a inan loh avangin food habit-ah an harsat puia, khangte pawh kha kan ngaihtuah ang an tih miau a ni a. Agreement ngeiah khan Mizo patient-te chu, special-a enkawl an ni ang tih a ni a. Tin, Re-imburement pawisa a patient ten an lo hman lai lawk, entirman, rail emaw thlawhna emaw kal man-te kha an entitle ngei, nakina re-imburse leh tur ang chi te hi, re-imburse a harsa lutuk a ni. Nikum November ami-te hi, tun March-ah pawh hian an la re-imburse theilo. An haarsa a ni, hemi chungchang thu-ah hian, ICICI te chu, Bombay Stock Listing ah pawh Company lian ber khutiang khawpa hausa anih laiin, Mizoramah hian an che tha duhlo a ni tih hi a chiang em em mai a.

Tin, Arya Hospital te reuhte te an sponsored -te hi, a tha lo a, hriat tham loh anih ruala thil pawh em em mai chu, thil a to em em mai a. Thingpui no khat te pawh hi Rs.10/- zuk tia mawle ! Thildang to dan tur chu ropui tak a ni. Chuvangin, patient pakhatin an diet a Rs.360/- a indaih tawk tawk, Rs.160/- a an tih thlakte kha, a diklo a ni. Kha kha khawngaih takin he Dan kalh zawnga keimahni kan Health, kan Out source ta rau rau bawh a. M.R. hi tha taka a kal theihna turin kan Sorkar hian enkawl se ka duh a ni. Tunah chuan Department dangah kan lut leh anga, Taxation-ah hian, Pu Speaker, kan sawi zo hman dawnlo hle a, pawh ka ti a. Amaherawhchu, theihtawpa hmanhmawhin kan sawi ve anga. Demand No. 8-naah hian, hei kan Financial

Statement, kan Budget-a kan hmuh dan hianin chhiah hi kan la nasa tawh khawp mai a. Taxation & Commodities Service-ah hian tun kuma kan hmuh turah hian Cheng Vaibelchhe 64 chuang kan hmu dawn tawh a ni, mipui tak atanga kan lak tam em em mai tawh hi a Chiang a ni. Chuvang chuan, VAT system hi mipui leh, a bik takin sumdawng-te business friendly deuh hleka VAT system hi ka'n sawi duh a. VAT hi a hmasa berah kan hriatchian em em, kan hriat sa chu State Subjectd a ni a, hei hi prerogative State a ni a. A tih danglam theih pawh hi State Sorkar kut a ni tih hi ka sawi duh a.

Tin, chhiah kan duham em em mai a. A Tax a san a, 12½% kan tih ang ngawtte hi sang tak mai a ni. Uniform floor rate a ni a tiin State dang nen intluk tlan tur a ni e ti a, a rate sang atangin Tax volume sang kan beiseina avang hian a ni mai thei. Chuti chuanin, a hniam pawh lo nise, 8% pawh ti ila Trade volume a san na na na chuan Tax lo lut return ahi a sang thin a ni. Chuvang chuan, khatiang khan an kalpui thei a tih kha ka'n sawi duh a.

Tin, sumdawng tam ber kan Mizorama goods lo lut, 100% to 80% ahi Company atanga direct-a lo kal an ni lo a ni. A chhan chu Mizoram Market hi a tet em avangin Guwahati-ah khuanin distributor an nei a. Mizoramah hian distributor an nei lova. Chuvangin, Guwahati distributor atangin hetah an rawn puh chhawng leh a, commission agent hotu khuan chutah chuan Guwahati VAT pek tawh hnu-in Mizoram VAT pek leh anih hian, VAT upon VAT anih avangin chhiah hi a sang em em mai a. Kan bungrua za-a sawmriat deuhthaw hi hetiang a lo kal hi a ni, tlemtein distributor kan neihte avangin direct-a lo kal hi anih avangin, TAX hi a nihna dik takah chuan 8% ah hian chhukthla se chuan kan hlawk zawk ang. Tin, hengho tan hian Guwahati VAT an pek loh dan tunah hian Vairengteah khuanin Stock-yard siam ta selangin, Guwahati Assam Sorkar in hriatpuina-in anmahni distributor-te atanga chulaia kan Stockyard a lo lut turahte chuan Tax la lovin, VAT lo la tawh lovin Mizoram VAT chauh a lak theih dan turin State neighbouring-te nen inremsiam ta selangin a tha-in ka hria.

Tin, Mizoram-a sumdawng bungraw lo lut hi a to em em bikna chhan chu transportation cost vang a ni. Delhi atanga Guwahati rawn kal man hi kg zelah Rs.3/- a ni ad. Delhi atanga Aizawl rawn thlen man hi Rs.7.50 a ni. Kg khat zelah pawh ti khawp khan a inthlau a ni. Chutah chuanin VAT kan han lak ve ve ringawt pawh hian direct-a lo kal pawh hi Mizoram hian kan chawi sang lo thei lo a ni. Khatiang zawng zawng

transportation bill-te pawh kha consumer-a pass zel a nih avang hian a man hi a sang chho ta a. Chuvang chuan, VAT rate-te pawh hi sumdawngte bungrua hi tam zawka kan lei theihna tur pawh hianin a rate tlakhlak a va han ngai em tih kha ka'n sawi leh duh a. Pu Speaker, ka'n zo lawk ang e, a rei dawn tawh miah lo. A chhan chu sumdawng friendly zawnga kan VAT kalpui hi a ngaih zia hi ka sawi duh a. Entirman, Motor hralhtute hi chhut lawk ila, tawitein. Hei motor hralhtu Hrangbana te leh mi dang dang an awm ta a ni. Heng ho hi dawr lovin, keimahniin kan VAT lak leh transportation a san avangin tlem chuan a sang mai thei. Department thenkhat in entirman, Health Department leh Police te pawh hian Direct-in Guwahati-ah zuk lei an ching a, tahchuanin, Mizoram customer kan hlauh rualin thil paw em em mai chu, Assam-ah hian an tihdan en ve ila a tha-in ka hria a. Assam-ah chuan anmahni agent-ah an lei loh reng reng. Assam-a lo lut tur chu entry tax 8% an tuk avangin State dangd atanga tuman motor lei ngam an awmlo a ni. A chhan chu, a to dawn lutuk 8% anih avangin keini pawhin Mizoram-a motor lo lut reng reng a tharte hi he lai sumdawngten VAT pek kaltlanga an lei anih loh chuan direct-a VAT pek loha lo lutah hian tam tak chhiah kan hloh bakah kan sumdawngtute hian customer an hloh a. Sorkar Department-te pawh hian motor leiah hian Mizorama Company VAT pe ngei hnenah hian an lei tur a ni.

Department hrang hrang han sawi lawk ila Pu Speaker, sentence hnih chiahin ka zo tawh ang. Heng Department hrang hrangte pawh hian supplier an appoint hi Mizoram-a VAT pe ngei dawr nei leh Contractor-te hnen ngei atang hian supply hi order ni tawh se. Kha kha a hlawk dawn a. Tin, vai sundawng businessman an tih hote, hengho ina hetah sum an rawn dawng a, eng eng emaw an rawn supply-a, VAT pelovin an haw leh a. Hlawk tak taka an kal thin hi an ngaimawh a ni. Mizoram in Sorkar thil supply reng reng hi vai flying businessman-te kaltlang aiin kan Regd. Contractor-te leh kan dawrte VAT pe te ngei hengho hnen atang hian bungrua hi lei thin se a tha ang e tih kha ka'n sawi duh a ni. Pu Speaker, ka lawm e.

PU P. P. THAWLA

: Pu Speaker, ka lawm e. Hei waviin ni-ah Minister zahawm tak pathum an Demand a vaia belkhawm chu Vaibelchhe 23,66,15,000/- vel lai ram leh mipui tan

kan sawiho-in, kan pass dawn a. A thlamuan thlak hle-in ka hria a. Sawitu an tam hle a. Mahse, tlemte ngaih pawimawh zawng han sawi ve ka duh a. Pakhatnaah chuan, Demand 24-na, Health & Family Welfare Department-ah hian ngaih

pawimawh riau mai ka nei a. He Department hi mitin min huap Department pawimawh tak mai mirethei leh mi hausate kan vai atana thil pawimawh a ni a, hemi chungchang thu-ah hian sawitur a tam hle laiin ka'n thlurbing duh chu Saiha Civil Hospital chungchang thu hi House-ah hian tih rik leh ka duh a. He Hospital hi 1976 vela din ni tawhin ka hria a. Chhimtuipui District, Mizoram-ah District pathum kan nei a. District kil ber Chhimtuipui District an thin hmuna kan Hospital pawimawh tak a ni. He Hospital-ah hian chuan mirethei, Lunglei-te, Aizawl-te thleng pha velo ho pun khawmna anih avangin kan Sorkar lai pawh hian a ngaih pawimawh leh zual a, a facility-te pawh a ngaih pawimawh sak a building-te leh a furniture-te engkim mai hi special taka enkawl sak atan tul hle-in ka hria a, a duhsak awm bawk a. Chu chu ka han tarlang hmasa duh a.

Tin, he Hospitalah hian X-ray khawl pakhat kan nei ve a. Chumi kan X-ray khawl chu 20 MA Mini Ampere tihna a ni awm e. Hetiang khawl hi chu PHC vela hman tur lek, khawl te chi a ni a. Hei hi nakinah wind up hunah kan Minister zahawm tak in khawlthar-te dahsak tumna a awm tawh em ? tih hi House-a min chhan theih chuan lawmawm leh zualin ka ring. He khawl hi tunah chuan a rei tawh em a, a dah kum ka hre chiah lova. A tha tawh lo leh nghal a. Chuvangin, he Hospital pantu mirethei tam takin X-ray khawl awmchhun leh zel pawh a that tak lovah chuan harsatna namenlo kan tawk a ni tih kha kan Minister zahawm tak leh a Department hotuten min hriatpui a, min ngaihsak a tul hle-in ka hria a. Chu chu ka han tarlang duh a ni.

Chutianga Saiha District ti tawh mai ila, ina harsatna kan tawh mek laiin District thar ho Kolasib, Champhai, Serchhip, Mamit-ahate hian chuan khawl thar, a lian chi, 300 MA chi kha an dah deuh vek tawh niin ka hriatnaah chuan a ni a. Chu chu a dik a lo nih phei chuan an duh sak awm a, heng ho hi an pawimawhlo tihna ni lovin, an pawimawh em em rualin Aizawl khawpui tawm thei vek leh kep thei vek turte anni a. Saiha District erawhchu, Lunglei District a hla tham si, Aizawl pan turin sum leh pai senso a tam si a. Chuvangin, hetiang khawl lian hi Saiha Hospital-ah hian dah sak ni thei sela, a duhawm hle a ni tih kha ka han sawi duh a ni. District headquarter senior ber anih laia tun thlenga PHC a hman tur ang X-ray khawl te chi hun a la ni reng mai hi kan Sorkar tan pawh a mualpho thlakin ka hria a. Ngaih pawimawh atan ka han sawi uar duh a ni.

Hei hi ka hriat zel dan phei chuan Lunglei Hospital-ah phei chuan 1980 atangin vawiin inkarah hian khawl vawithum, vawili a thar an thlak thleng sak tawhin ka hria a ni. Chutiang vel chu ka hriatdan a ni a. Chuvangin, helaia kan harsatna hi ram mipui aiawhin vawiin ni-ah hian kan House

zahawm takah hian uar takin ka han tarlang duh a. Saiha Hospital-ah hianin Hospital building thar sak tumna hi kum 2000 Council C.M ka nih lai khan DONER-ah detain mek a ni, tih kan hre thin a. Delhi-a ka kal pawh khan ka theih tawkin ka umzui ve a, mahse, tun thlengin building thar sak tumna a awm tawh lova. Hei hi DONER-ah hian tham chhuah zela, a rah hmuh chi nge ka hre lova, vawiin thlengas building thar sak lohva a awm ta reng mai hi building thar sak hi Sorkar pawhin ngai pawimawh hram se, tih hi ka han sawi lang duh a ni.

Tin, Social Welfare Department lamah pawh sawilan duh ka nei a. Keini Saiha District chhunga Tuipangah hian CDPO an awm thin a. A kil tham em a, hotu a hmuna min awmchilh thei kan nei mang lova. A chang leh Lawngtlai atanga vil te, Lunglei lam atang te leh Saiha lam atanga kawpte kan ni deuh thin a. Chuvang chuan, Social Welfare lamin mipui rawng a bawlna lamah hian a rah kan seng tur ang kan seng lo fo a ni tih hi kan beng a thleng fo mai. Nau chaw pawh an sem tha lo. Lak chhun pawh an sem tha lo. Vil that a hlawh loh hrim hrim thu-te hian kan beng a thleng fo mai. Mahse, vanneih thlak takin bialtu ka lo nih tirh atang khan Officer fel tak mai, a hming pawh tarlang nghe nghe ila, Pu Banglova a lo awm a, bialtu MLA nih pawh a nuam hle-in ka hria a.

Khilai mipuiin Social Welfare-in mipui tana a rawng bawl vena kan hre thar zel mai a. Nau chaw an dawng tha bawk a, building sak tur, Anganwadi building sak tur a awm pawhin mawi takin a satu ten an uluk a ni tih hriat theih turin building thar hmel hmuh tur a awm thin a, a lawmawm hle a ni. Kum 2 em pawh tling lovah kan Officer fel tak kha sawn chhuah a lo ni leh hman tawh a, tunge min bial leh dawn ka hre lova. Hengte hi mipuiin vawikhat pawh Minister zahawm tak hnenah pawh he Officer hi min dah sak leh hram teh u tiin ngenna pawh an siam nghe nghe a ni. Thil theih ni leh hram se tih pawh ka duh hle a. Chutiang tak chuan Social Welfare hma lakna hi mipuiin a zar kan zo dawn tan a ni. A tak takin kan hlawkpui dawn e, tih lain khatianga lo danglam leh ta khan thil thalo a lo thlen leh ang a, ngaihthah kan hlawh leh palh ang, tih a hlauhthawn awm hle-in ka hria a. Chu chu kan mipuite ngenna kha hotu ten min hlawhtlin tir leh sela, Officer fel tak, a hmuna thu ngei tur min dak sak se, tih kan duh hle a. Chu chu ka tarlang duh a ni.

Tin, Demand 6-na lamah han sawi leh ila, Land Revenue lamah hian chuan sawi tur ka hre vak lova. Ka sawi duh chu bialtu MLA term khat nih ve manah hian a changtu Minister hian "Hei hi lo dil ve langin ka lo pe ang che" min ti sela, ka lawm hle ang, tih kha ka tarlang duh a. Pu Speaker, thil hote mah nise, rilru-ah a lang lian duh hle a. Chu chu ka han tarlang duh a ni.

Demand 21-na leh 23-naah hian tlem han sawi leh ka duh a. Demand 21-na Higher & Technical-ah hian hei Saiha a kan College-ah hian Mizoram-a College lian pawl tak zingah a tel pha tawhin ka hria a. Amaherawhchu, kan building hi a hlui tawh lutuk a. A Principal hi chu mi fel tak mai kan nei a. A vawikhat sak pawh kha an vil ngun hle a. Chu chu kum tam tak kum 20 dawn lai a ding leh tawh a. Tunah hian building thar sak tumna-te a awm tawh em? kan Council Sorkar-na buai vel lai khan kan MNF MDC thenkhat chu College building sak tur a awm a, he hna hi i thawk dawn nia, kan Party-ah lo awm mai rawh tih thlemna kan tawk tihte kha fiamthu nge a tak nge ka bengah a lut zawk a. Hei hi kan Minister in a wind up hunah Saiha College building thar sak tumna a awm leh awm loh min hrilh thei se ka lawm hle ang. Hostel leh building thar kan mamawh hle mai tih ka han tarlang duh a.

Art & Culture lamah hian P.A set te, Guiter te, midangah chuan an dawng tha hle thinin kan hria a. Nang MLA i nih ve hnu hian hetiang tanpuina-te hi a har ta emaw ni le. P.A set in sem tlem si, tih ang reng kha kan bengah hian a ri fo mai a. Heng ang thil kan Minister tena min sem hian chuan kan phur viau a, bial fante pawh a nuam a. Helam pangah hian sum dah tam leh deuh ni sela. Bialtu MLA Contract hna sem tur nei ve lo tan chuan P.A set pahnih khat leh tingtang-te, kan bial mipui leh thalaite ho hnenachte han pek tur a awm hian kan phur bik em em a. Mipuih pawh kan Sorkar hmel a tha thar leh thin a. Chutiang chu ka han tarlang duh bawka a ni.

Tin, sum leh pai lam chu thu dang ni sela, Art & Culture Director-te, Higher & Technical Director-te hi inthlak thleng theih mai chi a ni em? tih laite pawh ka han tarlang duh a ni a. Chutiang zawng chuan he Department-te hi a Head te thlak thleng hianin siamthat a, hmasawn dante a awm em? tih ka rawn sawi tel duh bawka a ni. Pu Speaker, ka lawm e.

S P E A K E R : Hun i hmang thiam ber mai. Pu Sailothanga Sailo i lo sawm ang.

P U S A I L O T H A N G S A I L O : Pu Speaker, ka lawm e. Vawiin hian Department 10 kan pass leh dawn a. Department pakhat sawi nana minute khat che che kan nei hi vawiin chu ko thlak ka duh deuh a. Ka bial mamawh ka sawi hmasa phawt ang a. Chutah hunin min daih leh a dang hi ka sawi ang ka ti deuh a. Tichuan, Pu Speaker, Demand 24-na

Health & Family Welfare-ah hian han tan hmasak ka duh a. Pu Speaker, Lungdaiah khuan PHC Damdawi in kan nei a. Nikum May thla vel khan kan Doctor hian zirna sang zawk zir turin min kalsan a. Vawiin ni thleng hian Doctor kan la nei lova. Khu khu Sorkar hian rang takin khawngaih takin min dah sak turin kan han sawi nawn leh ni selangin.

Tin, kan Health Worker in khu Office building khu a chhe tawh khawp mai a. Khu pawh khu Sorkar hnenah min repair sak turin kan han ngen ni sela. Tin, Lungdai damdawi in-ah khuan X-ray khawl hmana in dah kha, in dah atangin vawiin ni thlengin a hman theih lohva. X-ray khawl thar Sorkar hnenah kan dil ni selangin. Tichuan, Bukpui Damdawi in PHC saw a building a hlui tawh deuh hlek a, a repair-na Sorkar-ah kan dil ni selangin.

Tin, Damdawi in approach road saw mipuiin kan complaint nasa em em a. Sawmi kal kawng siamthatna saw kan dil ni bawk selangin. Tin, nurse kan indaihlo em em a, remchang anih chuan Sorkarin Bukpui Damdawi in-ah sawn Sorkarin nurse min dah belh sak turin ka'n rawn ni selangin. Tin, Kawnpui damdawi in subsidiary Health Centre khu kei ngei pawhin he House-ah hianin Pu Speaker, ka sawi thin a, kan hlawhtling dawn emaw kan tih laiin tlemin a hla leh deuh niin kan hria a. Khu Kawnpui damdawi in chanchin khu Pu Speaker, he Sorkar hriatah leh kan Minister-te hriatah hian kan sawilang duh a. Kawnpui khua khu in 1300 vel kanni a, mihring duham deuhhleka han chhiar chuan 12000 vel kan ni. Tichuan Kawnpui damdawi in pantu khu a pumpuiin, a tlangpuiin mihring 17000 velin kan tlan a.

Tichuan, subsidiary Health Centre ani nangin khum sawm (10) emaw chauh kan nei a. Englai pawh khuan khum kan dawhbelh reng mai a. Buaitlak kan ti hle a. Staff kan indaih lova, nurse 5 tunah khuan kan nei a, doctor 1 leh IV-grade. Staff pawh khu min dah belh sak turin kan han dil ni selangin, nurse pakhat tal min pek belh tur leh, a theih anih chuanin sister min pek belh turin kan han dil bawk ni selangin. Tunhma deuh kan hriat ve hma khan sister a lo awm tawh thin a, amaherawhchu, vanduaithlak takin chatuan ram min lo pansan tak hnu-ah hian vawiin ni thlenga kha sister post kha hnawhkhah lova a la awm khu sister min pe leh turin Sorkar kan dil ni selangin.

Tin, tunhma a lo awm thin Community Health Officer awm thin tha a post kha Sorkar in a abolish ta nge, a abolish lo chu ka hre Chiang lo na-in, C.H.O hmun pawh hi min siamsaka, min hnawhkhah sak leh turin kan han ngen ni selangin. Tin, khu damdawi in hrim hrim khu, khu Kawnpui khua khu khaw pawimawh tak accident pawn area a, Sorkar ina a lo sawi

thin khaw pawimawh tak a ni a, tichuan, khu damdawi in khu subsidiary Health Centre mai a ni khu kan khawp khamlo em em a, C.H.C a remchang hmasa berah min hlankai sak turin Sorkar kan han dilin kan han ngen ni bawk selangin. Tichuanin, CSC a min hlankai theihna tur harsatna chi hrang hrang lo awmte Sorkarin min sutkian sak zel turin hmanhmawh takin kan han sawi ni bawk selangin.

Tichuanin, N. Chaltlângah sawn Sub Centre building kan nei a. Term hmasa atang tawhin vawiin ni thlengin Health Worker kan la nei theilo savv, Health Worker kan han dil ni bawk selangin. Tin, Lungmuatah kan Health Workaer thla hmasa lawk khan min sawn chhuah sak a. Health Worker kan mamawh em em a. Lungmuat khua-ah khuan Health Worker min pe leh thuai turin ka'n dil ni bawk selangin. Tin, Hortoki khu sikserh, malaria a tam em em a. Hmanah pawh ka sawi tawh thin a. Sikserh enna khawl min dah sak rawh u tiin ka dil a. Vawiin ni thlengin a la remchang lo nge ni min la pe thei lova. Hortoki leh a chheh vel khu sekserh, malaria tamna rama Sorkar pawh ina a hriat a ni a. Khawngaih takin kan Minister leh he Sorkar hianin Hortoki khua-ah sikserh enna khawl min dah sak thuai turin kan han dil ni bawk selangin.

Tin, Health chungchangah hian Pu Speaker, ka'n sawi duh lawk chu Morgue Van hi Sorkar hian neih loh hi in tum deuh ni hian a lang a. In ngaihtuahna kha a tha thei a, a tha lo thei a. Mahse, Morgue van hi kan hmang tangkai em em a. Neih belh dan hram hi a awm lawm ni? tih ka'n sawi tel duh a. Tin, chu lo lehah chuan Civil Hospital bikah sawn nurse leh Doctor-te an fel zia hi a hmu chiangtu leh hrechiangtu niin ka inhria a. Damlo harsa zualte khawngaih bik leh hmangaih bik nei hrang khawpin, an hre hrang em em a. Chungte tan chuan ngaihtuahna chi hrang hrang kan nurse leh Doctor ten hmangin, an sum leh pai pawh nasa takin sengin, an hmang thin tih kha he House hi ka'n hriattir ve duh hrim hrim a. Chutiang bawkin Durtlâng damdawi inte pawh a ni tih kha ka'n sawi tel niselangin.

Tin, Demand 29-na, Social Welfare hi Pu Speaker, Kawnpui bialah Anganwadi Centre hmun hnihah min pe dawn niin kan lo hria a. Bualpuiah leh Zanlawnah. Kan lawm khawp mai. I hnenah lawmthu kan sawi e. Chuan, hemi Grant - in - aid chungchang tlêm kan sawi leh duh chu Social Welfare-ah hianin Grant - in - aid hi tlêmin dah pung leh deuh ulangin. Kawnpui bial chhûnga NGO leh MHIP ketli leh no leh dekchi neilote khu sem zo thei vek turin ngaihtuahna min senpui turin ka'n han ngen bawk niselangin.

Tin, Mizoram chhunga Home hrang hrangte khawngaihna leh hmangaihna-a i en thin kha Pu Speaker, kan Minister hian chhunzawm zel turin ka'n ngen duh bawk a. Tin, chu lo lehah chuan, hetah Demand 17-na Excise leh Narcotic tihah hian, Excise hi Pukpui tlâng dung sawn kan mamawh hle a. Sawlai Pukpui tlângdung saw eng emaw ruih theih thil tawlh rukna kawng a ni tih hriat chhuah a ni a. Sawlai kawng tlângdung NGO, YMA-te saw an hah em em a. Excise post khawimaw lai khua berah sawn emaw min dah sak turin ka'n han dil che ni selangin.

Tin, Demand 21-ah hi chuan Higher & Technical hi chuan Tribal Scholarship min tihpun sak ngei turin ka'n han nawr ve ni selangin. Tin, Shillong-a College Hostel sak tur khu hmanhmawh deuha sak theih ni selangin. He Politechnic Aizawl leh Lunglei ami hi rang zawka tha zawka thuam leh turin ka ngen pui ni sela.

Tin, Art & Culture-ah hian nasa takin hma a sawn a. Survey Institute hawn tumin Sorkarin nasa takin hma a la a. Lawmthu ka sawi a. Tin, Survey bikah pawh upgrade-in Joint Director dinhmun hialahte Minister zahawm tak hian a thawh hahna azarah hmalakna kan hmu theia, a lawmawm ka ti hle a.

Tin, Demand 8-na VAT chungchang hi Sorkarin ennawn leh se a tha-in ka hria. Chhiah hmuh duh tam avangin Vai sumdawng mi tam tak VAT-a in register-in, tin, member-te in pe tih pawh hriat a ni a. Heng hi Sorkar-in ennawn leh se tha ka ti khawp mai.

Demand 18-na Printing & Stationary hi Sorkar-in hma a lakna azarah hma a sawn zel a. Theih chu nise, hemi Supply Bill zawng zawng hi kum thar kumin chhunga pek theih turin kan duhpui niselangin.

Tin, Demand 35-na Fishery hi ka bial chhungah sangha dil nei an awm nual a, khungte khu sangha kan lo intodelh theih nan sangha dil zawng zawng khu tanpui theih niselangin. Tin, dil suam tum leh siam châk mi tam tak awmte pawh khu a theih ang apiang tanpuina grant-in-aid pe turin ka han dil pui e. Pu Speaker, hun tha tak min pek avangin ka lawm e.

PU LALCHHANDAMA RALTE :

Pu Speaker, ka lawm e. Kan Minister pathumte an Department ruihchilh leh hneh taka enkawltute Demand han sawi hi

minute 10 chhûng lek chuan a huphurh awm viau a. Amaherawhchu, a tlângpui, kan hmasâwnna hmuh theihte leh tan kan ngaihna lai han sawi duh a awm a. A hmasa -in Demand No. 24 Health & Family Welfare Department ah hian. Kan Minister leh a thawktute thahnem ngaihna avangin hmasawna a lang nasa hle a. Hospital building-te, khawlte tih changtlun a ni chho ta a. Thawktu kan Doctor leh Nurse-te midang hote pawh damlo enkawl-na-ah hma an sawn hle a. A ropui a. Eng thil emaw accidental thil lo awm thin mahse, Zoram mipui bawmtu kan tam zia ngaihtuahin an fimkhur chhoh zel leh engemaw awmpalh changah pawh mipuiin thil awmzia kan hre tan a. A changtu Minister leh thawktuten thil anih dan an chhui chiang a, action lak ngai an la thin te hi a ropui hle a ni.

Tin, Aizawl Civil Hospital a OPD building thar sakte, Lunglei Civil Hospital thar sakte, a taka hman theih hi nghahhlelhawm ka ti a. Hei hi engtin nge min commission sak dawn tih ka zawt duh bawh a.

Tin, ka bial Thingsulthliah-ah khum 10 awmna PHC kan nei thin kha CHC khum 30 awmnaah min hlangkai a, kan lawm hle a. Chutih rual chuan hmanni lawka Sesawng a CTI hmuna kan Doctor chu vanduaithlak takin a lo boral hlauh mai a. Khilalah khian Doctor min pe leh hma se tih kan duh a. Tin, Khawruhlian PHC-ah sawn choka kan nei lova. Doctor quarter a tha lo hle a, a ranglama min siam that sak kan duh a ni.

Tin, kan malaria dona-ah hian, beihpui kan thlak nasa a. Sorkar leh mipui ang pawhin. DDC pawh 1207 zet kan siam a. A thlawnin mipui hnenah damdawi kan sem a. Heti chung a mithi kan tamna ber malaria la ni fo mai hi, min kaihhruai thinna, zirtirna min pekte hi kan zawm tha lo nge, helai hi hriat chian a chakawm hle-in ka hre bawh a ni.

Tin, Demand No. 29 Social Welfare-ah hian - he Department hi nau piang hlim atanga tar thlengin enkawltu anni kan ti thei ang a. An enkawl-na chi hrang hrangah hian nausen tanahte, nau pawm nu leh pa tanahte, naupang tleirawl a bikin hmeichhe lam-te, upa welfare-te tan nasa takin a bei nasa a. An hmalakna thlir hian Social Welfare annih angin Youth Welfare an ngaihtuah tel ve thei em aw! Tih ka zawt duh a. Welfare hrang hrangah hian Youth Welfare hi an ni sum leh pai pawh Central atangin tam tak hai chhuak thei an ni a. Hetah hian min hmapui thei se tih ka duh a.

Tin, kan ramah ruihhlo avanga harsatna tawkte, hnuchhamte, pianphunga rual banlote, enkawlina Home kan tih leh Centre a lo piang chho sawt viau a, hemi enkawl kawngah hian Dan leh Hrai tha kan neih a tul hle-in ka hria. Tun hunah hian heng Home emaw Centre siam turte hian phalna an nei kher a ngai em? Tin, Home-a admit tur, Centre-a admit tur hi bithliah chin fel tak kan nei em? hemi anih loh chuan chhungkaw tam takin kan chhungkaw zing amite kan enkawl peih manglo dah luhna kan nei tan deuhin a hriat a, Society in a chawm tura kan dahte, mi khawngaihna dawng tura dah ngawt awm theiah hian, tin, sumdawanna thilah pawh kalpui theih a ni a, mi inpe tak tak thahnem ngaia hnathawk an awm laiin, heng kawngah hianin mumal zawka hei hi kan ram hmel leh darthlang anih theih avangin enkawla, restriction neih deuh pawh a tha-in ka hria a ni.

Tin, Demand No. 6-na, Land Revenue & Reforms-ah khan, hei Aizawl khawpui hi cadesteral survey hi engtikah nge min neihpui dawn? tih hi ka'n zawt duh a. Thingtlang lamah nasa takin an bei tih kan hre tawh a. Aizawl khawpui hi mumal takin min survey sak thei dawn em? Tin, Revenue Department anih angin chhiah an la khawm thin a, in leh lo ram leiman kan tihte, Zoram chhiah tihte an khawn thin a, hei hi mipui cheng leh household ang hian leiman chhiah hi kan pe tha the reng em? pe lo awm ta se kum 3 kum 4 te, engtiangin nge an hrem, tih lai a kha ka'n hre duh bawk a.

Tin, Demand No. 7-na Taxation hi han luh leh lawk ka duh a, Taxation Department hi a bik takin Department te thin, tunhnaiah Department lian tak kan rama kan revenue neihchhun zaa sawmnga chuang la khawmtu tih theih khawpa lion-share chang khawp a Department tangkai kan nei thei ta hi a lawmawm ka ti a. Taxation Department hi hei ai hian kan thuam chak hret hret, a bik takin staff pawh an mamawh ang khawp kan pe hi kan ram tanah revenue earning Department anih avangin a tul hle-in ka hria a ni. Hei an Department han tlawh nikhua hian an changkang sawtin ka hria a. Computerised-in engkim mai thil tiin.

Tin, hmun hrang hranga an Centre, an Station neihte pawh satellite hmanga inbiak pawh theihna V-set tih hmangte pawhin an han inbe pawp zung zung thei a, hmanni deuh khan kan Minister tawiaawmin Melbuk-ahte an han kal a, ramri bul Melbuk atangin Vairengte check-gate ani emaw Tlabung lam ani emaw thil lo lut reng reng hmuh theih vekin, entheih vekin tax chawi lova tumah awlrak theih loh khawpa khatianga thil changkang information kan neihte hi a ropui ka ti a. An Department hi a bik takin building an neih that tawk lohna-te, mipuiin an dawr nasa em em a, sumdawng leh mi tam takin heti laiah hian duhsak zual an tul hle-in ka hre bawk a ni.

Tin, Demand No. 18-na Printing & Stationery-ah hian zawhna kha kan zawt a. Department engzat nge Stationery atanga Stationery la lo kan ti a. Tam tak chhanna pawh ziak pawhin kan hmu tawh a. Heng kan Department hrang hrangte hianin Printing & Stationery atang hian an mamawh an lak theih ngei tur hi kalpui tumna a awm em tih ka'n zawt tel duh a.

Demand No. 7-na Excise & Narcotics ah khanin an hmalakna a fakawm ka ti a. Department leh NGO te thawhhona leh Kohhrante nen kan in support tlanna avangin kan ram a muanawm chho va. Total Prohibition-te pawh a hlawhtling chhovin, ruihhlo dangah pawh kan fihlim chho viauvin a hriat theih a. Man-power hi an nei chau a. 500 bawr vel chauhin Zoram hmun tina kan mamawh ang min han phuhru tur hian an tam tawk lova. Total Prohibition hi kalpui zel kan tum anih chuan Excise thuam chak deuh deuh hi a tul hle-in ka hria. District 8 kan neihah hian Excise hian District 6 ah chauh an inhung niin a hriat a. Mamit leh Lawngtlaiah-te pawh District Office hi an nei thei ang em? Tih tumna a awm em?

Demand 21-na, Higher & Technical Education-ah hian Director ngialnghet vawiin thlenga an la nei lo hi Department pawimawh a ni a. Sorkar hian Director ngialnghet hi a pe dawn hnai em? tih ka'n zawt duh a. Tin, quality improve-na tur atana lakte nena an thawhhona hi hei aia chak leh tha zawka kalpui anih theih nan tih a tha-in ka hria. Kan College Library-te hi changtlung zawk anih theih nan Department hian duhsak deuh se.

Demand 23-na Art & Culture-ah hian kan hnam culture engkim enkawltu anni a. Hei ai hian priority pek tha-in ka hria. An Demand han en hian duh aiin a tlem a. RE stage-ah pawh duhsak tulin ka hria. Chutih rualin, Chapchar Kut kan han hmang a. Aizawl leh District hrang hrangah hman nise kan han ti a. Aizawl chu kan State Capital a ni a. Nuai 4,22,000 kan han sanction a. District dangah 20,000 det det mai kan han pe erawh hi chu a beitham hle-in ka hria. Theih hram chuan a aia tam, kum lo kal leh turah - Aizawlah chuan hmundang atanga Zo hnahtlak, hnamdangte pawh an lo kal a. Chung ho hmuh atana kan hnam zia pholanna remchang a ni a. Chutih rual chuan kan District dangah pawh hian hei ai hian uar a tha-in ka hria.

Tin, hmanni khan vanduaithlak takin Falkawna kan typical village kha a kang thelhin ka hria a. Sawlai saw zirlai tam tak ten kan zokhaw awmdan mitthla theihna tur a ni a. Sawmi hmun saw tundin that leh tumna a awm em tih ka'n zawt a ni e.

PU ZODINTLUANGA : Pu Speaker, ka lawm e. Demand 3 kan sawi leh dawn a. A hmasa ber atan Demand No. 7-na, Excise & Narcotic kha, kan hriat angin Mizoramah MLTP Act kan hmang a, a ram pumin kan buai a, a Sorkar leh Kohhran ang pawhin kan buaipui a ni a. A sulsu tur ber tur Sorkar hi a indaihlo em em mai a. Chumi chungchangah chuan Sorkar ang pawn staff-te lak belh tur tih a ni a. Written Test-te leh thil dangte pawh neih fel vek ani tawh a. SI chin hnuai lama kha kan Secretary pakhat in interview hun a sawn vang ringawt a, vawiin ni thlenga interview loh hi kan Minister hian min hrilhfiyah sela. Hetiang ang anih chuan vawiin niah Excise Force kan mamawh a. NGO kutah kan innghat nasa em em mai a. Hetianga hnathawktu tur indaih loh laia Officer pakhat in a duh hun hun a sawn ringawt hi chu a pawl ka ti khawp mai.

Tin, ruihhlo do chungchangah hian kan Sorkar hian NGO-te hi humsual kan dai tir ang tih ka hlau a. Hemi kawnga kan C.M thusawi dan chu morality a hlawhchham hnu-ah chauh hman tur ani a, engamah hma-a Dan lek kawh hi a tullo tih tawngkam a hmante. Tin, kan thawh theih hi a tlem zawk a, CYMA hian theihtawpin bei zel ula, Sorkarin theihtawpin kan thlawp baw ang che u tih tawngkam kan hotu lu ber tawngkam atanga a rawn chhuak thin hian a Sorkar pawh a chakloh zia a rawn sawi nge ni, kan NGO fuihpawrhna lampang kawng hi ani thei ang em tih a ngaihtheih a. Kan NGO-te tan mi pawl sawina tur khawp hian kan hotuten tawngkam an thlahdah niin ka hria.

Tin, C.M in Central YMA ten ruihhlo hetiang angte hi a pawl ka ti ad. Tin, kan Chief Minister-in a hmanni-a a sawi Central Y.M.A ten a ruihhlo an man an hal a, hei a thlalakah pawh amah ngei a hal a, heng hi a ngaihtuah chiang em aw ka ti Pu Speaker, tuna Unstarred Question ka zawh ka zahnaah khan Excise Department chuan ruihhlo an mante chi hrang hrangte hi Dan angin procecution te engkim tihfel hnu-ah tih ral ani thin tih a ni a. Vawiin ni-ah hian kan NGO te hi an procecute in, hal ral turin an ti em ? chutiang ni silova an thil man a te hi engchen nge kawl reng tihna em ni ? chung angte chu kan Chief Minister zahawm tak hian he Dan palzut hian a va halralpui tihna a ni a, heng hi a pawl ka ti a. Chuvang chuan, kan C.M ber kan hotu lu ber ina hetiang ang Dan dik lo-a a ti a, kan NGO te hnathawhna Sorkar-in theihtawpin kan lo thawk ang a, theihtawpin min lo thlawp ang che u aw tih lo a, In hnathawhna hi Sorkarin kan lo thlawp ang che u tia tawngkam a hmangte hi pawl ka ti tak zet a khalai kha ka rawn sawi ve duh a.

Tin, Demand No.24-na Health & Family chungchang hi tawite rawn sawi ve leh ka duh a. Pu Speaker, Civil Hospital-ah sawn kum thuan mai sawn X-ray film saw an indaih lo em em thin a. Kan hria a, emergency-te leh X-ray tur tam tak an awm lova. Sawngte saw private X-ray ahte, private Hospital ahte clinic-ahte kal a ngai thin a. A man a into hleih em em mai a. Sawng saw a khawl that loh vang pawh a ni lova, X-ray film awm loh avanga, kalhte saw a tam a, mirethei tan leh Mizo mipui tan a pawi em em a ni. Hei vawiin niah chuan Session laite anih vang nge kan Minister te atang nge local purchase te an phal a, engemaw zat an nei a ni. Sawtiang ang saw kumtluana chhum lo chat lova, kan neih theihna atan sawn tan lak a tul viau-in ka hria a. A nih loh chuan mirethei ten kan tuar nasa em em a ni.

Tin, a supply tu hi a quality control a hi a pawimawhin ka hria a. Civil Hospital-a X-ray saw refer case nei ten an sawi atang hi chuan phai lamahte zuk thleng thla ila, sawmi a film quality saw a tha lo em em a. X-ray that leh a ngai tihte hi a ni fo thin a. Hengah hian khatiang lo leitu leh khami quality endure tu hian tan a lak a ngai hle-in ka hria.

Tin, chumi piah lamah saw Civil Hospital saw keini thingtlang bialtute chuan kan pan nasa em em a. Doctor-te leh Nurse-te an hah zia saw a hmu chiangtu kan ni a. Tin, inzaite a lo ngai a, damlo enkawlnaahte, lapua-te, thil engkim mai saw private a lei a ngai ta a. Mirethei thingtlang ami sum pawh neilo, kalna tur pawh nei lo tan chuan a mangan thlak hle a ni. Sawngahte sawn kan Doctor-te kan Nurse-te sawn sum te an thawhkhawm sak a, pawisa ten an leisak thin tih kan hriat hian a lawmawm rual rualin, a Sorkar ang chuan mualpho thlakin ka hria a. Sawtiang ang atan chuan nikumte, kum hmasa lamahte pawh kan sawi tawh a. Pawisa te hi a dah theih lawm ni Pu Speaker. Kan Budget pumpui atanga .5% tal te hi sawtiang Civil Hospital a damdawi lei, mi mangang leh harsa zawk tena damdawi a thlawn a an hmuh theihna tur tal hi chuan dah thei ila chuan a tha-in ka ring a. Amaherawhchu, ho tak tak, mihring rethei zawktein harsatna kan tawh lai hian kan Health Department kalphung hi hriatthiam harsa ka ti a, sazu thangte tam tak an han lei thei ringawt mai a. Health Department in U/Q an rawn chhanna-ah sazu thang an lei thute min rawn hrih a ni.

Tin, chumi piah lamah tul lo tak êkin kalthei-te an lei a. Malaria bag-te an ti a, a tulna tam tak a awm mai thei. Mahse, khang pawisa kha mi harsa zawk leh mirethei zawk tena an hman tangkai theihna atan khan Civil Hospital hmun hrang hrangahte hian damdawi a pawimawh zual, lapua tak ngial pawh lei ngai lova, kan hman theih nan khan a tih theih ka ring a. Chu chu ka sawi tel duh a.

Tin, Thinglâng bialtu kan ni a. Hei malaria damdawi-te an rawn sem nasa a, a lawmawm em em a. Amaherawhchu, kan malaria damdawi sem hi Pu Speaker, kum 14 chunglam tan chauh a tih a ni a. Kan bial-te saw malaria tamna bial a ni a. Naupang tana eitur chin hi a dose an hre lo nge? a damdawi kawltute kan zawh chuan naupang tan ei theih loh, kum 14 chunglam chauh eitur tih hi kan VCP-te, Health Sub-Centre neih lohna kuate an nih avangin an hriatdan a ni a. Naupange pawn malaria hi an vei ve thei tho mai a. Chuvang chuan, khalai kha min lo en sak turin kan Minister zahawm tak kha kan ngen duh bawk a.

Tin, Saitual bialtu zahawm takin a sawi tawh a. Kan khawl bo chungchang kha khawiah nge a awm? tih kha ka'n rawn zawt ve leh duh a ni. Pu Speaker, sawitur a tam hle a. Demand No. 8-na Taxation-ah hian kan lut ve leh zawk ang a. Tlungvel bialtu zahawm tak khan kan Minister han zui a, Melbúk check-gate ropui zia kha a sawi a. Amaherawhchu, vawiin niah hian Melbúk check-gate khi function loh a dah a ni. A pawí khawp mai. Khawchhak lam atangin bungraw tam tak a rawn lut a. Khitiang ang khi vawiin ni-ah function tir ni tawh lovin, kan C.M bial a nih vang nge khilalah pressure nasa tak a awm avangin function loh a ni tlat hi kan Minister zahawm tak hian khilai Melbúk hmunah pressure a awm vanga a dah theilo anih pawn khi check-gate khi Seling-ah tal rawn sawn thla sela. Chuti chuan, revenue kan mamawh kan sum hnar ber chu Taxation Department hi a ni a. Hengah hian a Department leh Sorkar pawn kan chhawr thei hian a rinawm zawk a ni. Political pressure vanga khilai hmun pawimawh tak ami kan dah theilo anih chuan Selingah-te pawh rawn dah thla tur khan kan ngen bawk a.

Tin, Taxation Department pawimawh zia kan hria a. Vaiin ni-ah kan Sorkar-ina sum engemaw zat sum tam tak kan inphuhruk-nate, sum a rawn lak luhna Department a ni a, hetah hian Pu Speaker, kum 2005 lam daih tawhah khan DP & AR lam pawhina Joint Commissioner hi upgrade-a Commissioner post-a dah tura tih kha ni tawhin ka lo hria a. Hengte hi hei kum 2007 kan hmang leh tan mek ani a, hengte hi kan Minister zahawm tak hian Commissioner nghet-a a Department ang saw engtikah nge a dah theih ang? chak zawka Department hma a lak theih nan tih kha min rawn hrilh turin ka'n ngen duh bawk a.

Tin, Demand 29-na hi a tawp nan kan hmang ang a Pu Speaker, Sethawn-a De-Addiction Camp khu private emaw Salvation hnenachte emaw dah tum niin hriat a ni a. Heng hi khawngaihtakin Pu Speaker, hna thawktute leh tuna an chhawr dan khu a tangkai si a. Sorkar hian midang hnena pe lovin, a aia changtlung zawka hma la turin kan Sorkar hi ka'n rawn ngen nghal bawk a ni e. Ka lawm e.

PU LALDUHOMA

: Pu Speaker, vawiin chu Culture atangin kan tan teh ang. Kum 1910-ah khan Tiddim biala mi pakhat a hming Pau Cin Hau chuan Zo A, Aw, B hi a lo siam daih tawh mai a. Chu Pau Cin Hau script an tih mai hmang chuan 1931-ah khan British and Foreign Bible Society-in tlâng chung a Isua thusawi hi a bu-in an lo print chhuak tawh a ni. Chutiang chu anih avangin, Mizo script a hranpa ngat mai lo nei ve tawh hnam kan ni tih pawh in hre mang lova, kan awm hi a tha-in ka hre lova, Art & Culture Department hian hemi script hi zawng chhuak leh se tha-in ka hria a. 1988 vel kkha niin ka hria, Rawpuichhip-a kan zin tumin ka thlenin pa Pu Lalbika chuan he A, Aw hi a lo la thiam a, a thianpa pakhat nen lehkha an lo la inthawn thei a ni. Chutiang chu anih avangin hei hi zawn chhuah ngei tha-in ka hria a. Kan Aizawl Theological College-ahte, Archive-ahte an neih leh neih loh ka zawt a, an lo neilo hlahh mai a.

Tichuan, zawngchhuah anih theihna turin a reference pawh hi kan tarlang anga, pakhatna-ah chuan, J.J.Beninson a ziak Pau Cin Hau script census of India, 1931 - part I Chapter 10 - page 194 leh Chapter - II phok 217 - 218. Pahnihna-ah chuan N. Ngin Suan a ziak - Brief History of Laipian - Pau Cin Hau and his Religion, The Rangoon University, Chin Literature and Cultural Committee Magazine, 1968 - 1969, Rangoon, p 122. Pathumna-ah chuan, Robert C. Johnson a ziak, Pau Cin Hau Movement, History of American Baptist Chin Mission, Valley Force, 1988 te an ni a. Heta tang hian kan culture tih hausakna tur tha tak kan hmuhchhuah theih beiseiin khang kha kan tar chhuak a ni.

Tin, Pu Speaker, tunlai hian kan tu leh fate hian Mizo tawng hi an thiam lo sawt ta em em mai a. English Medium lamah-te hma kan sawn a, a lawmawm viau laiin kan fate computer thiam tak pawh hi Mizo tawng han chhuttir ila, dictate fe an ngai a, punctuation-te hi an thiam lo em em mai a ni. Chuvangin, kan zirna atang hian Mizo tawng kan thiam tel hi a ngai hle-in ka hre ta a, khami anih avang khan kan culture a ni teh meuh va, kan tawng hi. A Department hian hengte hi Education lamah rawn nawr tel ve selangin kan chak pui ka ring a.

Tin, Mizo tawng thiam computer hi kan mamawh a ni Pu Speaker, chuti anih loh chuan kan literature hi a changkang thei tak tak lovang. Hemi kawngah pawh hian hma thar lakna tur Department hian an nei niin ka hria a. Tunah hian Mizo hnam kan han tih zinga (hnam tenau zawk i

ti mai ang) tena lehkhabu an han siam pawh hian tuna Mizo tawng kan tih bawh hian an siam chhuak duh tlat thin a. A chhan chu a market a that vang a ni. Tawng hi hnam inpumkhatna a ni a. Tuna Lusei tawng Mizo tawng kan tih tak mai hi kan develop that chuan kan hnam inpumkhatna atan tawng pakhat hmang theiin kan in siamna tur a nih avangin, a pawimawh hle-in ka hria a. Chuvangin, kan tawng a lo hausak zelna turin tawng lampang eng Committee emaw-te hi awm se a tha ka ti a. Tawng hi a pian belh zel a, a thih belh zel thei bawh a. Hei slang hrang hrang, tawng thar engnge ni? ka star han tihte, bawn tawp han tihte, tawih tihte, chhass tihte, nguar ang han tihte leh a dangte, tunhmaa kan hman ngai loh kha kan tawngah a lo awm ta zel a ni. Khatiang te te hmanga kan tawng develop chhohna tur khan a Department hian a entu-te pawh han siam ve se a tha-in ka hria a. Chuvangin, he Department te takte, sum tlênte nei hi kan hnam hnuk anih avangin, Budget-te pawh hi a tlênte lutuk, a thawktute pawh hi an tlênte lutuk a, tihlen ka rawt a ni.

Tin, hei Dâr khuang tak ngial pawh hi a thlawna sem pawh a ni lo, subsidy-a lei ngai a ni a. M.L.A ten kan Mizo upa pawl branch tante pawh hian kan dil chhuak hlei thei lo a ni a. Pawisa kan neilo tih kha a ni zel mai a. A dik lo a ni. Khati anih chuan kan culture hi a thang thei dawn lo reng reng a. He House-ah hian hmânah ka sawi tawh a. East Phailengah MUP ten Phingnu leh Phingpa In sak an tum a. Kan Minister hnênah sing tlênte ka dil a, ka pe ang che a ti a, a ziak a. Kum a liam leh dawn Pu Speaker, chu fahran pawh tunah hian min la pe thei lova. Thil te lutuk a ni a. House chhunga sawi tham pawh a ni lova. Mahse, a dawngtu turte tan chuan hlu tak a ni a. Khatiang ringawt pawh tih hleih theih lova a awm leh pawisa kan la dawng lo tih reng mai te hi MLA tan pawh sawi a ninawm tan tawhin ka hria a. Assurance he House ngeia pek tawh hnute pawh chhui zui a ngai hi chu a zia lo lampang deuh hlek niin ka hria a.

Tin, ka bial Zohmunah hmanah Cultural Meet kan buatsaih a. Thang chi hrang hrang an show a. Ramhnuaiah falte, chi hrang hrang hla tak takah an siam a. An insengso tam em em a. Chughah pawh chuan Department atangin beisei tur a awm thei lo a ni. Ka bial khi culture lamah hian kan sang khawp mai a. Chumi develop-na tur chuan he Department hi tih phuisui a ngai a, dawm kan an ngai a ni tih ka sawi duh a.

Tin, Demand 24-na Health-ah hian ka'n lut ang a. Kan Minister zahawm tak hi tun hnai deuh atang khan a rilru a hah viau mai thei a. Vawiin chu rilru hahdamnate pawh han pek a tha-in ka hria a.

Lawmthute pawh han hrilh ka duh a ni. Health Worker tun hnaiah lak an ni a. Hna nghet chu a ni lo na-in, MLA ten recommend tur kan nei ve em a rawn ti a. A credit-te min pe phal a, a lawmawm ka ti tak meuh meuh a. A dangte pawh in entawn atan a tha hle-in ka hria a. Heng hian thawhchonate a ti nuam a. Tin, kan bialahte min chawimawi ve a. Lawmawm hle-in ka hria.

Tin, Mizoramah zahthlak khawpin cancer a tam ta hi engnge ni ang aw a chhan tih hi in rin siak ngawt lo hian a chhui theih dan kawng kawng a chhui hi tha ka ti a. Thenkhat chuan DDT vang a ni te an ti thla ngawt a. Awihawm tak takte hian an sawi thei a. DDT-te hi a hlahawm em taksa tan? a hlahawm a nih chuan Department thenkhatin an uar em em laia, taksa tana hlahawm anih chuan sawi tlana, a hman dante pawh fimkhur tura mipui inzirtir a ngai ang. Hmun thenkhatah chuan an hmang duh tawh lo tihte a lo ni a, a dik em ka hre lova. Chungte pawh chu zir chian a tha-in ka hria.

Tin, National Rural Health Mission hi ka sawi duh a. Hei hi 2005 April thla-a Central in a rawn tih kha a ni a. India ram State 18 a huap a. Chutah chuan kan telve hlah hi a lamam hle a. Kan Sorkar hian Govt. of India nen 2005 December-ah khan Thuthlung an sign daih tawh a. A rei ve tawh a. Chutah chuan tuna kan District Hospital-te, CHC-te, PHC-te zawng zawng hi tih phuisui a, Indian Public Health Standard-a siam vek tur an rawn ti tawp mai a ni. Tin, kan District HQ-a damdawi in-te pawh District Hospital-ah puan an ni vek tawh tih kan hria a. A lawmawm a. Amaherawhchu, anih tur ang leh National Standard pha tur kha chuan kal thui a la ngai fe mai a. Hei kan CHC Sakawrdai ami-te pawh khi mamawh an la ngah em em mai a ni. Hman deuh thleng pawh khan nau an la nei ngam lo a, tunah chuan nau neih nante an hmang ve thei ta a. Staff pawh an la indaih lo, Pharmacist pawh an neilo a ni. Chutiangan, Darlawn damdawi inte pawh a phuisui lo em em rih a. Hetia India Sorkar a in hawn lai hian chak deuh a bawhzui a tul hle mai. Creation-te pawh Health leh Education-ah chuan Central in a rawn relax tawh bawk a. Chuvangan, hna pawh hi a tul ang ang lak a, kal sawk sawk hi a va tha ve mawle. Hengah chuan Opposition leh Ruling awm lova phur taka kan thawhtlan theihna a ni a. A phurawm hle-in ka hria a. Damdawi in dangte pawh hawnbelh dan ngaihtuah ni sela.

Tin, heng Damdawi in hrang hrangah hian Hospital Management Committee-te awm tur a ni a. Village level thlengin a awm tur a ni a. Chung chuan kumtin pawisa dawn tur zat an nei thliah thliah tih pawh kan hria a. Tin, Link Worker-te pawh lak tur a ni a. Hengah hian eng chen nge

hma kan lak tawh? I hmanhmawh teh ang u. Tin, ruangphurhna motor hi ka sawi zing ve tawh khawp mai a. Thingtlang bialtute chuan hei hi a tul tih kan hre ngawih ngawih mai a ni. Subsidise rate-in tam tawh hman tur awm se, mipui hian tha an ti ngawih ngawih dawn a ni a. Chung angte pawh chu ngaihtuah a tha ka ti a.

Tin, Referral Hospital pawh kan sawi zing tawh a, he Mission hruaiahte pawh hian thun luh dan a awm lawm ni le? kan sawi apiang hian a Sorkar lam hian an interest tawh loh hmel tlat mai a. Chutiang nilo turin interest taka tih puitlin dan he Mission hruaiah hian kan zawng tur a ni zawk dawn lawm ni?

Tin, Universal Health Scheme hruaiah hian mimalte, chungkuate, a bik takin BPL ten Sorkar hnathawk nilote pawhin, Medical reimbursement an lak ve theih dan hi a awm a ni a. Swasthya Bhima Policy an tih hruaiah pheih chuan BPL bik liau liau tante scheme a awm a. Chutah chuan Sorkar hnathawk nilo pawhin Rs.100 te, 120 te a premium kum 1-a an pek khan Rs.30,000/- mante a bill theih ve dawn a ni. An damdawi in enkawlna senso kha. Hei hi a that tehlu nen, Sorkar hnathawk ni velo, Civil mi zawng zawng ina M.R kan bill ve theihna kawngka inhawng reng hi duh aiin kan bawh chak lovin ka hria a. Hemi hi chak leh zuala kalpui nise, a premium tur pawh hi Sorkar in i tum sak tawp mai ang. Cheng Nuai 10 chuan kan rama BPL chungkua zawng zawng chu a daih mai ang, tam a ngailo, hei hi chak takin ka rawt duh a ni.

Tin, Social Welfare-ah hian Anthurium kha an ching ve ngawt mai niin ka hria a. An tih tur a ni em aw, an chunzawm zel em? engnge thil awmzia tihte min hrilhfiah se ka duh a. Tin, Remand Home, Durtlång-ah hian tui an nei lova, êk in pangngaia daikal an awih lova, pawnah an hruai thin a, a hrehawm khawp mai an ti a. A vengtu tan leh a daikal tan khan a remchang lo ve ve a ni. Chungte pawh chu ngaihtuah sak a tha ka ti a.

Tin, Pu Speaker, Pu Sangthankima hi a hming hmerhin lam rik ka duh a, taksa chaklohna serious tak a nei a. Mihring ngaihah chuan rei tak pawh a dam awmlo mang e tih a ni a. Social Work heti khawpa kan rama an thawk hi, mother Teresa aia a hniamna ka hre chuang reng reng lo. Hetiang te hi tih tak zet zet a kan tuipui tlan a, Sorkar sum atang-te pawh hian changtlung tura kan tanpui hi a tha hle maiin ka hria a.

A tawpna berah Department pakhat Fisheries ka'n sawi ang e. Mizoram tuikhuah atanga sangha kan tharte, hralhna market kan neilo hi min chinfel sak the se. Hnawl a, um chhuah a, khawimaw lai kila an thu keuh keuh mai hi chu a pawl a ni. Sangha-ah intodelh ang u kan ti a, vai sangha kan lei apiang hian vai ipte-ah kan ram Budget kan thun a ni tih hi kan hriat a ngai a. Nationalism rilru pu deuh pawhin hei hi chu kan thawh hi a ngai ngawih ngawih a. Chuvargin, Mizo thar sangha zuartu-te manganna hi Sorkarin a rang thei ang bera chingfel turin ka'n ngen duh bawh a ni. Ka lawm e.

SPEAKER : Sawi leh duh kan la awm em? Pu K. Lalrinliana sawm ila, minute nga a ni a, minute nga dang belh a ngai ang a. Tichuan, belh i remti mai ang aw, a laklawh deuh va, Pu K. Lalrinliana.

PU K. LALRINLIANA : Pu Speaker, ka lawm e. Vawiin ni-ah kan Minister zahawm tak takte pathum Demand kan sawiho na-ah hian Department sawm, a pawimawh vek mai a, kan sawi vek seng lovang a. Demand No. 24-na ka sawi hmasa ber duh a. Health & Family Welfare-ah hian 2006 atang khan Directorate pahnihah then a lo ni chho hi kan hmasawna ropui tak niin ka hria a. Vawiin ni-ah hei hian Health lama kan hmasawna a chhawk zangkhain ka hria a. Mahni chanvo theuhah hna phur takin tiang chuan Department-te an kal thei ta a ni. Hospital hmasawna Aizawlah, nichinah kan ngaitla tawh a. Aizawl khawpuia kan damdawi In hi bungrua hrang hrang inentirna, natna hmuhchhuahna tur atana tha tur khawl eng emaw zat dah belh niin, a buildingte tih changtlun a ni a. Kan khawpui ber dawttu Lunglei-ahte pawh damdawi In-te sak that a, tih changtlun chhoh a ni a. Hei hi a lawmawm ka ti hle a. Damlo mangangte phai kal thin, pawisa tam tak senga, an kal thinna kha, an kal loh phah ta a ni a. Hemi hi kan Sorkar hmalakna, kan Minister thahnem ngaihna a ni a. A ropui ka ti khawp mai.

Tin, District dang a kan Hospital-te pawh thawm thatna tur a tan ruahmanna theih chen chenah kalpui mek a ni a, chumi bakah chuan National Rural Health Mission hnuai-ahte District Hospital vawiina

CHC -te pawh District Hospital anga cheibawl a, a building-te pawh sak that tum a, a thawktute pawh dah belh tumna ruahmanna a awm a ni tih kan hria a. Lawmthu han sawi ka duh a ni. Kolasib Hospital te pawh khu 100 bedded Hospital kan neih ve theihna tur atan, Kolasib khuan mamawh kan in ti em em a, kan Minister pawh in min hriatpui a, a sak hlan kan nghakhlel em em a ni.

Tunah hian, Accident and Trauma Centre-te min han sak sak a, a building an la peih chiah lova, chak takin an sa mek a. Isolation Ward nikum lama kan han sawite pawh kha tunah chuan peihin, luah theihin a lo awm ta a. Chutiang chuan changtlun chhohna kan hmu zel a, kan lawm hle a ni. Tin, hmun hrang hrangah thingtlang khuaah pawh, Health Sub-Centre-te, PHC-te pawh tih changtlun chhoh a ni a, a lawmawm hle-in ka hria a ni. Hei hi National Rural Health Mission hnuai atangte leh kawng hrang hrang atangin hmalakna kan hmu tam hle a ni.

Tin, National Mental Health Programme-te, National Cancer Control Programme-te, hmalakna hi a lawmawm ka ti a. Cancer-te, kan ramah ngei, Zemabawk hmunah kan hem thei tih kan hria a, mi tam takin phai pan lovin kan hman tangkai chho ta a ni. Tin, Malaria Control Programme-te, TB Control Programme-te tha takin kalpui a ni a. Hengte avang hian hriselna a ziaawm phah niin a lang aq ni. AIDS chungchangah phei chuan zirtirna nasa tak a kalpui a ni a, thalaite zingah pawh hemi avang hian inven fimkhurna, a mitinah aniang, AIDS kai hlauhna rilru pu-in, kan fimkhur tan tawh a ni. Malaria pawh ziaawm lam kan pan chho vang tih ka beisei a ni. Inzirtirna neih belh a la tul hle bawk.

Tin, School Health Programme bik ahi hmalakna a ropui ka ti khawp mai a. School 1526 lai maiah a thlawna inentirna naupangte hriselna programme an han buatsaih a. Naupang 26,000 chuang lai mai an hriselna-te endik sak an ni a, an mit-te. Tin, RCH Camp kan tihte pawh hi a ropuiin a tangkai hle-in ka hria, thil harsa tak pawh a ni ang. Doctor ten hmun hran hranah camp nei a, a thlawna inentirna-te an han nei a, hmanraw famkim nen, programme siam harsa tak phei chu a ni ang. Amaherawhchu, tih chhunzawm tlak niin ka hria, chu chu ka'n sawi tel duh a.

Tin, ka biala Meidum-ah khuan Health Sub-Centre an mamawh hle a, Pangbalkawn-ah kan nei a, a in hnaih viau na chu, kan neih hram a tha mang e ka ti a. Hmanni-ah a clinic ang tal pawn neih theih

dan a awm takin Village Council ten a bul tanna tur In lo sa phawt mai the u ka ti a, engtin nge an sak chhonzawm tak ka hre lova, hei Session-ah kan rawn kalsan a, chubakah Bairabi a kan PHC building pawh khu sak that hlan kan nghakhlel hle a ni tih kha ka'n sawi lang tel duh a ni.

Demand No. 29-na, Social Welfare-ah hian, Welfare of Handicapped-te, Child Welfare-te, Women Welfare-te, tin, upa lam enkawl na bikahte hma lakna kawng hrang hrang han hmuh hian a lawmawmin ka hria. Rualbanlo kan neihte pawh a bika enkawl a ni. Disability pension kan pek-te hi tih pun tumna awm ni te-in kan lo hria a, a ropui hle-in ka hria a. Tin, Child Welfare bikah hian nu tena an fa-te an pai lai atanga enkawl pawimawh zia kan hria, chungte chu inzirtirna tha tak awm chhovin, ICDS hnuaiah pawh Anganwadi atangin eitur tha nu naupai atangin naupangte pek chhoh an ni hi a ropui ka ti a. Nutrition tha tak dawng chhovin, vawiin ni-ah chuan tunhma ang ni lo deuhin tunah chuan enkawl na tha tak mai buatsaih chhoh a ni a, a ropui ka ti a ni. Anganwadi naupangte Pre-Primary level ang lek lekthe kal khawmna anih avang khan tunah pawh hian an hmuh hma an in-te sak that sak tam tak kan nei mek a, an tualchaina thianghlim leh felfai tha kan neih sak thei tan ta te hi a ropui ka ti a ni.

Tin, Land Revenue & Reforms-ah hian han sawi duh ka nei a. Hei Land Holding Computerised hmangin Department in land record a kalpui hi a ropui ka ti a. Computer-a chhinchhiah an ni a, District tinah pawh hman chhoh tan mek a ni a. Hei hi record fel tak neih a, hmuhchhuah zung zung theihna tur atana ruahman a ni hi a tha-in ka hria. Kolasib-ah hian ASO - II kan nei a, ASO - I hi neih ve theih nan kan dil thin a. Kan Minister in kan neih theihna tur atan tan min lak sak se kan ti tak meuh meuh a ni.

Tin, Taxation Department hi Starred Question-ah khan VAT kan neih a chin-ah engzatnge kan hmuh tak tih ka zawt a. VAT hi ni 1.4.2005 atang khan hman tan a ni a. Ni 31.1.2007 thleng kha chhiarin, Starred Question chhanna-ah chuan, Cheng Nuai 4608.70 hmuh tawh a ni an ti a. Tin, tun kumah phei chuan Target an khum daih tawh a ni tih kan hmu a, a ropui ka ti khawp mai. VAT lak dan chungchang hi a that dan leh a that loh dan Sorkarin a zir chho mek zel a ni a. VAT chhunglut tamte, Privilege Card, mi pathum (3) te pek an awmte kha a ropui ka ti khawp mai. Heng hi kan ram tan a hnathawktu-te an ni a, kan chawimawi thiam kha a tul a ni, a ropui tak tak a ni.

Tin, Pu Speaker, Demand 35-na Fisheries-ah hian, District Fisheries Office hi kan mamawh em em mai a, kan sawi thin a. Keini Kolasib District hi sangha-ah chuan, potendial are kan ni e, tiin kan sawi thin a, Sorkar pawn min hriatpuiin kan hre thin. District Office kan nei theilo hi wawiin ni-ah ngaih pawimawhah nei thei ila tih kha ka'n sawi tel duh a ni.

Tin, Demand No. 21-na Higher & Technical Education-ah hian, ICFAI University kan neih chinah zirilaite rilru-a hmasawmna kawng lo awm phah ringawt pawh hi a ropui ka ti. Tin, Colleges 12 provincialise tura ruahman a ni hi a lawmawm ka ti a. Kolasib College building chhe lutuk pawh kan Minister in min hriatpui a, DONER-ah an dil mek a, hei hi chak zawka nawra, sak that ran a tulin ka hria a. Hengte pawh hi theihtawp a tan lak belh ngaiin ka hria. College Building chhia tam tak hmun dangah pawh kan nei awm e.

Tin, Demand No. 23-na Art & Culture-ah hian tlawmngai pawl hrang hrangte Cultural Club-te Pu Speaker, kan culture vawnhimna tur atan, Darkhuang, P.A set etc. pek an ni thin a, a lawmawm em em a ni. Kolasib-ah pawh nichina Khawzawl bialtu in a sawi ang khan District Library building kan sa mek a, chang tlung takin kan bei chho ang tih pawh kan ring a,

Tin, lawmawm pakhata ka hriat chu, Mizoram State Library leh Mizoram State museum sakna tur atan sum leh pai ruahmanna awm tawh kal chhoh pui mek a ni hi, a lawmawm ka ti a ni. Department te reuhte ang nimahsela, chak takin hma an la a ni tih kan hriat hian a lawmawmin ka hria a. Chuvangin, wawiin ni-ah hian Department sawm (10) kan Minister pathum (3) tena sum an Demand hi tun kum kal lai mekte a sum an hman dan han enin nakum atana an sum rawn Demand hi pek tlak niin ka hria a, ka rawn thlawp a ni. Ka lawm e.

S P E A K E R

: Chawhma hun kan hmanz zo ta rih a, kan chawl rih ang a, chawhnu Dar 2 : 00 P.M.-ah kan tan leh dawn nia.

Sitting adjourned 1 : 05 P.M.

2:00 P.M.

DEPUTY SPEAKER : Awle, kan chhonzawm leh ang a.
Pu H.Liansailova i lo sawm ang.

PU H.LIANSILOVA : Pu Deputy Speaker, ka lawm e. Pu
R.Tlanghmingthanga Demand atang
hianin Health & Family Welfare
Demand 24-na han sawi hmasa

ilangin, kha lawmthu sawina turte pawh kan nei hlawm zel a. Hei Health Worker Training ho hna neilo engemaw zat an awm a. Ka bialah pawh hei, tunhnaiah khanin pahnihin hna an hmu a, an lawm em em mai a. Kei pawhin ka lawmpui a. An chhungkuain an mamawh a. Harsa taka zirte annih avangin leh chhungkaw chawmtu te an ni a. Heng Health Worker te hi indaih lohna a la nasa niin a lang baw a, tuna lak tur la awmte pawh kan Minister leh Department hianin min lo chhinchhiah sak ka beisei a. Tin, Ramhlun 'N' ah sawnin nau neihna hmun min rawn siamsak a. Nikum lam tawh atang khanin tha takin an run a. a Doctor te leh Staff Nurse te an inpe baw a, kan chhawr hle mai a. Tin, harsa tak taka damdawi in hla zawk han pan tur te leh insenso tam ngai lova sawilaia an han tlu lut maithei saw, a bial mipui leh Aizawl hmarlam mipuite tan a tangkai hle mai a. Chu pawh chu, sawtiang min rawn buatsaih sak avangin lawmthu han sawi nawn leh hi a thain ka hria a. Tin, chutihruah chuan, a thawktute inpekna leh an hna an tlin ziate saw, kan Minister pawhin lo hre thar leh selang, mipui pawhin kan chhuang hle a ni tih kan sawi duh a. Tin, chulohvah chuan, Health & Family Welfare hi mi mangang tlan luh khawmna a ni a. Department enkawl leh a thawktute tan pawh fak hlawh har tak anih lain, fakna aw, chawhma lamahte pawh kan ngaithla a. thawktute inpek zawhna te, mi mangangte tanpui nana an inhuamna te, an in sensonate hei hi mipui pawhin kan hre viauin ka hria a. Amaherawhchu engemaw thil lo soal palh hlek a lo awm hian mipui mangang leh mangang tlanluhna hmun te a ni a, hengah hian hming hliau leh leh emaw boruak sang deuh hleka han kalpui changte a lo awm lo thei lova. Heng hi kan in hriatthiam tlan pawh a ngaiin ka hria a. Amaherawhchu, a thawktu lamah pawh a enkawlna lamah pawh tan lak zel erawh chu a ngai ang tih heng hianin a hril ve baw a.

Kan sawi duh taka chu pakhtah chuanin hei chawhma lamah khanin kan member-te'n han sawichhuak an awm tawh a. Nursing School College-a upgrade anih hi 2005 ah Sorkar pawhin order a chhuah tawh a. Tin, Indian Nurses, Nursing Council pawhin a rawn en dikin a enkawlna leh a zirtirtute chungchangahte hmanraw thu ah pawh College puitlinga

hlankai tlak a ni tih kha a hmuhdan niin kan hria a, churang chuan Sorkar pawhin hemi bawhzui hian, tunah hian Bsc Nursing kum khatna leh kum hnihna zir an awm bawkin ka hria amaherawhchu, a Staff lam a College a kha. College anihna lai tak tunah a zirtirtutem a thawktu te leh Principal thleng pawhin Sorkar hianin anih tur ang takin helaiiah hian hma a laka hi tun aia chak zawka tih theih ni sela tih hi kan sawi chhuak duh a. Recruitment Rules te a dan ang taka han inkalpuia ruahmannate la final anih loh pawhin Principal te, Lecturer – te chu an counter part te dinhmuna ding tena a thawk emaw tala awmpui pawh upgrade nghal nise a tha hlein ka hria a.

Tin, kan ramah Nursing lamah hian kan vannei hlein ka hria a. Msc. Nursing kan neih ho hi a hmasa lam amite a hmahruaitute leh tuna mite pawh an College kalnaah leh an Service ah pawh outstanding hi a ni deuh fur mai a, tuna thawk mektute pawh an niin ka hria a. Churang chuan kan Sorkar hianin hetilaiiah hian an nihna tur takah up-grade nghal a, Recruitment Rules a la peih lo anih pawhin adhoc pawhin tunhma District te an lo tihte leh Sorkar Department dangah pawh adhoc a kan han indah thin ang tal khan dah ni selangin a thain ka ring a, chu chu a Department leh a College hmasawn zelna atanah thil tul a niin ka hria a. Engemaw Sorkarah hi chuan Office ah kaisanna leh seniority engemaw rokhawlhate pawh a awm thei a. chung chuanin dang lo tura a harsatna lai chinfelnaah pawh a siamrem leh a pawtrem zawnga a College lo sang tawh dinhmun rap thei tura a thawktute pawh kan enzui thuai thain ka hria a, chu chu kan sawi leh duh a. Tin, chulovah chuan kan ngaihthlak tawh ang khan, PHC ah kha Doctor neilo kha an awm thluah mai a, tin, indaih taw klo anih hi chu Minister ten min hrilh tawh a. Tin, nikum lamah pawh kan sawi tawhin ka hria a, CAG Report ah pawh khan PHC ah leh Medical lamah hian Staff tuna mi ang ang awm tur hian Staff indaih lohna kha an rawn project a, heng hi chu hnalak thar tihtawp deuh pawh nisela special a ngaihtuah theih tur ang deuh khan recommend te pawh siam anih avangin kan Sorkar hian helaiiah hian Doctor te Midical lama kan tlakchamna laiah hian tun aia chak deuh zawk hian hma la sela thain ka hria a, mihring in enkawlna anih tlat avangin mangang kan tluk luhna min thlamuantu anih avang hianin tun aia tam zawk leh chak zawka hma a lak theihna tur hi tan lain lo enzui thei sela tha hlein ka hria a.

Tin, hei Social Welfare ah hian Demand No. 29-na ah khan kan sawi ve duh chu Mizoram Social Defence Board kha a awm kha a ni a, engtin nge hna hi a kalpui tak zel tih hi a mipui lamah hi chuan hriat a hlawh talo viau mai a, a awm thin a te an awm tak loh vang nge ni? A pawimawhzui talo zawk?

Tin, National Benefit Scheme hi kuminah pawh kan Budget ah pawh khan cheng engemaw zat chu han tih kha a ni a, a tangkai hlei mai a, chhungkua a eizawngtu ber an lo thih hlauh a tanpuina a han dawmna tur han siam hi a pawimawh hlein ka hria a, ka bialah hian mi pali, panga chutiang han dil mahse vawiinni thlenga la hmu theilo an la awm a, an chhungkaw dinhmun han enin heng hi chu han tihsak thei thuai selang chuan harsat zualpui chu a dawm viau dawnin ka hria a. Lo tihtawh pahnih khat an awm a, an tangkaipui em em mai a, hei hi uar deuh zawka mirethei leh harsa zualte kan enkawlina tur anih avang hian kan ngai pawimawh a, kan sawi thleng a ni.

Tin, Land Revenue ah khan thilpahnih han tarlan hlek ka duh a, Minister pawhin min lo chhinchhiah sak se, hei New Capital Complex atanga Chawnpui panna kawngah khuan 2003 khan PWD hian Ram chhungkaw 26 lai ram an acquire a ni Cheng nuai 47 sengin. kawng an sial zawh tak hnuah khan kha ram an acquire tawhah khanin kawng atana an hman bak ram compensation an pek tawhnaah khanin chhungkaw paruk nuai sawmhnih vel la khanin LSC 2005 khanin an lo lachhuak leh mai niin khulai a veng miten an sawi a, an ngaimawh viau mai a. PWD lamah an tlan a, a ram acquire tute annih avangi. An thusawi hian a tawp a thleng rih lo a ni mai thei a. Kan Minister hian hei hi lo chhinchhiah sela a thain ka hria a. Hetianga thil fello a lo awm anih chuan, Pu Deputy Speaker, point khat chiah ka nei a. Chutiang deuh bawh chuan Folkland leh Zemabawh Pushpak inrinna laiah sawn a Pushpak lam hotute hriathiamnain chhungkaw engemaw zat harsa te te khan ram an neih tir a. Chu chu tunhnai maiah hianin khang mite khan engemaw hawh ang deuhin in lo te pawh sak theih tur angin Pushpak lam hotute an bia a. Chutiang anih lai chuan mi thiltitheih deuh te, chhungkaw paruk velin khang dilna luaflan khanin LSC an rawn siam a. Tin, Pushpak C.E. pawhin objection a ziak a, Department lamah. Mahse, chutichung chuan LSC hi helai ramah hian siamsak a ni a. Ami chhe zawk leh harsa zawkte min hnawl a, tiin an rawn zualko a. A bialtu Minister concern pawh hian chu chu a hriain ka ring a. Hei pawh hi enfel a thain ka hria a. A Minister ten helai hi thil fello chutiang a lo awm anih ngai chuan chinfel thuai leh anihna ang taka kha kalpui tha hlein ka hria a. Chu chu ka hun a lo trawp mai si a, ka sawi theih tawh ni mai rawhse. Ka lawm e.

PU SAIKAPTHIANGA

: Pu Deputy Speaker, ka lawm e.
Hei vawinah kan Minister minute
pawimawh tak tak te Demand

sawm chhungin kan sawi dawn a nia, sawi kim a har hlein ka ring a. A
pawimawh zual kan tih tak tak te tlem han tarchhuak dawn ila a tha awm e.

A hmasa berin Demand No 24-na
Health and Family Welfare Department hi tawite in han sawi ka duh a. He
Department hi a pawimawh bawk a, a thang nasa hlein ka hria a, tin, a thawktute
pawh tunhmain an thalo tihna nilovin Pathian rawngbawlina anga ngaiin hna an
thawk ta in ka hria a, lawmawm ka ti a. Tin, chutihruah chuan kan damlo a te
leh vawiinnia kan in enkawldan hi a inban phalo ka ti dawn nge ni thiamna a lo
sang zel a, inenkawlina chungchangah pawh thil a changtlung zel a. Keini zokhaw
lam atanga Aizawl damdawiin kan han pan te hi chu a treatment tak tak a thlen
hma hian Rs. 1000/- te hi chu kan seng hman ziah mai a. Kan mipuite hian an
pha lo hrim hrim mai a ni, tih kha. Khawl chi hrang hrang a lo kal zel a, chung
chuan en a lo ngai zel a, chumi karah chuan kan mipuite an chau hman hle thin
a. Physical leh sum leh paiah. Chumi awmzia chu vawiin niah kan in enkawl dan
leh kan kalphung hi kan mipuite hian an phalo hle mai a. Chuvangchuan, Health
an Family Welfare lam zawng nilo hian Sorkar ang hian kan damdawiin te, kan
Doctor te, leh kan khawl hman thei tur hian mipui hi Sorkarin kan buatsaih a
va ngai nasa em, tih hi ka rilruah a awm thin a. Chulai te chu a demand ah
hian lang chiah lo mahse ka sawi tel duh a. Pu Deputy Speaker, hun a tawi
avangin sawi zung zung mai ila.

Hei, hun a tawi avangin a ri reng
mai a, nimin lam leh nimin piah lamah pawh. Hria inti leh dik inti hi kan
inchhang tawn thin a, kei ka lo hmuh ve dan chuan DONER Ministry hian
pawisa min rawn pe sela chuan sak mai tur niawm a ni a. Helaiyah hian kan buai
viau lai hian keini Zokhaw lam bialtute hi chu a Referral Hospital-ah kan buai
pha lova, keimahni bial lam PHC kan neihte Doctor an awm hleithei ta lo lai hi
a buaithlak khawp mai a. Hei, Kawrthah damdawiin pawh chei mai bakah up-
grade kan ti dawn nge, thuan a ngai nasa em em a, Teirei thlang lam leh
Tripura tlangdung zawng zawng bialtu khu an ni a, a lun hle a, chuvangchuan,
tuna an in enkawlina neih ang ang pawh khu tuaithara a thawktute pawh min pek
belh hi kan mamawh takzet a ni tih ka sawi duh a. Chuta tanga mi han cover
zel tumin a insawi a. Chuvangchuan, Aizawl lo thleng pha lo tan hian Mamit-ah
khuah kan in hngangfak ve theihna tur atan chuan ruahmanna kal mek hi chak
zawkin tih theih nise, alawmawm ngawt ang. Pu Speaker, an hnathawh that tam

...800/-

tak sawi tur a awm rualin kan zu sawiseng vek lovang a. Nichina kan thiante, MLA zahawm tak tak ten lawmthu an sawi ang khan sawi ve ka duh a. Health Worker Training zo tawh hna hmu hlei thei lo, hmanni lawkah min laksak a. ka bial atangin lak a ni ve a, kei pawh ka lawm a, a chhungte leh amah pawh an lawm hle a ni tih kan sawi tel duh a ni.

Demand 29-na, Social Welfare ah han lut leh ila, he Department pawh hi a thawk tha hle thawkhatin ka hria a, an hnathawh hi rawngbawlna tak taka ngaiin mi tam tak hian an thawh rualin thenkhat hi chu chutiangan ngaihtuah vek lo, tlem zawng an la awmin ka hria a. Hengte pawh hianin a thiante mipui tana an inpek nasat ang hian ngaihtuahna hmang ve se, tha ka ti khawp mai a. Ka bial khu Zawlnuam C.D. Block atangin CDPO in min bial a, an in ang lo khawp mai. A tha zawk leh tha lo zawk an awm a, khawtlang an han enkawl dan leh thil an han tihdanah hian an inthlau khawp mai a. A thalo deuh zawka kan ngaih hi chu a awm rei tawh bawk a, hmun dangah te pawh kalve tawhse a tha khawp hian ka hria a. Officer reng reng hi an Department ah hna, insak te, engemaw a lo chhuah a, thawh tum tlat an awm hian adangah pawh an tha vak lo duh khawp mai a, chutiang chu kan nei thin a, a tha lovin ka hria a.

Tin, Social Welfare problem, a bik takin naupang an enkawlna chungchangah hian Aizawl khawpui leh khawlian deuhah hi chuan kaldanphung hi a tha khawp mai a. Amamawh zawk Zokhua kilkhawr, deuhah te hian leh a rualban phalo zawkte Nutrition te pawh mamawh ngawih ngawih area-ah hian Aizawl khawpui leh hmun danga an dawn ang hi an dawng phalo deuh tlat mai a. Helai hi chu a mamawh area-ah hian luhtuk zawk awm tak laiah hian a pawnlung tlat mai thin hi thawktute leh a Department leh a Ministry ang pawhin helai hi chu enchain atan a tha khawp mai a, Pu Speaker. Tin, Aganwadi Centre hi a pawimawh a, tun hunah ka bial khuan engemaw zat la neilo an awm a, chungte chu vawiin niah han sawilang hman lo mah ila, kan hnathawktute, kan Department hotute hnenah kan Minister hnenah Ka la sawi ang a, hlawhtling ve tawh turah kan in ngai deuh a ni

Demand No. 18-na. Printing and Stationery ah hian han lut leh ila. Hei Printing & Stationery hi hun engemaw ti atang khan Session apiang hian sawi hlawh Department a Department leh Department inpuh tawn deuh reuhna, a Sorkar chhungah si a fello hi kan sawi ziah mai a, helai hi ngaihdan fel deuh mai ka nei a, Department tan a tih theih em theih loh em tih chu ka hre vak lova. Printing hi chuan harsatna kan nei lovin ka hria a, Sorkar ang pawh hian a hlawkin hma a sawn nasa em em a. A

Stationery laiah hian a buai thin niin ka hria. Chuvangchuan a Printing lai hi tun aia chak zawk leh Press danga pek pek ngai tawh lo hian a Sorkar mamawh ang zawng zawng cover thei tur hian inbuatsaih sela a Stationeries lai a hi chu tih danglam ngaiin ka hria. Chumi Department chuan an la duh lova, chumi te chuan an la duh lova, kan ti a, pawisa tam tak kha kan seng tho si a. Tin, a Printing & Stationeries Department te pawh hi han bihchiang ila, Department in a va lak tullo item hi a tam ve bawk a. Nihliap te, Lantern te Torchlight te, Bucket te han lei khawm ang hi chu Department dang tan pawh khan a buaithlak ve tho mai a, heng hi sorkar pawisa tullo a kumtin a han senna tam tak niin ka hria a, helai hi enfiah theih, siamthat theih niin ka hria a. Chu chu rawtna ang deuhin Pu Deputy Speaker, ka'n sawi leh duh a.

Demand No. 35-na Fisheries hi uar deuh hlekin ka sawi duh a, kan ram than kan tum mek dan leh, kuthnathawktute buatsaih kan tum dan leh tuna kan kaldan hi a inkalh tlat a, ka hriat avangin Pu Deputy Speaker, General Discussion ah pawh khan ka sawi tawh a. Intodelh kan tum a, kan intodelh mai theihna, Sericulture leh Fisheries hi he ramah hian a mikhual rei tawh a, a chhan chu mi hnuaihngung deuh kuthnathawktute ina an tangkaipui Department anih avang hian ngaih pawimawh a hlawhlo ni hian ka hria a, Sericulture pawh hi hetia a thar hi pawisa ah a chang thei a. Chutiang bawkin sangha pawh hi man mai hian pawisa ah a chang mai thei a, chu chu a mikhual tlat mai a ni. Mizoramah hian Aizawl khawpui lah hian Mizo tena kan sangha thar hralhna a neilo ringawt mai, State dang atanga kan lakluh a lal zawk ringawt mai pawh hi a kalphung hi a diklo hrim hrim. Tumkhat chu ka sangha leitute ka dil atangin ka zui chho ve a, zan dar 9 velah kan inbuk fel a, Aizawl kan han thlen meuh chuan khua a var tep a. Chutah chuan, a kharchhawng hmuntina lo zuar chhawng thintute khan an lo nghak a, tichuan, an han insem ta a, sangha man runpui lai chu thlasik lai a ni lo thei lova, tichuan, an tlaivar thak a, tuikhuah atanga la tute leh a lo nghak tute kha an tlaivar bawk a, chuta an in pek chhawna thin tunhma a power House bul phei vel, sawng atang te pawh sawn kan hnawtdarh reng mai a. Chuvangchuan, hei hi chu Fisheries Department ina a siam mai theih pawh a ni lova. Sorkar angina Trade and Commerce te, a Sorkar lu ber ang pawhin ngaihtuah a ngai. Chumi anih loh chuan, Mizorama sangha thartute hi tun aia nasa hian an vui leh vai dawn a. An vui leh vai nasat chuan, thil tha lo lo hi a thleng mai thin a. Chuvang chuan, hei hi chu ngaihtuah ran nise. Pu Deputy Speaker, uar takin ka'n rawt duh a.

Demand No. 7-na excise hi House ah hian ka sawi zing tawh a. Khawthlang lampanga Excise Force kan nei thei lo hi a pawi khawp a ni. Kanhmun, a ral mai chu, Damcherra a ni a. Engkim a

awm. Chuta tang chuan thil tam tak a lo lut tih kan sawi tawh a. Hetah Tuipuibari atanga Tripura kalna kawng, chutiang ang chu ven lohin a awm reng a. Hei Excise Force te pawh an la thar dawnin ka hria a. Hengte lak thar a ni tawh hunah hi chuan, Excise Department hi rawn in hung ve sela. Tlawmngai pawlte leh midang dang ina ruihhlo dona chungchanga an hma lakna kha a awlsam dawn a ni. aizawl rawn pan zel hi thil harsa tak a ni a. Chu chu Pu Deputy speaker, ka'n sawi a ni. Ka lawm e.

DEPUTY SPEAKER : A chiang khawp mai. Le, Pu S. Hiato i sawm ve leh ang.

PU S. HIATO : Pu Deputy Speaker, ka lawm e. Ka hmaa thusawi kha Minute 5 lai i pek belh a, keini pawh min pek belh ve ang chu. Ruling lam ringawt kha chu chance an nei lo turah ngai ilangin. Pakhatnaah chuan, Demand No. 29-na Social Welfare ah hian sawi duh ka nei a. Mizoramah hian han vah velin vanduaina tawh hmuh hrehawm tak tak kut bul leh ke bul hi kan hmu thin a. Tam tak chu sangha man avanga bomb intih puahkhum te, a then chu accident avangte a ni a. Chutiang ho chu thingtlangah hian tam tak an awm a ni. Chunggho chu kut lemte, ke lemte siamsak an ngai a. Artificial limb te. Central ah heng hmanrua te hi a awmin kan hria a. Tam tak tan chuan Aizawl lo kal a, measurement laktir tur pawh an harsa a ni. Chuvang chuan, Pu Deputy Speaker, heng ho hi mi ang deuh hleka an awm theihna tur leh pawnlam tal an lo lan mawi vena turin, in Centre neih a in staff te hianin khatiang hote kha zawng chhuak selangin, measurement pawh a tul ang angin la ta a. Tanpuina pawh a awm thei ang angin ti thei ula tih rawtna ka siam duh hmasa a.

Tin, pahnihnaah chuan, bengdar te insem a, bengngawng tak takte mi angin engemaw zat in chhuah a. Kan sawi ang bawkin thingtlang lam tan hetah lo kal a harsa a. Passport size photo a ngai a. A form a ngai a. A form ah Doctor sign tir leh a ngai a. Chungte bakah Aizawl lo kal a, Aizawl in Office a lakchhuah leh a ngaite hi chu a procedure hi a sei lutuk a. Harsatna an tawh a ni. Hetiangah hian, chhawmdawlina tur chuan in Office awmna ah hian Authority pein final turin dah thei ila tih hi ka sawi duh

a. Tin, Social Welfare hian YMA tanpuina tur chi YMA No, Ketli leh thildang dang in sem thin a, kum 4 a kal tawh a. Hei kei pheih chuan pakhatmah ka la dawng lova. Hetiang in tih thin hi a tha viau a. Mi a tanpui a, NGO tan pawh a manhla em em anih tih hi ka sawi duh a ni.

Tin Health ah Demand No.24-na tunhma kalphung hi engemaw zat chu kan kalsan tawh a. A hma kha chuan Endoscopy leh kut pahnih a mi en kha a ni mai a. He damdawi hi karkhat va ei la, i ngeih loh chuan lo kal leh la, a dang kan lo chawh leh ang che tih kha a ni thin a. Hetiang hi thingtlangah an la ching tho a. Mahse, a tam zawkah chuan a bo tan ta hi lawmawm ka ti a. Hman deuh khan District Headquarters 8 Hospital zawng zawng chu upgrade turin order kan chhuah a. Chuti anih chuan, hemi Headquarters ah hian a khawl a thuam loh chuan a ngaihna a awm lova. Aizawl-ah lokal a ngai a. Chutah chuan, Detect lo chuan damdawi an pe duh tawh lova. Detect tur chuan khawl tam tak kaltlang a ngai a. Thingtlang nu tan a harsa a. Endoscopy vawikhat tihna turte, a blood test hrang hrang tur te Rs. 3,000/- - 5,000/- a ngai phawt mai a. Tih ngaihna avang hle a. beidawng a haw tam tak an awm thin a ni. Chuvangin District Headquarters ah hian Endoscopy emaw Ultra Sound emaw Blood Test chi hrang hrang, X-Ray emaw, man to tak Sophisticate anih loh pawhin, hetiang awlsam hi chu dah ila chuan mirethei ten an tangkaipui ngei ang tih ka ring a ni.

Tin, Sorkar hnathawk leh an chhungte damdawi in admit loh re-imburement theih loh tih hi in sut tawh em ka hre lova. Hei hian harsatna tam tak min siam a. Khawl hmanga test hi a awm lo thei lova. Rs. 4000/- - Rs.10,000/- thleng test-na ah insen a ngai thin a. Re-imburse theih loh ringawt te hi a tuartu tan a na hle a. Tin, tunlaiin Malaria avangin mi tam tak an thi a, tan in la viau a alawmawm a. Hman deuh ah MLA te pawh Seminar min neihpui a, kan hlawkpui hle a. Khatiang kha, thingtlang hmun hrang hrang, School ah te, tin, lo a riak thin te hnenah incentive an neih theih nan programme hei aia uar lehzuai nei thei ila ka duh a. Tin, AIDS ah te pawh.

Tin, kum danga kum li kal taa min chhan dan ang khan min chhang tawh lo ang tih ka beisei a. PHC te, CHC te kan sawi thin a. Kan hre reng a, pawisa kan nei lo a ni, "tih ang ringawt hi chu ni tawh lo se kan duh. In an sak zawng zawng a chhe vek tawh tih hi kan sawi thin a. Tunah chuan National Health Missionah pawh Budgeta tel miahlo pawisa engemaw zat an nei a ni. Chumi atang chuan kuminah chuan PHC te CHC te doctor an dah lohnah hi chuan Doctor min dah sak ngei ngei tawh the u, tih kan

duh a. Doctor kan dahsak thei ang che u tih hi vawinah hian kan Minister hnen atangin hriat kan chak em em a ni tih ka sawi leh duh a.

Tin, Pu Thawla khan a sawi tawh naa, kan Hospital neih chhunah Aizawl Lunglei Saiha tih thin kha a ni a. Aizawlah chuan tha tak kan nei tawh a. Lungleiah kan nei tawh a. Saiha chu Republic day ah khan kan Minister zahawm tak pawh hian a lo tlawh a. Sorkar lama kan Minister pakhat Pu Sangthuaman Constract a thawh hun laia a sak kha a ni a. Assam type chhe lutuk tawh. Dik chiah chuan Hospital pawh ang tawh loah khan kan la awm a ni a. Kum 50 strength a ni a. "Zaah kan tihsan sak ang chu u", tih pawh hi official takin phalna kan la nei lova, chutah chuan, zaa min tihsan sak bakah Hospital tha hi kan duh tawh a ni. Mi anga fai deuh hlek. zahawm hi, District Headquater-ah min dah sak hi ka phut a, ka ngen bawk a ni.

Tin, Land & Revenue ah hian sawi tur ka nei a. 1988 ah khan hei MLA ni ve si thingtlang atanga lokal Aizawla inhmun nei lo tan Berampu vengah khuan Remna Run kan ti dawn nge ? khatab khan MLA engemaw zat in min pe a. Tam tak phei chuan min boralsan tawh a. Pu Vanlalnghaka te, Pu P.Siamliana te, Pu Nirupam Chakma te, Pu Biakliana te, keite pawh telin chu chu High Court ah khin kan ni a, dik chiah Chuan Sorkar lam Advocate te hi min dinpui tha lo niin kan hria a, kan tla a. Chu chukumtinin Tax kan pe a. Tun thleng pawhin kan pe a. Chu chu alternative site hi khawngaihin min ngaihtuhsak dawn nge ? Compensation min pe dawn tih hi ka zawt duh a ni.

Tin, Fisheries ah ka lut leh lawk ang a, sangha dil nei tan chuan a hlimawm tih in hria ang a. Sangha dila thuta a chawte han pek a, an vei sup sup hmuh hi chuan hriselna atan pawh a tha tih hi in hre theuhin ka ring. Mahse, kan buaina ber chu sangha chi supply-ah hian a ni. Sangha chi hi Silchar atanga lokal a ni a. Belin an rawn keng a. an kut hian an khawih che reng a an ti reng mai a. An mut lai pawhin an khawihsa an tiche reng mai a. Khitiang ho khan min rawn supply thin a, tam tak a tha lo a awm a. Tin, a man a to lutuk reng reng. Chuvangin, Sorkarin seed farm in nei a. Pu Laldenga seed farm emaw Zobawk seed farm emaw in neih ah hian a chi hi tih punga lak theihna tur hi min ngaihtuah sak ka duh a. Tin, a chaw tur hi a harsa lutuk a, a chaw turin a hran hran a ngai a, hengte hi uar deuhin min dahsak ve ta ula, tih ka duh a ni.

Tin, Higher and Technical Education ah hian College ho chu Lecturer nilai College hrang hrangah attached sakin kan awm a, hei hian harsatna min siam a, a hmunah pek belh leh a awm silova. subject latu tan harsatna lian tak tak an tawk a ni, tih ka sawi leh duh a.

Tin, Arts and Culture hi lehkhabu zuartute hamthatna anmahnia print ve thei lote in print sak thin hi a lawmawm kan ti a. Heng hianin literature-ah ah nasa takin hma min sawntir hi alawmawm tih hi ka sawi duh a. Pu Depeuty Speaker, kamkhat chauh Arts and Culture charge te hi a ngai khawp a, District Headquarters tinah te hian hetiang Festival hrang hrang te hi uar deuh deuha hmanga tanpuina nasa deuh deuh min pek hi ka duhin ka'n ngen duh a ni. Ka lawm e.

PU F. LAL THANZUALA : Pu Deputy Speaker, Health Department lampangah hian ka'n sawi tan ang a, Health Department hna thawh hi a tlangpui thuin a tha hlein ka hria a. A changtu hi chak tak a ni a, a hawina lampang apiang hi a tikaw theiin ka hria a, alawmawm tak zet zet a.. Hei keini Hnahthial damdawiin te pawh Indian Public Health Standard tih anga CHC a cheibawl te zingah te min han thlang a, nuai 30 laia damdawiin te pawh han cheibawl tum te pawh a awm a, alawmawm hle mai a, lawmthu ka hrih a.

Tin, Sub Centre te lampang pawh 56 vel lai nuai 7,28,000 vel senga han repair-na vel te pawh a awm dawn a. ka bialah sawn building saw a chhe hle hlawm mai, min hmah bik lo ang tih ka beisei thu hrih kan duh bawk a.

Tin, damdawiin a Doctor kim hlei thei lo hi a buaithlak a, keini pawhin kan tuar thin a, a changin an lokal a. zirna zang zawk avangin an let leh a.

PU S.HIATO : Pu Deputy Speaker, Session hi kan nei rei ta hle a, tunah pawh zar 8 a ri dawn ta mai a, kar leh thleng chhunzawm tur kan ni lehngal a. thilti leh ti tum Department zawng zawng avanga sawi vek kher a ngai emaw nile ? ngaihthlak pawh a nuam tawh lo mai dawn alawm mawle.

PU F.LAL THANZUALA

: an zir leh a. A chang chuan hriatthiam a har ang reng viau a. Tunah mam mamawh em em kan tam laia han zir leh chu tiin. Mahse, hetiang

hian ngaihtuahna ka siam ta a. Dawhthei taka ngah hram hram tur niin ka hria a. Thingtlang atanga khawpuia hla tak taka kal ngai lova, thingtlangahte pawh specialist tena min kaihhruai hun kha a thleng dawn niah ka ngai a. Chung hun chu ka'n ngaihtuahin hemi policy hi a tha hlein ka hria a ni. Tin, kei ka rilrua min tibuai em em thin Mizo nih pawh a changa min ti zak lek lektu hi a awm a. Chu chu hnam hrisel lo tak hi kan ni tain ka hre deuh a. Cancer vei kan nasat ziate, thisen sang kan tam ziate, zunthlum vei kan tam ziate kan life expectancy pawh hi ka hre lova. Hetiang hian min chiahpiah ta tlat a ni. Malaria chu sawi loh. Heta tang hian engtingge kan talchhuah ang tih hi ngaihawh awm hle ta mai a. A chhan hi va hrechhuak lo mah ila, suspect deuh kha uluk tak maia, ti tak deuha pawisa tam tak pawh senga Zoram vakchhuaka damdawiin hrang hrang amite pawh kha han exam kualah, a chhan ni thei turte hriata, a in zirtirna hemi laka kan life style leh food habit te pawh kha han inzirtira Cancer leh thil hrang hrang vei lo tura in buatsaihna hi nasa lehzuala kalpui hi tul hlein ka hria a. Chu chu kan sawi deuh a.

Tin, Higher and Technical Education ah hian, Hnahthial College te pawh Provincialise tur hmel an pu a. Zawhna chhannaah khan a lam hmasak berte pawh a ni a. Alawmawm takzet a. Sorkar hian a hnathawkte zirtirtute welfare hi a ngaihtuah hlein ka hria. Chutihruah chuan, hetiang a Sorkarina dinhmun tha zawka an din theihna tura tlin leh tlin lova tih a tum chung hian heng Provincialise tur College a Lecturer leh thawktu ho hian an mawhphurhna hi an hre let ve ang em le ? An Reciprocate ve ang em le ? quality taka zirtir tumnate an nei ang em le tih kha rilruah a awm nghal a. A chhan chu kan ramah hian institution kan ngah a College kan ngah a, mahse, a quality lam a hi a tha ta lo em em mai a ni.

Tin, Post Matric Scholarship chungchang thu hi a ni a, corruption kan duh lova, kan do tluar tluar a. Kohhran pawhin an dova, he House ah pawh kan au nasa thin a ni. amaherawhchu, kan ngaihsak miah loh a bul nise hi a awm niin ka hria a. Scholarship kan sem dan hi a ni. Dan a awm a, kum khata income nuai khat aia a san chuan Scholarship hi hmuh ve theih loh ltu a ni a. Mahse, a dil reng rengin a hmuh turah kan ngai a, dawt in kan income te kan ziaak a, tichuan helaiyah hian corruption hi a nasa em em mai a ni. Hei hi sawisel pawh a ni lova. Pathian zarah ka fate hi ka

Dil tir ngai lova. Hei hi endik a tha lo maw corruption hi kan inzirtir niin ka hria.

Tin, Sunday School Exam te pawh hi hei aia fel zawk tih a tha a, entawn lovin. School ah mark 60 hmu kha thiam tak a nia. Sunday School ah chuan 60 hmu kha thiam vakah kan ngai lova. mark an han puang a, Sunday leh ah Pathian malsawmna kan dawng kan ti leh a. hetiang vel hi kan kal dan a ni a. Corruption hi do ngaihna a awm lo. Post Matric Scholarship chungchangah hian strick Zawkin ti ila la theilo chuan kan la lo mai ang a. Pathian zarah kan zir thei thovang. A diklo ti kher lo hian Pathian zar lam te pawh ngaih pawimawh hi a ngaiin ka hria a ni.

Tin, Technical Education ah hian nikuma ka zawhna chhanna ah chuan B.E. zirturte Medical College a kal tur te thlanna kha an rawn ziaq ah chuan za zela 95 ve hi Aizawl ami an ni. Kha kha kan ram than danah khan thil pawl tak a awm ta a. Thingtlang lampang chu an awm ve lo a ni. Kolasib-ah tlem, Lunglei ah tlem a awm ve pheuh pheuh. Kha kha a lo nih chuan kan ram than dan kha a dik ta lova. Engtia tih tur nge tih policy lian tak a tling a. Thingtlang lampang an thiam lutuk lo tlat mai a. High School din lah hi phal reng a ni bawk si a, Lehlahmah engemaw kha a lo awm ve a, zirtirtu tha nei mang hlei lovin Mathemetrics zirtirtu tha pawh nei mang hlei lovin Science zirtirtu tha pawh nei mang hlei lo khan an han ti a, a pawina kha an pha silova, keima pianna khua ngei pawh High School din an sawi a, nasa takin min ngen a, ka awi miah lova. Hetah chuan zirtirtu pawh in awm thei lovang in bul lawkah a awm tawh tiin ka hnial a, an lo tilui a, engmah tanpui pawh tanpui anih lo avang khan ka ngawihsan a. Tiang khan kan in ngaihtuah tur chu Higher & Technical Education lovah pawh kan kalphung ah hian thingtlang lampang thiam theihna tur zawnga kan kal hi a tul hlein ka hria a.

Tawng chungchang thuah hian hei. kan Zoram chu tu hi nge Mizo ti ila Mizo kan ni vek a, kei chu Fanai ka ni a, mahse, Mizo ka ni a, Lusei chu ka ni lova. Kan ramah hianin hmana kan politician fel tak ina a sawi ang deuh hlekin thenkhat te hi chu hnamah hian kan chiang lutuk a, ltute emaw hnamah hian in chiang lutuk a, inchiang leh lutuk an ti ang deuhin hnamah hian inchiang leh lutuk a, kan Central Service Pension tawh mifel takin a sawi ka hriat ah chuanin "India mi ka ni a, Mizo ka ni leh a. a tawh, a bak a nawi buaipui hi atul ka ti lo", a ti a. Mizoramah hian hemi Mizo kan nihna a tawh a, tachuanin Mizo tawng kan han ti a, Lusei tawng kha a ni

mai a, hemi kan inphuarkhawm hi atul em em mai a. Kan inphuarkhawm theih loh chuan a te te hian kan hrang sep sep ang a, a te tak te tea awm kha identity vawnhim reng te kan han ti ang reng te kan han chawi vak a, a hun chu a awmna a, a hun lo thleng thlenga identity humhim kan tum lutuk chuan rilru te tak te te pu kan inchhuah ang a, kan ram tan a tha dawn lova. Chuvang chuan tawng chungchang thuahei Arts & Culture lamah te pawh an hmalakna hi fakawm ka ti hle a ni. Ka lawm e.

PU H.ROHLUNA

: Pu Deputy Speaker, ka lawm e.
Demand No. 24-na Health &
Family Welfare Department ah lut
ve nghal ila, an sawi nual tawhna

a. Medical Re-imburement chungchang hi han sawi rik ve leh hrim hrim ka duh a. Hei hi sorkar hnathawk damlo te leh an chhungte damlo re-imburse chungchanga an in enkawl naah hian harsatna an tawk nasa tih hi chanchinbu ah te pawh a lang a. Tin, a taka phai lama in enkawl emaw Aizawl a ni emaw harsatna an tawh chungchangah hian kan Sorkar hian tun aia a ngaihven ran hi a pawimawhin ka hria a. Tin, heng Private Hospital ho ah hian tunah phei chuan payment lo phei chuan in enkawl theih loh tih ang hian a awm ta niin a lang a. Heng hi ICICI LOMBARD nena Sorkarin an han thawh ho chinah hi chuan awlsam zawk tur a ngaih anih lain tunah hi chuan harsa zawk dinhmun ah an ding a. A bik takin sorkar hnathawk hlawh tam lemlo tan phei chuan phurrit a tling tak tak a ni a. Chuvangin hei hi kan Sorkarin tun ai hian kawng tha zawk hi dap rang se a tha hlein ka hria a. Tin, Nursing Service chungchangah te hian hei anmahni ICICI LOMBARD hianin an lo fix sak tawp a, tihte, tin. chu lovah chuan damdawi an chawh tam lutuk tih ang chi te heng Private Hospital ho ah hian a awm a.

Tin, a dang leh ah chuan an bill thehluh hi Private Hospital te nen MOU ah hian 26 days chhunga tihfel zel tur a ni a. document a fel phawt chuan, amaherawhchu, chutianga tih awm ta lo te, heng avangte hian harsatna a mipui lam hian kan tawk a ni tih hi vawiin niah kan sawilang ve duh hrim hrim a. Tin, in lama in enkawl damlo natna khirhzual bik kan han tihte ho ina re-imburse tih theih tak loh hi nasa takin damlo te leh Sorkar hnathawk chhung leh khat te leh anamahni ngei pawh harsatna a thlen a ni tih hi han sawi rik ve leh hrim hrim ka duh a ni. A chipchiar chuan kan sawi hman lovang a.

Tin, Rural Health Mission

chungchangah hian kan Health Department hian nasa takin hma a sawn phah niin a hriat a. Khing kan bial ah te ngei pawh blood bank te Ngopa ah min sak sak a. amaherawhchu, khawl te an dah chung pawhin vawiinni thlengin a la function thei lova. Hei hi a function hlan kan nghakhlel em em a, a khawl te a awm tawh a, a thawk tu tur training pek tawh awmsa an nih ah hi chuan khinglai hmun kilkhawr tan leh Aizawl hlat deuh tan hi chuan emergency thilah a buaithlak em em thin a. Hei hi a hma lama function tir theih dan te a awm chuan tiin tul dang tam tak karah kan sawilang duh a ni. Tin, han sawi hreawm tak Mimbung ah khian PHC kan nei ve a, kan damdawiin Quarter vel khi tunhnaiah repair/maintenance an han ti a. Pa pathumin an hna khi a pawisa phu lovin a chhiain an thawk ti ila a dikin ka ring a, chu chu public lam atangin complain ka dawng a, min han enzui sak se Department lamin ka duh khawp mai. Hetianga sanction hmuhte a har tehreng nen hmun kilkhawr zawkah hian hna hi contractor te leh a thawk tute hi chuan hlep phehi hi chu annei turah ngai ila. amaherawhchu, chhe lutuk, a lutuk hi a awm ve a ni, hei hi a tha loin ka hria a.

Tin, a Department dangah han kal leh ta ila, Social Welfare ah hian Social Welfare hian Home chi hrang hrang hi a enkawl a, Central atanga tanpuina lokal sum leh paite zai takin an hmang a, tihian tan an han la a. Tunlai hian leh tunhma deuh atangin heng Orphanage Home ang chi fahrah enkawl na hi private-a, private ti mai ila, pawl society ang zawng te leh pawl hrang hrangin an han din ah hian eng angina nge ni tanpuina te Social Welfare atang hian an pek thin a, hengho hi dawmkan leh enkawlpui an ngaiin ka hria a, a sum leh pai piah lamah khian an in enkawl na administration hrim hrim pawh hi enzui angaiin ka hria. Tin, Mizo te hian kan population phulo hian hetiang fahrah te in vela awm hi kan tam awm mange ka ti a, a chhut dan chiah phehi chu ka zu thiam lova, anihna takah hi chuan kan population nena han chhut hi chuan fahrah ina indah hi kan tam viau niawm hian alangin ka hria a ni. Hei hian kan chhungkaw administration leh kan social life te hi nasa takin a khawih niin ka hria a. Tin, kan nunzia te hi a tilang niin ka hria a. Mizo nun pangngai tunhmaa pipu atanga kan nun kalchho leh vawiin nia Kristian inti family hetiang chhungkua atanga hetiang zat fahrah kan han piangchhuak ta te leh enkawltu awmlo kan han awm ta hi kan society dinhmun hi a ngaihtuahawmin ka hria a, hei hi in enletna tham niin ka hria a, chu chu ka sawilang ve duh hrim hrim a. Tichuan, Social Welfare han sawi takah chuan Anganwadi Centre Building hi tunhnaiah Department in khing kan bial tihte pawh tha tak tak min han sak sak a, a Department chungah lawmthu sawi atul hleiin ka hria a, kan sawi duh bawk a ni. Tin, Grant-in-Aid hi kan sawi thin a, tlawmngai pawlte tanpuina abik takin heng Dekchi, No tihvel te Member thenkhat te pawn an sawilang tawh a. Nikum Budget Session ah pawh khan ka sawilang a, Itunhma engemaw chen

atang khan nuai 5 te dah thin a ni a. Chu chu tihpun nise, kan han ti a, tunkum hian nuai 15 vel dah niin ka hria a, Budget ah. Amaherawhchu, akalphung nuai 5, dah leh nuai 15 dah kha a in ang reng mai hi helai hi chu a Department lampang phei chuan thu pawh an nei ngam lo niin ka hria a. A concern Minister hi a kawm lutuk deuh em ? A control lutuk deuh em ? tih erawh hi chu lo in enfiah ve se ka duh hrim hrim a ni. Tin, Excise & Narcotics ah hian hei hi Department pawimawh tak kan tlawmngai pawlte leh a thei apiang ti hial ila a tha mai awm e. Ruihhlo kan dona kawngah te ruihtheih thil kan dona kawnga kan thawhchhuahna a ni a. Tunah hian ka hriat soal loh chuan an Budget hi nuai sawmruk leh singkua sawmthum lai hian nikum aiin a tlem zawk niin ka hria a. Hetiang Department pawimawh lutuk te hetiang a tlem zawnga an han enkawl hi a pawl hlein ka hria a, a bak chu ka sawi lo mai ang e.

Tichuan, Ngopa te, Lawngtlai te leh Mamit ah te khian Out-post anih loh pawn Excise hmun hi hawn belh tura Proposal Consultative Committee pawh siam a ni a. Heng hi a hma thei ang bera tih theih nise thain ka hria a, a bik takin Ngopa khi Manipur kawngpui a pawh takah chuan ruihtheih thil chi hrang hrang Zu te leh Drugs te pawh a ni ang, a lokal a ni. Chuvang chuan a pawimawh hle a. Inter-State Border te a lo nih avangin hei hi kan sawilang duh bawk a, hawn hma theih dan te hi awm thei sela, a thawktu tur te an lak belh anih phei chuan tih hi kan sawilang duh bawk a ni.

Tin, Arts & Culture te pawh hi kan hnam rohlu leh kan hnam zia humhalhtu kan ti a, kan sawi pawimawh em em hlawm a. Amah'rawhchu, an Budget hi vaibelchhe khat chuang hian nikum aiin a tlem zawkin ka hria. Hengte hi Member te pawh khan kan sawi deuh vek kha ka hria a, a pawimawh dan te. Ama'rawhchu, an demand han en hian nikum ai khan Arts & Culture ah hian crore khat chuangin a tlem zawkin ka hria a ni kuminah.

Tichuan, Fisheries hi Department pawimawh tak si Pu Deputy Speaker, midang pawh i pek belh hlek hlekin ka hria a, chuvang chuan tlem tein kan pel ve hlek ang e, tuntum chu, ni dangah chuan hun ka hmang dik thei a nia. Fisheries Department hi kan ngai pawimawh em em a, amaherawhchu, Department hi tilphuisui lam hi kan tum lo hle niin ka hria a, vawiinni thlengin. Director puitling pawhin la enkawl loh hian a awm a, tin, an Budget te hi han en hian a hniam em em a, a tlem a. Chuvang chuan, thu chauh hian kan ngai pawimawh a, a tak tak hian kan ngai pawimawh lo ni te hian ka hria a. Heng Tam, Mautam han dona atan te pawh hian thar rang anih avang hian a pawimawh em em a. Tin, Sangha chi sem chungchangah hian rualkhai deuh zawk leh tun aia tha deuh zawk hian sem nise a tha hlein ka hria. Ka bial lam an sem dan erawh hi chu ka sawilang lo mai ang. Ka duhthu a sam vak lo.

Tin, Land Revenue ah hian tawite pu Deputy Speaker, sentence hnih, khat lekin midang pawh i khak vak lovin ka hria a. Chhiah revise a ni a, nikuma chhiah pung kha, chhiah pun kha a tlem zawngin revise niin ka hria a. Chu chu nikuma revise hmaa lo pe tawhte kha, a rate a san laia lo pe tawhte, a kum leh a revise anih kha chuan chu chu tun 2007-a pek turah hian adjust a ni ang, chu chu siamrem a ni ang ti kha Minister zahawm tak leh kan House Leader-te pawhin an sawi ri niin ka hria a, nikum khanin. Chu chu kuminah hian chutiang zawng chuan chhiah kha khawn a nita em ? Nikuma a rate sanga lo pete kha kuminah hian an pek tur atangin a sanna lai kha siam rem a ni em tih kha Minister-in khawngaih takin min han hrilhfhiah se, nakinah wind-up naah tih kha kan sawilang duh a ni. Ka lawm e.

DEPUTY SPEAKER : A chiang tawh khawp mai duh Tawk mai ang aw. Phar an tam hle mai a, ka ding lamah hian Pu K.Vanlalauva hi a phar sang deuh berin ka hria a. Ani hi i ko teh ang.

PU K.VANLALAUVA : Pu Deputy Speaker, ka lawm e. Niminah khan a hnuhnung berah min pe a. A hmaherawchu. a tlai

riau tawh a. Tunah chuan a laihawl velah ka kai ta a. Pu Deputy Speaker, ka lawm e. A hmasa bera ka'n tarlan duh chu lawmthu lam a ni a. ICDS tha min petu Department hi Social Welfare a ni a. A Department hi social Welfare a ni a. Minister hi kawmchhak pa a ni nanga kan inhmu khat viau mai a. Hei lawmthu pawh wawiinni hi ka sawina ni mai sela. ICDS kan tana mamawh em em chu Lungdar in min vil a. Tuipui dan a ni a, a buaithlak em em mai a. A changin Khawzawl lam atangin min vil bawk a. Min vil rawn a ni nachungin a buaithlak tho tho mai a. Leithumah Sub-Godown min sak sak ngawt a. Tunah chuan Khawbung ah kan nei dawn tain ka hria a. alawmawm hlein ka hria. A hnathawk lak dan erawh chu duhthu a la sam chiah lova. Contract Basis a tih ltur niin kan han hria a. A dik em aw ? Hei chu kan Minister zahawm takin a rawn sawifiah theih ka ring a. Tin, hemi Department bawka ka information a dik anih chuan, Nutrition ah hian kan chhehvel State te hi chu an che tha vak lova, naupang Nutrition atan hian chaw leh dal ringawt te pawh an pe ni tur a ni. Keini erawh hi chuan item 8 kan pe thap thap mai a ni a. Hetah hian Department an fakawm

hlein ka hria. Chumi chin chu Social Welfare ah hian tarlan ka'n duh mai a ni a. Hei adang tam tak a awm a. Minister pathum demand a ni a. Kan tarlan loh hi kan ngai pawimawh mah mah a ni tih kha kan hriat pawh thain ka ring a. Ngaih pawimawhte pawh ar. tarlang tel tho ang a. Excise and Narcotics Department hi, hmingthar te pawh a lo neih belh tawh nghe nghe a. Excise and Narcotics an ti a. a ropui Hein ka hria a. An vei em em miin cheng tam sengin an luah hawh a, an Minister chak tak avangin Commissionariat kan nei dawn hnai ta niin ka hria a, ka kal apiang hian ding meuhin an in sak hi ka thlir thin a. lawmawm ka ti em er. a. Khu Commissionariat atang khuan ram rawngbawlna tha zawk leh felfai zawk te pawh kan nei ang tih ka ring a. Tun aia tha a Staff te pawh an in enkaw. chhoh zel a, Discipline thleng pawhin building thar atang hian ka beiseina a sang hle a ni tih kan tarlang duh a.

Tin, Demand 18-na a Printing and Stationery Department hi hei Minister zahawm tak thawhrinna avangin Mizoram kan nei ang tih pawh kan la ngaihtuah ngai loh Image Setter leh Four Colour Press ropui tak kan nei t. hi a ropui a, alawmawm ka ti em em a. Department tana tha a ni saaliah ngawt lova, hei hi kan Press mite zawng zawng Kan chanchinbu mite zawng zawng tana awlsam tur remchang leh mawihnai leh changkang siamchhuaktu tur a ni dawn a. Mi pakhatin Image Setter a nei a, hei hi chanchinbu ta'n takin an hmangin an chhawr thin a. Chanchinbu kawm mawi tak tak a rawn siamchhuak tute hi Image Setter a neih bakah Four Colour te a ni leh zel a. Tunah hi chua in nakum atang hi chuan he kan Khawl ropui tak avang hian Information ho pawh. hian Calendar mawi tak phai lamah ti tawh lo hian an siam theih tawh ka ring ka beisei a. Heng an nei hi Department fakawm tak leh chak tak an ni tih hei hian a tarlangin ka hria a ni.

Pu Deputy Speaker, Demand No. 23-na Arts & Culture hi a ni a. Ka tihrik hmasak duh chu rilru natna lam a ni a, rilru nat thlak tak mai a awm a, he Department ah hian. Chu chu Mizo Lal in leh Zawlbuk loh Mizo Lal Upa in a kang fai vek mai saw a lungchhiatthlak hlein ka hria, hmaniah ka va en a, a hmunah ngun takin ka en a. A kang na em em a, a ruhrel saw cement ni tahsela, a kan nat avangin rin leh tlak turah ka ngai lova, engtikah nge ni ang Zawlbuk kan neih leh ang, han hmuh mai turin Mizo Lal in te Mizo Lal Upa in te ka ti a, hei hi erawh chu, keimahni Mizo kan thalai te hetiang kan pi pu te sulhna, a ziak a kan chhiar kan mit a kan hmuh phak tawh si loh kan mitthla pawh. kan mitthla thiam tawh loh sawlai Typical Village a rawr lang an bo ta saw engtin nge kan tih ang tih hi ngaihtuahna lian tak awmin ka hria a. Pawi ka ti tak tak a. Amaherawhchu,

Minister zahawm takin hemi kawng hi chu dapchhuak thiam turah ngai ta ila. He Department hi Department lian lo tak a ni chungin Hnam Inpumkhatna leh in nelna hnathawktu ropui tak an ni a. Keimahni State chhungah mai ni lovin kan chhehvel State a kan Mizo hnahtlak teah leh State dang dangah pawh kan Mizo nihphung lantirtu a ni a, anmahni chauh hi a ni Mizozia lantirtu Department chu a ni. Department dang an awm thei tawh lo a ni. Chuvangin heng zawng zawng hi he Department in a chak tak leh tha taka kalpui zel hi a duhawm hlein ka hria a ni.

Pu Chairman Demand 24 -na Health Deptt. ah hi chuanin ka thian te sawi kha ka ring deuh mai ang a; a lawmawm lam han sawi ila; hei Health worker te Deptt. in in bial ami te ngei niin kan ti a, tukin ah te pawh appointment kan Minister zahawm takin a pek thar hmel te kan han hmu tan a, an lawmthu min hlan a, chu chu kan Deptt. hotute hnenah kan hlan leh chhawng ni sela. Tunah hianin thil lawmawm tak anihna chhan chu Khawbung Constituency ah khianin PHC building sak puitlin vek tawh mai han luah mai theih tur hi an nei a, building tha tak mai, khi khi an luah thei tep ang tih te hi kan ring a. Nizan leh tukin thlengin telephone kan dawng reng mai a. Health Minister Demand sawiho tur a ni a kan PHC kha engtikah nge ni a ng amah ngeiin rawn hawng selangin, hei sial kan kan vulh a, a ki lah chu a tha ropui mai leh nghal a, an ti a, chu chu an in ready hle mai a ni a. Chuvangin he building Sesih a awm khi kan lo sa tawh law law si a, hei hi erawh chu tlansan chi ah ka ngai lo, kan tlansan lo turah hei chu mipuiin kan ngai nghet tlat a ni tih kha kan tarlang duh a.

A tawp berah chuanin Deptt. pawimawh tak leh kan sum Bel lo ni ta hian Demand No.8 na Taxation Deptt. hi a ni a. He kan House a Member zahawm tak te puitlin na hi a lang fo thin in ka hria a. Chhiah chi hrang hrang kan han la a, kan han sawi nauh nauh thin a, amaherawhchu, a tawp tak takah chuanin passed pui duh lo khawp rilru hi tuman kan pu ngai lo. Enga ti nge kan tih chuanin he Mizoram hian chhiah chi hrang hrang a lak ve loh chuanin, tun aia tam zawk a lak loh chuan kan Budget in a tuar thei dawn a ni tih kan hriat phak vek avangin. Mipui te hriatah ngaihthlak nuam deuh hlek zawk te pawhin chhiah tihpun reng reng chu a! kan han ti thin a, a dik rual rualin kan ram hianin chhiah tam zawk kan lak zel lo a pawl thei a tam tawh tawh avangin hei hi chu kan House in a pawm a ni. Chuvangin tunah hian a zat te ka sawi thei mai lo nagin he Taxation Department in a VAT leh chhiah chi hrang hrang an lak atanga an sum khawlkhawm tam tawhzia leh an target an han pel zak zak dan atang hianin an Minister pawh hi a in pek zawhna te a sangin ka hria a. Tin, inkhel a'n thiam leh zel te hian a ti fit zual

a. Chuvangin helai Member awm chin ngat hi chuanin eng game emaw tal hi chu kan thiam tur a ni. A chhan chu nilengin kan thu a, kan chau hnup mai thin a ni. Eng game emaw tal kan tih chuan kan harh leh vak thin a ni. Chuvangin chhiahkhawn tak tak tur chuan concerned Minister a fit a ngai. Chuvangin he Department ah hian chu thu chu tihawp ka duh a, kan ramin chhiah chi hrang hrang a lian/te deuh pawh kan lak hian min tih ang kan ti a ni tih leh tunah chuan a neitu tak tak kan nihna a lang e tih kha kan pawm dan ni zel se ka duh khawp mai. Tun kan Session chhungah pawh Bill dang pawh kan la hmu leh mai thei chhiah kumpang hawi mahse tlem te te a ni ang. Mahse, tlem te te lak khawm khanin tak kan sum bel hi a ti lian a, a ti nuam a, Central dawrtu tan khan a thlamu in thlak in hna tam tak a thawk a ni. Chuvangin he Taxation Department hian kan ram a timawi a, Mizoram mipui zawng zawng hi neitu in ni e tih nin hriattirtu Department an nih avangin an chungah lawmthu sawi ka duh bawka a ni. Chuvangin Pu Chairman he Minister pathum Demand te hi lungrual tak pass a thain ka hria. Ka lawm e.

PU LALJINLIANA SAILO

: Pu Chairman, ka lawm e. kan ram tana tha tur nia kan ngaih kan sawikhawm a, Demand No. 23-ah hian Arts and Culture ah hian kan

kal ve nghal tih ang. Mi pang a velin Art & Culture pawimawhzia kan sawi a, a dik ka ti a. Amaheravhchu, thu hi tisa a chan a ngaiin ka hria a, pawimawh ka hriat ka ngaih pawimawh em em mai chu kan Mizo rohlu pipu atanga kan hnam ro te hmalakra kawng hrang hrangah chuan a pawimawh pakhata ka hriat a chuan Library hi a niin ka hria a. Mithiam ram kan in ti a Library percentage pawh a sang a ni. Mizoram hi, kan Minister zahawm tak hi mithiam a ni bawka, Library building ding luah mai hmuh tur a la awmlo hi a pawi hlein ka hria. Hei hi kan tlakbalna niin ka hria a, a pawi ka ti tak meuh meuh a, kan hriat ve theih chinah chuan Library hi kum 50 vel emaw zet zawt Mizoram hian a lo hmel hriat ve tawh a. Tin, 1003 khan he House ah ngei hian an Arts & Culture pawh passed tawh a ni. Mahse, an pawimawhna te kan han sawi a. Arts & Culture te kan han ti a, a tak hi kan chantir leh lo thin niin ka hria a. An Arts a hi mithiam Minister kan nei bawka, tih puitlin sak rang ve nise a thain ka hria a. An Arts hi lo tipuitling ta ilang chuan kan member zahawm tak tak te han sawina hrang hrang te, thuziak literature ah te hma kan sawn ang a lehkhabu te a lo pung an, a. Tin, tawngkhat hmangin inpumkhatna atan kawng tha tak anih ka ring a ni. Hnam hrang hrang awmkhawm kan ni a, khawimaw laiah

chuan mahni tawng han hman tlatna te pawh a awm a. Mahse, thuziak mite an lo pung chungin hma la chhova Library atangin District tina sub-District ah te pawh han hawng ta zel ilang chuan chungah chuan mithiam leh zirlaite pawh an tlan lut ang a. Chu chuan kan inpumkhatna leh kan in unauna tha zawk pawh hi a chhuah ngei ngei ka ring a ni. Tin, Arts and Culture Department hi Department pawimawh ka ti tak meuh meuh a, chutih rualin Budget a lian theilo hi pawl ka ti em em a.

Pu Chairman, Planning Commission te, Finance Commission te kan sawi thin a. Finance Commission in a 12th Finance Commission pawh hianin heritage conservation ah hian cheng vaiblechhe nga kha India Hmarchhak - ah an rawn dah dial ni khan ka hmu a, an Commission Report ah pawh khan State hrang hrang an han thawhna an pipu rohlu leh an thil hlu te, vawnthat sak ngai tam tak a awm avangin, tiin Cheng vaibelchhe nga diat diat kha min pe a, keini pawh hi cheng vaibelchhe nga kha min pe a ni a. 2006 atanga tanin chutiang chuanin kum khatah vaibelchhe khat leh 25 kha kan hmuh tur niin ka hria a. Chungte chu, tunah hian hmuh a ni em? Khang atang khan Library kan tih angte kha han develop ta ila, a that ka ring a. Arts & Culture te pass-in. Tin, ka thinlung hneh deuh mai pakhat chu, hei kan Minister zahawm tak hnenah hian ka sawi tawh a. Lungtan ah khian hmanlaia mi lu an khaina a la awm a, hei hi min chei sakin emaw, hma min laksak la, ka ti a. Ni e, a ti a. Tin, khimi Khawhai khua tlangah khian mak deuh main hei, kan House hi information kan pe ang a. Kan hriat dan leh kan chhut danin, Mizorama milu lak tawpna hnunung ber hmun kha a awm tlat mai a ni. Khimi Khawchhak lam. Burma lam Pawih hoin Chawngtlai an zuk run dawna, Biate ah an chawl a, tahchuan, Biate Lal khan khaw thenawmte hmangaih, e khai, tiin a lo ti khawtlai a. Vawk a lo talh a, tichuan, palai lam kal a tir ta a. Chawngtlai ah, "An rawn run dawn a che u, khai", an va ti a, tiang chuan an lo inring a. Chawngtlai pasaltha ten Khawhai khua tlangang khilai Pawih thah kaw'n an tihah khian an lo chang ta a ni. Tiang chuan, a milu lakna hnunung ber incident khatiang issue hnunung ber kha niin ka hre nghe nghe a. Khingte khi, hei Typical Village te pawh kan han sawi a. Tunah ka hmaa miten an sawi a. Sawlai pheia Muallungthu a awmna saw an kang ta hlauh a, a pawl hle a, chutih rualin a phuah chawp ang zawng leh hmanlai chuti khati, tih ai khan. Chutiang anga History bulbal tak neiah chuan, Typical Village te khan han din ta ilang chuan, sap hote leh tourist hianin a fact and figure hi hetiang thil hi an ngaihsan zawng a ni si a, a hlu hlein ka ring a, kan ram rohluah pawh kan chhuah theih ka ring a. Chuvang chuan, heritage conservation a pawisa awmte pawh hi hman a tangkai theih ang em? tih kan sawi duh a ni.

Tin, Pu Chairman, Health Deptt. ah han kal leh lawk ila, ni e, hei kan Minister hi ka hrilh thin a, kan bial chungchang, Sialhawk ah damdawiin sak a ni a. Kan Speaker zahawm tak kalchhuak ta khan a hawng a. Ama kutkawih a ni nghe nghe a. Enge a chanchin kan ti thin a. Amaherawhchu, kan Minister hian fiah takin min hrilh a. Ka hmin angreng a. Doctor dah leh tur angte hi chuanin ka nawr lem lova. Amaherawhchu, building chhia zel mai, enkawl loha khatianga awm chho khi chu bal lutuk ang chi hi chu a repair emaw leh a enkawl dan hi chu awm ta se, khami pawisa tam tak zinga cheng nuai sawm tam senga saka enkawlzui anih loh mai bakah develop anih lohna chu thudang ni tase. Khitianga an bal chhe zel mai a hi hmuh a nuam lo hle mai a tih kha kan sawi duh a.

Tin, kan Member zahawm tak dangte pawhin an sawi tawh a. Hei thil han sawi ila sum a awm lo tih hi min chhanna tawi a ni mai a. Twelfth Finance Commission Grant khanin keini hi min pe ve nual a, cheng vaibelchhe 218.87 min pe a. Nagaland kha 376.08, Meghalaya kha 376.34 a ni a. Hei kumtinin year-wise in a rawn ti diat diat a. Hengte hi thil a harsatna kan han sawi a, Health Worker an ti a ni emaw Sub-Centre a ni emaw khatiang hrang hrang kan han sawi a, sum awm lo kan han ti a, kan han hnar zel mai hi, tuna Twelfth Commission Finance Report ina order min pek khami hmuh loh zingah khan a tel ve em ni. Tin, Health Department hi chu a pawimawh em em mai a. Hei hi chu a nawr natna lai turahte pawh khan tang ta se. Unstarred Question a kan lo hmuh danin cheng vaibelchhe za chuang kha kan hmuh tur ang kha kumin khan kan hmu lo tih thu kha ka chhiar a. Chungte chu Health Department ahte hi chuan a pawimawh em mai a, tih thu ka'n sawi duh a.

Tin, hei, tunlaih hian hmasawna lampang kawng aniin ka ring a. Private clinic ti mai ila, private damdawi in kan han ti fo ta mai a, a tha em em a, a thatna tam tak a awm a. Amaherawhchu, chutih rualin Pu Chairman, a thawkate hi, hei kan hriat danah chuanin, hmannah mi pakhatin min hrilh a, sawtah Civil Hospital-ah khan min zai thei si lova, helaih hian hei mi lo zai leh mai dawn em ni a ti a. Ani chuan ka Sorkar kawng a na a ni e, a ti e, a ti a. Khatiang deuh hlek khanin a Civil Hospital, mirethei leh harsa zawktena kan pan luai luai laia hi tlema kan mutthluk san deuh hlek kha a hlauhawm ang tih ka hlau a. A lehlamah chuan a thawktu Doctor te leh hnathawktute hi an zahawm em em a, Civil Hospital pawh hi hei Kawnpui bialtu nen hi chuan a kal tam pawl kan nih ka ring a. Hospital fai tak kan neite saw a fakawm ka ti hrim hrim a. Chu chu kan sawi duh a ni.

Tin, hei ICICI chungchangah
khanin Pu Chairman, hun a tawp a, word a va laklawh ve, min hrilh tam em mai
a, helai hi, (Chairman : Ngawi rawh, minute hnih velin i pel tawh). Chutimaw,
anah aw, Ka lawm e.

PU LALTHLEGLIANA

: Pu Chairman ka lawm e. Hei
Demand No. 24-na Health & Family
Welfare Department ah hian tum lut
nghal dawn ila, chumi hmian a

changtu Minister zahawrn tak hi a chungchang han sawi kai lawk ka duh a. Ani
hi kan Cabinet Minister zingah pawh mi fakawm tak a ni a, Home a chan lai te
PWD a chan lai ten kan hria a, a hmalakna hi a tha viau a, tuna Health
Department, Social Welfare a changte pawh hi a fakawm hle a, engemaw mai
mai thilah hmanni khan vanduaina te an tawk ve a, pawl ka ti a, zahthlak pawh
ka ti a, Office kal tur dan te an ni a, a bul maiah Motor kangte a awm a, huan
leh ram chhete a nei ve a, chungte chu a thla te zuk lak a ni a, a dil a sangha
te hraisak an ni te, tin, a ram pawnlam ami a electric pawh luh vena Transformer
bomb an ni te kha a pawl khawp mai a, hetiang thil thlang hi han ngaihtuah
hian enge a chhan ni ang aw tih ngaihtuah thamin a awm a. Pu Tlanga kan
Minister zahawm tak hi tunhma MVI ah te lo thawk tawh Work-shop nei hlun
chhungkaw reithe ngailo tak an ni a., Vawiin niah pawh hian Department hrang
hrang hian an work-shop bill te an ba nasa khawp a, Lengpui Airfield
Compensation kha Rs. 46,80,000/- a la ve a ni, tin MLA ah term nga a lo tling
tawh a, term hnih a Minister tawh a ni. Sairang, Sihmuia Pu Palaia Picnic Spot
ang vel khu chu neive rual chu niin ka hria a, heng angte kan han ti kan han ti
te Computer Age ah kan awm tawh a, kan tleirawl lai chuan Aizawl khawpui a
cycle a kan chuan pawh hian kanin duh viauva, tunah chuan kan High School
naupangte Car in School an kal tawh a ni. Tin, kumkhat atana thingtuai ban
siam thlam kan sa ang mai mai te, permanent a in settle kan duh chuan thlam
pangngai deuh kan neih te pawh a ngai a, hetiang anga ram leilunga kut nghah
kan tum chuan ram hruaituten mipui te kan tihhmuhna tur kawnga hma lakna thla
te kan in laksaka T.V. a kan han in entira namen lova kan han inti zui te hi a
hahthlakin a puitlin loh thlak ka ti a. Hei keini te pawh thla an lak chuan kan
thlam bang dap bang a chhuat pawh thingphel pawh phah zo mang lova ka dah
te pawh khu thla han lak chuan a mawi viau a ni. Chutiang ang te namen lova
kan han inti hi chu a vanduai thlak ka ti a. Tun hnuah hetiang thil hi awm tawh
lo sela, ram pawl tak tak thil ni mang lova ti tak mai a kan inti thin hi a pawl
hle in ka hria a ni.

Tichuan hmalakna hemi Health Department chungchangah pawh hian a ropui hlein ka hria a, PHC atangin CHC ah damdawiin te tam tak dahkan chhoh a ni a. Tiang chuan CHC te DHO ah dah kai a ni a. Hei ka bialah Mamit te Lengpui te PHC thin kha CHC ah dah kai a lo nita a. Chutiangin CHC damdawiin MAMIT TE PAWH District Hospital ah hlankai a lo ni ta hi a ropui ka ti a ni. Chutih lai chuan min hriatpuia ka duh chu Lengpui Hospital te khu mawi tak leh tha tak maiin min sak sak a. Hmun dang amite pawhin min thik hial a ni. Kan chhuang viau a, amaherawhchu, a chhungah CHC anih ang turin engemawh function a la ni rih lo hi min hmanhmawh sak thei deuh sela. Lengpui Airfield a ni a. VVIP te pawh a VIP dang te pawh khulai Airfield ah Foreigner te pawh damlo thut thei an ni. An tlan luhna hmasak ber tur chu Lengpui damdawiin anih avangin Doctor pakhat emaw lek dah a khum te pawh a awm tur zat la awm lo a khu a rang thei ang berin up-grade a ni tawh rau rau min tihran sak sela kan duh khawp mai a ni. Tin, Mamit te pawh District Hospital a lo nih tawh avangin anih tur angina changtlung taka min dah sak vat vat hi a pawimawh hlein ka hria a. Nichinah khan Kawrthah bialtu zahawm tak khan a rawn sawi tawh a. Khulai khawthlang ram khu sikserh tamna hmun a ni a, natna chi hrang hrang ten a min beih reng kan nih avangin kan chhangchhe hle a. A bik takin khawthlang rama damdawiin awm chhun a hi min ngaih pawimawh sak turin kan ngen duh a ni.

Tichuan, hun hi a tam loh avangin sawi puat puat ila Demand No. 18-na Printing and Stationery ah han lut zawk ila. Heng Printing and Stationery ah image setter te, colour offset Printing Press kan neite hi hmasawinna ropui tak a ni a. Hetiang anih chuan kan duh angina engkim mawi tak takin Calendar te, thildang dang lehkhabu kawm te pawh siam theih a lo ni tawh dawn a. Hei hian hmasawinna ropui tak anih ka ring a. Hei tunhma atangin a changtu Minister zahawm tak hian a sawi thin a, kan nghakhlel hle a. Reiloteah kan nei ta mai hi alawmawm hle a ni.

Chutiang chuan Demand No. 35-na Fisheries Department ah lut leh lawk ila. Ka bial chhungah tam tak tanpuina pek an ni a. Dil nei pha ngai reng renglo leh kutthlak ngaihna hre lo, Dil tur tha tak tak nei site. Khatiangte khan tanpuina an hmu a. Tunah khuan tanpuina an hmuhin sangha pawh an dah ve ta a ni. Chutiang chuan kumin maiah pawh khan an sangha thar pawh min rawn pe ve a, alawmawm takzetin ka hria a. Hetiang hian nasa lehzuala hmalak nise, kumkhat chhungin a thar teuh mai a, tam do nan pawh a tha ber zinga mi a ni. Aieng pawh hi a tam tak tak chuan sazu hian a dit tho mai a. Mahse a ei tam lem lo sangha erawh hi chu a ei dawn miah lo. Chuvangin, hengte hi uar ila a tha hlein ka hria.

Tin, Taxation chungchangah hmasawna nasa tak a awm a, ka bial Mamit-ah pawh min dah sak a, tunhma a khulaia engmah Sorkarin hlawkna an neih ngai loh kha vawiinah chuan nasa takin hmalakna an nei chho a, Sorkar lamah chhiah nasa takin a pun phah thei a ni.

Tin Demand No. 7-na Excise Department ah hian lut leh lawk ila, khulai khawthlang ram tunah chuan hmun hlauhawm a ni ve tak tlat mai. Tunlaih sumdawng hi an fing em em a. ven lohna lam awl lam an hre thei em em mai a ni. Burma lamah leh Vairengte lamah kan strict deuh a. Jail-ah pawh hmanna report kan dawn ang khan an lenglo anih hial kha. Khatiang kha anih lain Mamit lampangah Excise lam an la awm loh avangin, khulai atangin thil tha lo a rawn lut tan viau a ni. Hemi hi a rang thei ang berin min ven sak turin ka ngen duh a ni.

Tin, Higher & Technical Education Demand No. 21-naah hian High School leh M.E. Schoolah Deficit kan ti bo a. tunah College 12 lai provincialise an ni leh turte hi a ropuiin alawmawm hle a ni. College ah phei chuan Deficit College ah hian an hlawh zawng zawngte Librarian te ang chi T.V. Grade thlengin Sorkar College leh Deficit College kha an hlawh a in ang reng a ni. Chutihlaih chuan Sorkar lamah pakhatmah rawn tihluh an nei lova, an GPF te pawh thlatin an pekluh apiang a kha Sorkarin 8% a lo tumve a, matching a kha a ngai a ni. Chuti anih chuan Deficit College atang hian Sorkarin nuai 36/- zet hi englai pawhin a seng reng mai a ni. A heksak lutuk a ni. Tunah hian pension mai tur pawh an awm lova, kum 20/30 hmaa pension turte an ni. Heng hi Sorkar tan a hlawk em em a. An hlawh zawng zawnga kha Professional Tax te leh an GPF te pawh Sorkarah a lo lut ve tawh dawn a ni a, heng chungchangte Minister concern te leh kan Chief Minister zahawm tak ten tul nia an hriat tawh a. File a an kawh pawhin henglai bawr velah hian query eng engemaw ziakin harsatna a lo awm leh thin hi a pawh khawp mai a, vawihnih lai he file hi a kir tawh a ni. Chuvangin Finance lamte leh Planning lamte pawh hian heng hi lo hre tawh sela, zia buai vak anih kha chuan Cabinet-ah a lut thei mang silova, helai zangkhai zawkna tur leh College thate a lo pian theihna tur atan he rawtna lo awm a hi a file hi khawngaih takin ziahbuai tawh loh nisela, ka duh khawp mai a ni. Vawiin nia kan Demand han sawi ho a te hi rei tak sawi a chakawm hle a. Pu Chairman, amaherawhchu, hu a tlem si a, tikhkan kan han pet lawr zung zung mai a ni a, kan han sawi chin leh kan ngaih pawimawh kha chu kan Minister zahawm takin min lo chhinchhiah sak sela, ka duh khawp mai vawiin nia Demand te hi lungual takin pass tlang ila ka duh a ni e. Pu Chairman, ka lawm e.

PU VANLALTHALIANA

: Pu Chairman, ka lawm e. Hei vawiin niah kan Minister zahawm tak tak pathum te Demand kan sawiho a ni a. A pawimawh hlawmin Sorkar beih nan kan hman thin, Health Department te a ni a. A bik takin Health Department ngat phei hi chu. Vawiin niah hian a pawimawhna a lang tan dawn chauh niin ka hria a. Bul tan nan ka han hman duh chu, Demand no. 11-na S.A.D. hi a hi a. Mizoram sorkar kum 30 chuang a kal tawh hnuah Office engemaw zatin mimal In luahin Office an la kal a, chutiang dinhmun a kan din lain Secretariat Building tha tak mai New Capital Complex a buatsaih a lo ni hi lawmawm hlein ka hria a. swami saw luah hman a lo nih theihna tura kan Minister pawh hian tan a lak hi a thain ka hria a. Chu chuan Department tam tak mimal in luah sum leh pai tul lova tam tak kan senna a tihbo ka ring a, sawtianga building tha tak mai kan han nei chho saw alawmawmin ka hria a, Sorkar hmalakna hi ropui ka ti hle a ni.

Chuan a dawta kan sawi duh chu Demand No 24-na Health and Family Department ah hian tun kum 2,3 kalta chhung hian hmasawna Department pakhtatah chuan atam ber awm mang e aw tih tur hi a niin ka hria a, hmasawna tam tak kan hmu a, hmanraw chi hrang hrang leh in enkawl na tha zawk te, damdawi lampang harsatna chungchanga changkang leh tha zawk tur te Department leh a changtu Minister zahawm tak thahnem ngaihna avangin nasa takin hmasawna kan hmu a alawmawmin ka hria a. A hminga MLA han nih ve chuan Pathianni hi damdawiin tlawh nanah inkhawm ban te chuan kan hun hman dan tlangpui a ni a. Chuvang chuan kan awm chhung ringawt, hemi kum 3 chhunga damdawiin Civil Hospital ina hma a sawna te han hmuh hian Department hmalakna hi ropui ka ti em em mai a, tunah sawn saw casualty tur te niin ka hria a, building a ding ut mai a. Hetihlaja kan ngaih pawimawh em em mai pakhat a chu Cabin Room 12 chauh kan nei a, Mizoram pum kan khawpui bera Cabin 12 chauh mai kan han nei saw Sorkarin ngaihtuah belh thei se a tha hlein ka hria a. Damlo tlema natna dangdai deuh te, enkawl harsa deuh te chuan Cabin kan beisei fur mai a, chan pawh a har em emin ka hria a, saw saw tih belh dan te emaw, sak belh dan te ngaihtuah nan te emaw awm thei sela a that hle ka ring a ni. Chulai chu ka'n tarlang tel duh a. Tin, Mizoram hmun hrang hrang damdawi in tha tak tak engemaw zat sak a ni a, keini Lawngtlai ah pawh engemaw zat sak a ni a, tunah pawh hian sa tura ruahman chhoh a ni a. Nikum a kan Resolution ang khan Lawngtlai District Headquarters, Lawngtlai hmun ami, CHC kha District Hospital tura up-grade a lo ni chhohna hmalakna te kal chho mek a, lawmawm ka ti a, hetihlaja kan tarlan ka duh em em a chu khawi hmunah pawh natna khirh tak tak kan tawng theuh mai

a. Medicine Specialist kan neih ngai loh, 2005 kum khan sorkar in a rawn dah a. a fel khawp mai a, nipi pawhin kan duh a, kan lawm tak zet a. hetiang Doctor tha leh fel min dahsak tu kan Minister chungah lawmthu bial aiawh pawn ka sawi duh a. Kan hnung deuh lai khan Saiha lamah an sawn dawn emawni le. tih thawm kha a lo ri deuhva, kei ka hre lova, MHIP, YLA, LWA te khanin kawng kan zawh ang an ti a ni. Chutiang khawpa Doctor tha min pek avangin lawmthu ka sawi a ni.

Tin, kan doctor te leh kan Nurse te hi tunhma zawng zawng ai khan an felin an tha ta emawni aw ka ti a. Chhim lamah Serkawn ah sawn Christian Hospital kan nei a, tunhma kum 10 liamta khan chuan Civil Hospital Lunglei a kal ai chuan hmanrua nei chhe zawkin thalo mahsela, Serkawn pan kha min an duh deuh vek a ni a, service that vang niin ka hria a. Tunah chuan kan Civil Hospital zawng zawng hemi Sorkar damdawiin zawng zawng hi Doctor te leh Nurse te a thawktu te reng reng an tha em em mai a, Serkawn ai mah sawn Lunglei pawh saw a hlu ta emaw tih tur khawpin hmanrua te a lo tha ta zawk a, pan a lo ni ta a. Hei hian kan hnathawktute ah hmasawna tamzia a tilangin ka hria a, a ropui ka ti em em a, kan tarlang tel leh duh bawka ni. . Keini hi damdawi lamah ka sawi fo tawh angin, a harsa leh a hnufual, ka sawi ang khan Mizoramah natna chhe bera phar te pawh an tam a. ka bialah khuan. Nikum November thlaa bial ka zuk tlawh khan khaw hnihah phar ka hmu a. Enga nge in in report lohva ka ti a. Khawiah mah kan kal chhuak thei lo alawm an ti a. Vanneihthlak takin Lawngtlai ka lo thlen khan kan CMO nen kan inkawm a, ka hrilh nghal a. Kan hre nual asin mawle kan hriat a ni ang em aw a ti a. An hmingte min pe tih a ti a. Hming te ka lak vek avang khan, kan pe a. Hei hi ka lo la hriat miah loh alawm mawle a ti a. Chutiang khawpa, Medical Facilities mamawh kan ni a. Lawngtlai CHC (Community Health Centre) tunah Hospital angin an up-grade a, bawhzuina tak tak hman pawh a la awm lova. Hetih ruala ka'n sawi duh chu Bungtlang South, hemi Chawngte Chhim lam zawng zawngte nena cover, mihring 20,000/- bawr enkawltu, PHC khum 10 awmna saw CHC talah min upgrade sak thei lawm ni? tiin kan Minister zahawm tak hi kan ngen duh a. Wind up naah te kawng a awm theih chuan min ngaihtuah sak se ka lawm hle ang.

Tin, tuntuma lawmawm em em a ka hriat chu Private Hospital Mizoramah engemaw zat a lo ding chhuak a, a ding leh zel dawn niin ka hria a. Chumi enkawlna tur bill tun Session chhunga lo lut a hi lawmawm ka ti a. 2005 kum khan Lawngtlaiah Lairam Isua Krista Baptist Kohhran ten damdawi In an hawng a. Theihtawpin tan an la a. Recognition, approval te pawh an dil a. Hei thui tak a thleng tawh a. Nichinah pawh khan Health Department hotu ten min hrilh a, lawmawm ka ti a. Chutiang ho enkawlna tur bill mumal taka, Private Hospital te enkawlna tur bill lo lut ta hi lawmawm ka ti tak zet a ni.

A dawt leha kan sawi leh duh chu Social Welfare Department hi a ni a. Department langsar viau ni thin hi, a langsar ta lo riauin ka hria a. Leh lamah chuan hmasawna lo kal that tak deuh vang pawh niin ka hria. Nu nau pai leh naupang chaklo tak tak enkawl thintu Department a ni a. Thingtlang chuan kan hman tangkaiin, an damdawite pawh hi tha bik hle a ngaihna kan nei hialin ka hria. Hei aia changtlung deuha thuam dan awm thei sela, tha hlein ka hria a. Chu bakah nu leh naupai chang nilovin, thalaite mamawh, chhiatni thatni mamawh no te, eng emaw a chang changing a sem thin a. Saiha bialtu zahawm tak leh a ni'n kan dawng ngai lo a ti a. Kei pawhin ka dawng chuang miah lova, vawikhat mah. Amaherawhchu, khawimaw lai lai remchangah an lo ti thei hi lawmawm ka ti hrim hrim a ni. Tam zawk leh tangkai zawka hman anih theihna tura tihpun theih nise a lawmawm hlein ka ring. Chulai chu ka'n sawi belh duh a ni.

Pu Speaker, hun a rei silova, ka kal tawp tawp mai ang a, hei Demand No.6-na Land Revenue and Reform, Land Revenue and Settlement tih a ni emaw ka ti a. Tuna List of Demand an rawn pek takah hian Land Revenue and Reform tiin a lo lang ta a. Mizoram In hmun lo rama kan buai nasatzia ka chhut hian, tuna he Department-ina in hmun lo ram Computer record an siam ta hi hmasawna pawimawh tak niin ka hria. Sorkar ina tan a lakna hi dik hlein ka hria a. A dik a dik chuan. In hmun leh lo ram Aizawl te leh Mizoram khawpui hmun hrang hrang kan ngaihtuah dan ka chhut hian, kan rilru zawng zawng hi ramah hian a awm elo maw ka ti thin a ni. Kan buaipui em em in ka hria a ni. Kan buaina tam ber, ramri chhete te chungchangte hetiang record mumal tak kan neih chhoh chuan, chinfel zung zung theih anih tawh ka ring a. Khawpui chhung leh thingtlang deuh hmuh pawh in hmun pek thuah te, hming inthuah te pawh a bo chhoh te pawh ka ring a. Sorkar tanah hun lokal zel lturah mipui tanah kawng tha tak a niin ka ring a. Hei hi lawmawm ka ti tak zet a. Ka han sawi duh a, chak zawka hmalak anih theihna turin kan Minister zahawm tak leh Department in tan la se a tul hlein ka hria a ni.

A dawt leha ka sawi duh chu Demand No. 8-na Taxation hi a ni a. Chhiah han tih hian a na duh khawp mai a, mipui rilruah leh vantlang nunah hian. Amaherawhchu, thawhchhuah nei lo leh engmah ti ve lova kan awm chuan a dawt leha kan hmabak chu engmah neih loh tho kha a ni. Chutiang dinhmunah Sorkar rei takin kan lokal tawh thin a, chawmhlawm kan ni tih kan sawi thin a. Chutiang dinhmun atanga awmze neia Department Taxation kaltlanga, chhiah chi hrang hrang mipui tana rit lutuk lo tura ruahmanna lo chhuak hi thain ka hria a. VAT kan hmangte hi kei lawmawm

ka ti a ni. Lehlamah chuan hmantirh leh bultan kan ni a, harsatna leh buaina deuhthe, duhthusam lo lai lai leh khawimaw laia complain tur tam tak a awm ka ring Chu chu bill kan nei ka sawiah pawh khan ka sawi dan a ni a. Amaherawhchu kan ram Sorkar kal se, thang se, hmasawn se kan ti anih chuan chhiah chawi hi chu a tul hrim hrim. VAT kan hman atanga Sorkar Revenue lo pung ta kha kan en chuan cheng nuaih 4000 chuang a ni a, a ropui hlein ka hria a. Amaherawhchu vai rama thil chhuak kan lei atanga thil tlema hnawk awm thin kha, Member zahawm tak tak te khan an sawi tawh niin ka hria a. Achinfel dan tur erawh chu kan Minister zahawm tak leh Department hian tan la deuh se chu tha hlein ka hria a. Hmun danga motor te, thil pawimawh te lei lova, Aizawl kan khawpui chhung atanga VAT Revenue kan chhawr theihna tur atana lei hram hram tum nise, a tul hlein ka hria. Keimahni tualchhunga kan lei chuan keimahni Sorkarin a hlawkna mipui tan a tel dawn a ni tih kha a tarlang chiangin ka hria a. Minister leh Department in tan la deuh se ka duh hle a ni.

Hei Demand No. 18-na hianin four colour of Printing Press thar kan han nei hian Printing Industry-ah hmasawanna thui tak neiin ka ring a. Tunhmaa Synod-in a neih kan intawm luai luaia kha tunah chuan Sorkar Department Printing & Stationery in an lo neih tak siah chuan tangkai zawk leh awmze nei zawkah a tan pawh ka ring a. Kan chanchinbu mite hetiang lama thawktu zawng zawngte tanah hlawkna tak thui taka thlen ka ring a. Khang kha ka tarlang tel duh a ni.

A dawt leh a ka sawi duh chu Demand No. 35-na Fisheries hi a ni a. Agriculture and Allied Sector zingah Fisheries hian ngaihsak a hlawh lo deuh emaw ni chu aw tih hi ka ngaihtuahna a ni a. Mizoramah hian Potential kan nei thain ka hria a. Tin, Sangha dil te enkawlina tur atana mil deuh thawin kan rama awmin ka hria a. Chutiang anih lai chuan Fisheries hian ngaih pawimawh a hlawh lo deuh chuan ka hria. Lehlamah chuan thahnem ngai a tih te chuan hlawhtlinnan an hmang deuh zel a ni Fisheries ah hian. Chutiang kawng ka ngaihtuah chuan tun aia pawimawh a enkawl dan awm se tha hlein ka hria. Sum leh pai pawh Budget ah dah tam theih deuh nise. Agriculture, Horticulture leh Sericulture leh Fisheries te hi chu Zofain a kan hnathawh thiam zawng leh hahdam tana eizawna ngelnghet kan neih tur kawng niin ka hria a.

Fisheries Training hmanni a ka tel vena ah chuan, Andhra Pradesh atangin sangha kan la tam deuh ber a, an rama an tehnan chuan a chi pawh hi an pe tam a ni. Keini lamah chuan a nung ang nge nung nung lovang tih ang te a chi ah kan in pe a. Awmze nei tham a lian deuh hi a chi ah in pek theih nise alawmawm hlein ka ring.

Tin, Excise & Narcotic ah. Hei Mizoramah District 6 ah Office mumal takin an nei a. MLTP Act te kan hmang a. Kan hriat angin Drug avanga thi pawh kum hmasa aiin kuminah kan tlem a. Hetiang a kal chhoh chuan kan tlem zel a beisei awm a. Kum thar lamah hian ruahmanna ang chuan Mamit ah hawn belh tum niin ka hria a. MLTP Act Chhimtuipui District Council Area a kan hman loh avangin Lawngtlai Executive Member Office - ah dah a tul lo deuhin min ngai a. A dik tho a ka hriat lain Mamit dawt-ah chuan hawn theih hram se tha hlein ka hria. Lehlamah chuan, ka han sawi belh duh chu, District Council Area anih avangin ngaihtuah kan hlawh deuh tlatin ka hria. Department tam takah hian. Hei hi pawl ka ti a. Hei Geology & Mining atang phei chuan District Council Area ah quarry permit an pe ve tawp a, 6th Scheduled a kalh a ni tih question ah pawh ka zawt a, a la chhuak lova. Chutihlai chuan, District Council behchhana min danna tam tak hi chu Sorkar hian a ngaihtuah that tulin ka hria. Chuvang chuan, Excise & Narcotic Office pawh hi min hawn sak ve se ka duh a.

Pu Speaker, College engemaw zah Provincialised an ni tur hi alawmawm a. Hei hi Sorkarin a ranglama a tihpuitlin pawh ka duh a ni. Kan Ministers zahawm tak tak te Demand hi House-in lungrual taka kan pass ka rawt e. Ka lawm e.

S P E A K E R

Pu Liansuama lo sawm ila.

PU LIANSUAMA

: Pu Speaker, hun min pek avangin Ka lawm e. Ahmasa berah chuan Health Department ah hian lawmthu thiante sawi kha ka thlawp vek a.

Keini bial khawthlang kilhawrah pawh PHC building te, Health Sub-Centre building te kan nei tha ve ta. Hei kum tharah phei chuan staff in min thum dawn tih thawm te kan hria a, kan lawm hle a ni. Hetihlai hian ngaih pawimawh deuh ka neih chu, tunlai kan Kohhran Presbyterian in a fa nei tam tur a kan in zirtir leh ta hi. He Family Welfare policy hi a inkalh deuhin hriatna ka nei a, engti zawnga sawi rem tur chu ka hrethiam lova. Khatla Biak-in a inneih inkhawma kan tel ve tumin inneih tirtuin fa titlem zawnga tan late in Pathian malsawmna an beisei thei lovang an tih phei chu inkhawm kha a tinuam lo hialin ka hria a, chuti em em tur emaw ni chu aw, ka ti a. Kan Minister te leh Department a kan hotute hian engtia kal zel tur nge kan Kohhran policy leh Family Welfare policy hi an insu deuh tlatin hriatna ka nei a, hei hi kan kal zel dan tur atan a himlo tawn tawna hriatna ka nei a, chulai chu kan sawi lawk a ni.

Tin, Higher and Technical Education hian an ti tha khawp a. Han belh hlek ka duh chu, kan lehkha thiam te hian All India Service Exam turin tan an la a, chutah inziak tlingte hnenah chuan incentive cash award pek an ti thin a, hei hi pek belh chi a ni a. Tin, chubakah chuan, kan lo hriat danin he Department hianin Higher and Technical Education Department hian kumin hian cheng nuai thum vel zet chu chutiang cash incentive ah chuan an lo seng tawh a, alawmawm khawp mai a. Tunah hian Mizoram chhungah coaching class neite an awm mek a, heng hi a ti phuisui a. Tin, Pachhunga University College ah nge remchangah te hi chuan Private in an tih mai piah lamah hian Sorkarin hmalak a chi ve lawm ni ? tin Mizoram pawna coaching class Mizoram Sorkarin a recognize turte pawh hi en a chung a kalte phei chu Scholarship te nen tanpui hi a tha ngawt ang. Mizoram chhungah Sorkar hna kan inchan tawh lova, lekhathiam kumtinin an pung tial tial a. Central Service ah a bikin All India Service ah phei chuan Mizo nula leh tlangval tling an tlem tial tial a, hei, kan Secretariat-a min khaitu I.A.S. Officer te pawh hi tunah chuan kan State Cadre ami phei chu kan nei tlem tawh hle a, an senior tawh hle a, junior a inchawm chho tawh hi kan nei tawh lo lehngal a. Chutiang zelin Police Service ah pawh a ni a, hetah hian kan tu leh fate ina an el ber chu tribal tunhma chuan kan sang thin a. India ram Tribal-ah kan sang filawr ta bik si lova, chuvangin Sorkarin thapui thawh a ngai a. Tin, chubakah chuanin Central Secretariat ah te Railway ah te Income Tax ah te Mizo fate hianin chance kan ngah em em a. Chumi atan chuan coaching college kan ti dawn nge ni kan University hian coaching class hi fawmkem sela, tunhmaa NEHU a awm thin ang chi kha tharthawh leha Mizoram pawna kal mek te leh kal ltur zawngtea kan in fuiha tan kan lak chuan kan tu leh fate tan kan la tihna a ni ang a. Hnam angin kan hawicham ve leh thei ang.

Excise chungchangah hian tlem lai deuh khan kut hnathawktu Champhai leh Hnahlan Area atangtein an lo fehchhuak a. Total Prohibition dan hi siamthat an duh thu an rawn sawi a. Kan thian thenkhat Political Party amite pawn awm an tih thute an sawi a. Chutiingin kut hnathawktute Grape leh thlai thenkhat chingute thatpui zawng hian Total Prohibition hi kan ram tana tha tur tawh sia siam danglam hi chu a hun tawh a ni lawm ni ka ti a. Kan Excise Minister in tun Session chhungte hian chutiang hawi chuan hmalak a awm dawn em tihte a khaikhawm paha sawilan theih chuan alawmawm khawp ang.

Fishery chungchang an rawn sawi nual a. Mautam tampui kan hmabak a. Tam dona atan hian Department tangkai leh pawimawh tak a ni a. Intodelhna atan sangha khawi hi a pawimawh a,

chuvangin, tuna kan pawisa pek hi a tlem tham khawp a. Director puitling pawh nei ve ngei ngei tawh sela. Lawngtlai bialtuin an sawi ang khan Sericulture Department tereuhtea lang thina hi tihlenna chang kan hriat veleh kan ramin kan chhawm ang a. Kut hnathawktute tan khua a var ve dawn a ni. Chuvangin, Fisheries Department Demand hi kan pass chang nilovin R.E. ah te pheii chuan belh ngei ngei chi a ni a. BAFFACOS pawh hi an Demand ah a lang ta lova. Pek tel ve ngei chi a ni.

VAT chungchang thu hi kan sawi tam lo nain a enkawltu hian Head of Department puitling nei ve tawh sela. Tute emaw hmui hi an tha love tihlam ni lovin Department hetiang khawpa pawimawh si hi Excise Department te nen hian khaikhin chuan Taxation hi a upa zawk a. Head of Department hranpa nei lova an awm hi a ngaimawh awm a. Chuvangin, thuam belh nise. Sum hai luttu ber an ni si a. Hetihruai hian kan ramah hian hna a lo tam ta. PMGSY te World Bank te, NBCC ten hna an thawk nasa ta hle a. An hnathawh rual hian Material Procurement a nasa khawp mai a. Hetah hian VAT lak ve a theih loh anih pawhin kan dan hi tlema siamrem deuha Mizoram chhiah kan lo lak theihna tur atan remchang a awm thei lawm ni. Chutihruai Excise leh Taxation Department theihtawpin Phaileng, Tuipuibari, Tripura kalkawng hi a lun ta hle a. Nitin Bus leh Taxi Cab Service a chhukin a chho nasa a. sumdawn kawngah hian kan hmang nasa ta hle mai a. Bungraw pangngai leh Sorkarin a khap thil te a lut nasa em em mai a. Mamit te Lawngtlai te an pawimawh rual khan Tuipuibari nge remchang, Phailengah Gate siam a ngai. Bangladesh te nena kan in rinna ani bawh si a. Tripura leh India leh Mizoram inrinna function a ni a. Chuvang chuan a pawimawh hle a ni. Tax lakna tur atan leh bungraw thalo chi a lo luhna kawng anih avangin kan Department leh Minister te hian min chhui chian sak sela tih ka rawn sawi lang duh a ni.

Revenue Department ah hian Aizawl khawpui leh a chhehvelah hian LSC in thuahte a tam em em mai a. Kan in tih buaina lam tak leh Revenue Department Office a kal chang pawhin case a tam em em a. Chuvang chuan, khawpui dang pawh hian a van mamawh em ! Session hmasa lampang khan Joint Director nei lovin an awm a, tunah chuan an nei ta a ni. He Department hi an phuisui deuh loh chuan surveyor te hi an indaih lo em em a. Department dang an pawimawh lo nilovin. Chutihruai chuan khawthlang lamah NBCC hmangin Home Ministry in Border Fencing hnathawh a ni a, tahchuanin, chhungkaw tam tak te in hmun lo ram an tihluia a compensation statement pawh an peih vek tawh a ni. Mahse, pek loh anih avangin hna a chawl tlat mai a, kan Minister hian min lo enchian sak se.

PU H.LALSANGZUALA

: Pu Speaker, ka lawm e. Demand pathum kan sawiho a ni a. tah hian Demand No. 24-na Health and Family Welfare ah hian lut nghal

mai ila. Hei, lawmthu sawi ka duh a. Kan Minister zahawm tak chungah leh he House chungah hian lawmthu sawi pawh hi tulin ka hria a. Hei, keini Rural Area thingtlang bial kilkhawr bialtute chu bialte vil a harsa em em mai a. thil thalo leh thil manganna thleng te pawh hriat a harsa a. Thla hmasa lawk khanin Tualvawng khuaah hri a leng thut mai a, tahchuan, a natna an hre silova an thi nitin tawh mai si a. Tahchuan, an mangang em em a, min rawn hrih a. Kan Minister zahawm tak ka'n hrih a, a len pawh leng lovin telephone in ka hrih a, action min lo laksak nghalin atukah Department engkim a lo peih nghal mai a. Tahchuan, Doctor te hrihlin a hmunah a han kal a, a natdan tlangpuite min zawhin ka'n hrih a. Amaherawhchu, an lo hresual ti mai ila, damdawi an lo keng kim lova. Pneumonea hlauhawm, deuh mai hi a lo ni a. Tahchuan, mi 5 an thi a. panga erawh chu Aizawl lam an phurthla ta a. Tahchuan, han kal vat lo sela kan Minister zahawm tak hianin hma min laksak nghal lo sela a sawm mai pawh nilo in 90 lek khua siah an thi dawn tihna a ni a. Chumi chungchangah chuan ka lawm em em mai a.

Tin, Health Department hi hei hmeltar tam tak kan hnu a, alawmawm ka ti a. Tin, Civil Hospital ah te pawh thingtlanga mi harsa tak tak lo lutte mahni bialchhung te kan tlawh a. Chung angah te pawh damdawi te an lo nei lova, tunhma angin damdawi te a lo vang tawh a. Amaherawhchu, Doctor te in anmahni hlawh atang tein an vawmkhawm a. Emergency mi harsa te tana damdawi an han thawhkhawm te kan ngaihtuahin a Department Doctor te a enkawltu Nurse te an Staff chi hrang hrang ho chungah te pawhin lawmawm ka ti a. Chuvang chuanin, kan Department pawimawh tak mai kan nunna te athalo tawh a. natna te hi a tam a. Chunglai karah chuan a zing a zan tlai lampang nen an in entir a, special in entir nen, chhunah nen awm nawi kan ni a. Department hetiang Department pawimawh tak anihna angin kan Minister zahawm tak a hmalaknate kan ngaihtuahin lawmawm ka ti em em a. Chu chu kan sawi duh a.

Tin, chutih rual rual chuan hei Civil Hospital a Blood Bank chungchanga ka thil vei zawng deuh tak mai sawichhuah lawk ka duh deuh tlat a. Kan Minister pawh min chhinchhiah sak se, ka duh a. Civil Hospital Blood Bank te hi an duty-na Blood Bank pawn lama hnathawka an chhuah hian ni e, incentive cash pek zel an ni em ? bill a Blood Bank Staff Holiday leh overtime a an blood donation game a an thawh hianin Overtime Allowance pek thin an ni em ? Hei tunah phei chuanin kan NGO ten

Kan YMA ang ringawt pawhin Blood Bank Camp te kan ti a, tin, mi thisen atangin mi nunna chhan theih a ni tih kan hria a. Kan Mizo tlawmngaihna leh kan Christian rilru nen tam takin veng hrang hrangah hna kan thawk a, a Blood Bank Staff te hi an hah em em a. Tin, Doctor-in an han kal a, a camp-na hmun te pawh bawm lian pui pui an zawn tlawk tlawk te a lo ngai a. Chutiang chuanin an ni hi an hah em em a. Hengah hian kan Sorkar hianin incentive cash ang chi te hi pek a nei reng em tih hi hriat pawh ka duh a. Kan lo ti lo anih pawhin heng hi remchang zawng sak hlein ka hria a. Tin, Private Hospital Nursing Home hrang hrangah Civil Hospital Blood Bank atangin thisen pek thin a ni em ? Pek thin anih chuan Hospital emaw Nursing Home ah engzat sngge pek thin an nih ? Hospital leh Nursing Home a lo pung zel si a, pek theih an ni ang em ? Tunlaia Private Hospital kan tih te Nursing Home te a lo awm zel a. Hengah hian natna chi hrang hrang te, zai thin te pawh an lo kal a. Tin, Civil Hospital atangte pawhin parttime te pawn a lo kal te pawh a ni ang. Hengah hian thisen te Civil Hospital a mi tlawmngai YMA te, thalai tam tak leh Kohhran hote pawhina an pekkhawm a kha Private Hospital ah va lain an nin pawisa tam tak lo bill nana an hman leh si hian thil a fel lova, hei hi ka rilru ah ka vei riau a. Hei hi kan Minister hriatah ka'n sawi duh a. Tin, Heng Private Hospital Nursing Home a pek anih hian Blood Bank a thawktute hnenah emaw Department hnenah emaw kut hah man intensive cash pek thin a ni em ? Pek tumna a awm em ? Hengte pawh hi engpawh nisela, Sorkar hnathawk a ni a, Blood Bank a thawkte an lo thiamna emaw kan chhawr duh anih chuan anmahni te pawh overtime hlawh angte pek ve a, an kut hah man te kan pek ve te pawh hi thil ltul tak niin ka hria a ni. Tin, Private Hospital leh Nursing Home ah hian thisen an pek an mamawh hun apiangah duty hour piah lamah pawh Civil Hospital ah emaw Laboratory Technician hi emergency in an koh theih em ? Tin, an koh hian kut hah man intensive cash an pe ngai em ? Tah hian kan Minister zahawm takin min hriat sakes ka duh chu Sorkar hnathawk an ni a. Amaherawhchu, tui takin inchungah an mu a, dar 12 ah te, a hnu lamah te pawh kaihtawh te pawh an ni thin a ni. Chu angah chuan tlawmngaih ringat maia an tana englai pawha kal reng hi a theih bik loh a. Chung angah te pawh chuanin anmahni thiamna emaw thisen lak chungchangah an hmang duh anih chuan hengah te pawh hian a Civil Hospital lamanga hotute pawhin Private Hospital hotute hnenah pawh an kut hah man te pawh hi lo pe ve tura tih te pawh, thurawn lo pek te pawh hi thain ka hria a. Tin, hei kan boruak kal chhoah Hospital tam tak a lo la piangin ka ring a. Chung angah te pawh chuan ion Civil Hospital thisen ring ringawt mai a sumdawna atana Private Hospital in an hman chuan thil fel lo tak niin ka hria a. Hei hi ka ngai pawimawh riau a. Chu chu kan sawi leh duh pakhat a.

Tin, mahni bial lampang han lut ta ila, hei mahni chhungah kan bialah Suangpuilawn khuaah PHC ah min hlangkai a, ka lawm em em a. Amaherawhchu, kan lawm

rual rual chuanin Phullen ah khianin... hnuai atanga Damdawi In min min sak sak a kha hei Ministry hmasaa, min lo sak sak tawh a kha tun thlengin a ruakin a awm a. Tin, Health Sub- Centre a bul lawkah Thanglailung Phullen piahah sak zawhin term hmasa ami bawk kha a awm a. Tiang khianin enkawl zuitute leh tiang kha a lo awm bawk si lova, khimi khi a chhe mai dawn a, hei hi kan Minister zahawm tak hianin tih theih dan kawng leh hawndan kawng emaw a awm lawm em aw ? tih hi kan sawi leh duh pakhat a. Hei hi min hawnsak theih chuanin Damdawi In kum tam tak la awm lo pawhina engemaw tia a Damdawi In a, a function pangngai anga a local chhoh ve a, SHC angte pawha a lo awm a, tianga a local khan chuan khilalaiah te kan harsatna tam takah dam lohna kawngah hma kan sawn dawn niin ka hria a. Chu chu kan sawi duh pakhat a. Tin, Health Sub Centre hi a tam thei ang ber min pek belh theih anih loh pawhin Health Worker erawh hi chu min pe tam thei sela. Khilalaiah bialte an lo thlaler a, Aizawl pan a lo hla si a, mi tam tak natnate hi chu hunbi anih avangin Aizawl rawn thlen thlak hma hianin an boral hmannate pawh a awm thin a. Chung angh chuan kan Minister zahawm tak hian min hriatsak se ka duh a ni. Awle, hei hun atawp a ni leh mai si a, Department dang erawh kha chu hei Revenue te, leh Department dangahte pawh kha ka sawi tawhlo mai ang a, engpawh nise, tuna kan Department pathum pawimawh tak tak a te kha an Demand a kha pass ngei turin ka rawn support a ni e.

*Speech not corrected.

PU D.THANGLIANA

: Pu Speaker, pahnih emaw chauh sawi tur kan awm tawh a, churang chuan a hnungah tih tawk a awm tih a nia, a sawi tur kan tlem tawh

avangin hun pawh kha min pek belh thei la, alawmawm khawpin kan ring a. Hei, tuntum kan Budget Session neih a, thil lawmawm tak nia ka hriata chu hundang Session kan neihah khan he House ah pawh kan sawi uar tak MOU sign avanga Sorkar hnathawk lak hleihtheih loh hei hi a pawh a ni kan tih thina kha vawiin niah chuan sawi an awm talo ngawt pawh hi he House hian lawmthu kan sawi kha a pawimawh mang e aw kan ti deuh a. Chuan Sorkar hnathawk lak theih loh awm talo avang khan MOU pawh hi engmah a lo nih loh hi tih thawm te kha Pu Speaker, I vei lam atang te khan kan ngaithla ta a, atulna chinah chuan kan ti zel ang kan hotutena an tih kha kan han tichho zel a, thil lawmawm tak ani tih kha vawiin niah kan sawi hmasa duh a. Tin, kan Budget 2007-2008 bu kan thlir a, thil lungchhiatthlak kan ti dawn nge ni lawmawm ang reng tak bawk si. nimahsela tumah ina Budget Bu hal pahna atana an hman chuan siloh a awm a. Chu chu nikum 2006-2007 bawrah khan Medical Treatment tih laia kha kan Budget

...830/-

buah khan vaibelchhe sawmthum paruk bawr vel a awm a. Nimahsela kumin kum 2007-2008 ah hian a beitham ta khawp mai a, hei hi thil lawmawm tak a niin ka hria a. He Sorkar hi Budget Management kan ti dawn nge ? Financial Management ah hian sum renchemna lamah hian nasa takin a thang a ni tih kha hei hian a lantirin ka hria a. Chuvang chuan kan Budget pumpui hrim hrim ah hian hmasawna kan hmu hi alawmawm hlein ka hria a. Keini ang hriselna tha lo treatment lak ngai reng tan hi chuan kan Budget Bu hi a thalo mang e aw ! tih theih rum rumin ka hria a. Kan Sorkar hmalakna kan Finance Minister zahawm tak sum renchemna chungchangah hian alawmawm hlein ka hria a. Kha kha kan sawi hmasa duh a.

Tin, hei vawiin niah Demand No.11-na kan sawi duh a chu hei SAD ho hi helai Secretariat bawr vel kan Minister hote leh kan Officer pawimawh tak tak te Sorkar hnathawk engemaw zat enkawltu helai administration kengkawhtute an ni a, tunhma chuan sum leh paite pawh indaih lohna a awm thin a. Nimahsela, tuntum ah hian a changtu Minister fel vang nge ni ka hre lova, ba a nei lova, an han kal thei a, kan mamawh ang chite up to date taka he administration tan hian an han kal chhoh pui thei hi alawmawm hlein ka hria a, lawmthu sawina tlak a niin ka hria a. Thahnem ngai taka ba nei lova kan kal chhoh zel theih pawh hi kan Sorkar tan thil pawimawh tak a ni tih kha vawiin niah hian kan sawilang Iduh a. Secretariat chungchang Demand No.11 na chuan kha kha ni mai sela a thain ka ring a. Ka sawi duh lova. Kha ka ngaih pawimawh ho a te hnungah kan sawi ang a, Pu Speaker, hun la rei turah ngai ta ila.

Tin, Arts and Culture chungchang hi sawi tam vak pawh ka tum lova, kan thian ten an sawi tak ang khan tawng chungchangah hian kan in humhalh that a pawimawh khawp mai a. Hei, India ram, ram hrang hrang leh State hrang hrang han kal te pawh hian an hnam tawng a hi an ngai pawimawh viau vek mai a, chuvang chuan kan Arts & Culture, Mizo Culture humhalhtu tur Department - ah hian kan Mizo tawng a hi tun aia nasa zawka humhalh a, kan thalai, kan tu leh kan fate pawh hi Mizo tawng thiam tir tur zawnga Assembly type a ni emaw, a engemaw ang chi zawnga hma an lak kha a pawimawh hlein ka hria a. An hmalakna hrang hrangah lawmthu sawina tur tam tak a awm rualin khalai kha kan sawi lang duh a.

Tin, Demand No. 21-na Higher and Technical Education ah hian hei Mizote hi thil thiam thei tak kan ni a, kan tih tawh lampangah chuan mite tluk chho ve zel thin kan ni a. Higher and Technical Education changtu Minister kan mithiam chhuanvawr a ni bawk a. Zirna lama

kawng hrang hranga kan phuisui theihna tur atana an hma lak chhohnate hi fak tlak kan ti a. ICICI bill te pawh kan pass a. Khangte pawh kha kan ram tan a pawimawh a ni tih hriaiin a theih chin chinah, ba thlau deuh te pawhin, kan thalaite zirna kawnga hma an sawn theihna turin tan an han la chhote hi thil lawmawm tak a ni tih kha ka sawilang leh duh a.

Demand No.7-na Excise & Narcotics chungchangah pawh hian a changtu Minister leh Department thahnem ngaihna, NGO te nen thawk tlangin, Mizoram a kan ngaih pawimawh tak ruihlo dona chungchangah nasa takin hma an han la a. Heng avangte hian chung ang chu nasa takin a kiang thla a ni tih kan hria a. Thil lawmawm tak a ni tih kan sawi duh a. NGO te, Kohhran te thlengin hemi ruihlo dona chungchangah hian Department chauh nilova tang tlang zel tura pheikhai rual taka hna an thawh theihna tur atana tan la turin kan duhsak bawk a. Tin, Demand 35-na Fisheries chungchangah hian sawi tur tam tak a awm a. Nichinah Mamit bialtu zahawm tak khan a sawi tawh a. Mautam avanga tam lo thleng tur dona atan pawh hian sanghate hi sazu in an ei ber loh tur anih avangin Fisheries hi tih uar deuh a ngai a. Tun tumah hian Budget ah hian tih danglam theih a ni tawh lo chungin R.E. lamah chuan nasa zawka Fisheries Department te hi kut hnathawktutena tam lo thleng tura ei kan hnu theihna tur atan tih changtlun nise a thain ka hria a.

Tin, Demand No.18-na Printing and Stationery ah hian khawl changkang tak four colour Printing Press ah kan han nei ta ringawt pawh hi, Foreign siam tha tak lehngal c-7 Czechos ho siam a ni a, hei hi kan rual awhna em em thin kha a ni a. Hei pawh hi thil lawmawm tak a ni a. Tin, Image Setter te pawh kan han nei ta a.

Tin, Taxation Department chungchangah hian Demand No8-na ah hian kan Taxation Department te, anmahni ah thawktu an tam lo na vang vangin vawiin nia kan ram tana pawisa an thawhchhuah an khawnkhawmte hi thil lawmawm tak niin ka hria a. He Department pawh hi, a enkawltu pain a zir bawk a, thahnem a ngai bawk a. Taxation hi a tuipei tak tak hian a hriat a. Chutianga tui tak a changtu Minister an han nei hi Department tan pawh thil lawmawm tak a ni a. Chung avangte chuan Department mite pawhin thahnem ngai takin hna an thawk a. An hnathawh pawh hi a chhuanawm hle a ni tih kha vawiin niah kan sawi duh a. Tin, han tih changtlun zel pawh kha Sorkar tan pawh thil tha tak a ni tih kha vawiin niah hian kan hriat tlan atan ka duh a.

Health and Family Welfare ah hian damdawiin chungchangah hmasawna tam tak kan nei a. Tin, kan Doctor te pawh thiamna sang zawk neiin experience nei thate mi tam tak an lo awm zel a. Tin, damdawi In a inenkawlina chungchangahte pawh mipuiin nasa takin kan sawisel thin a. Chung atangte pawh chuan nasa takin tunah hian an improve tawh a. Mite lo chhawnchhah danah leh damlo enkawlina chungchangah pawh hian sawisel an hlawn tawh lo viau a. Tin, Damdawi In enkawl fai leh fai loh thua pawh hian an titha tawh khawp mai a, helai hi alawmawm hlein ka hria a. Chutih ruala ka sawi duh chu Pu Speaker, kan Health Minister zahawm tak hian nikum hmasaah khan kan biala Damdawi In kan neih te, East Lungdar amite, N.Vanlaiphai leh Khawlailunga PHC kan neihte min tlawh sak a. Tahkhan kan mamawh hrang hrang te min chhinchhiah sak a, mahse wawiin thleng hian tihsak loh in kan la awm a. Keini biala Damdawi In te khi Indopui -II naah pawh Vanlaiphai Damdawi In phe chu sak an ni tawh a. Mahsela, wawiin thleng hian upgrade lovin a la awm a. Doctor te leh mamawh dang dangte kan dukhawp kan neilo hle a. Bial kilhawra awm malaria thosi te an awm duhna hmun Zokhawsang a awm kan nih avangin hetah hian kan bial chhunga kan Damdawi In te min tih changtlun sak kha a pawimawh hlein ka hria a. Upgrade ho kan han en a. pakua zingah khan Opposition bial ami kha 5 a ni a, chutiang karah chuan keini kha hlamchhiahin kan awm a. Helai pawh hi kan Minister zahawm takin min lo ensak se hma min lo laksak se, kan Damdawi In neihte min tih changtlun saka khumte pawh mumal deuha min pe thar a mutbu te pawh min pe thar turin min lo chhinchhiah saka hma min lak sak turin ka duh a.

Tin, Social Welfare ah hian sawi tur tam tak a awm a, anni hi Health Department ai mah hian Mizoram tan an pawimawh zawk awm e aw ka ti a, mihring nun siamthatna mai bakah an thlarau nun thlenga siamtha tur zawngin kan Social Welfare Department te hian hna an thawk a. Tin, ICDS ah te pawh hian an hnathawh hi a tha khawp a. Kan bialah te pawh nau chhiatte nu naupai te pawh harsatna tawh lovin an awm tawh a. Chung avangte pawh chuan Social Welfare Department hi Pu Speaker, sawi tur tam tak awm mahse, kan sawi vek seng lova, an hmalakna zawng zawng hi Pathian thu nena inmil tak ringtu tena kan tih awm tak a ni a. chutiang anih ang taka thawk chung Department an thawk tu te pawhin thahnem ngai taka an thawnha hi a fakawmin ka hria a. Chutih rual chuan he Department atanga MLA tena kan neih ve theih tur kan sem ve tur ang chi kha a tlem ta lutuk hi a pawh khawp mai a. A changtu Minister zahawm tak hian Malaria kan vei chu a hlau viau a. damdawi te pawh hi min pe thin a. Malaria kan bei loh min duh sak a, kan lawm a. Chutih rualin Social Welfare Department atanga kan bialte tana kan

sem theih tur ang chi hi MLA hote chu tun Session ah pawh hian engemaw hi min han sihhhuah ve sela kan ngen duh' a, chu chu Pu Speaker, ka sawi theih tawk a ni a. Vawiinah kan Minister zahawm tak tak pathum chanpual Department pawimawh tak tak hi lungrual taka pass - pui turin ka sawm e. Ka lawm e.

PU LALHMINGTHANGA

: Pu Speaker, vawiin kan Demand sawi tur hi Demand hrang hrang 10 lai a ni a. Mahse, hun a tam thin loh avang hian eng ngemaw ngaih pawimawh zual bikah in concentrate mai loh chuanin khawih zawh vek hman lova. A hmasa berah chuan Demand No. 24-na Health & Family Welfare atang hian han tan ta ilangin, ka ngaihawh zawng zawng.

Ka sawi hmasak ber duh chu hei Referral Hospital hi kan hlawhchhampui dawn tih tih mai ta ang hian a lang deuhva, helaiah pawh kan sawiho thin a. Mahse, kan sorkar lampang tawngkam te han ngaihtuah pawhin Central lamah mawh te an pe thui ang reng viau a. Hetizawng hi kan attitude tur a nih hian kei ka ngai lova, Referral Hospital kan ram atana hetiang anga bul han tan hrim hrim a kha thil ropui tak a ni a. khawvel thiamna kal sang chho zel a, 1996 1997 chhoah khan Central ah Planning Commission Vice Chairman ah Dr. Madhu Dandavate anih lai khan hemi Referral Hospital dilna zingah hian kei pawh ka tel ve thin a, tahchuan mumal takin kan sawi a. Tin, khatih laia kan Sorkar neitu te pawh khan mumal takin an sawi a. Hemi rawn pek chhoh dana hi Selected Super Specialities Referral Hospital ni tura pek chhoh a ni a. Mizoramah hian, chu chu thil tangkai tak a ni a, tha takin a Selected Super Specialities bik a kha indentified hmasak a, tin Governing Board te siam a, chutianga tihchhoh chu ni selangin sum pawh hi harsa tur pawh a ni hauh lova. Amaherawhchu, a lo dawngsawngtu a State sorkar in a Central Sorkar rilru anga thil mumal taka kan dawnsawn loh avangin sorkar hmasa Congress unaute an Sorkar laite leh tuna sorkar dinglai mek a hi hei term 2 hmang lai mek kan MNF unaute Sorkar-na hnuaiah pawh hian khami Planning mumal leh Central Sorkar pawhin a min beiseina ang dungzuia thil tih hi a awm lo hrim hirm a. Chuvang chuan hetah hian lsum harsatna te pawh kan tawk mai hian a lang a, khuti lamin an rawn siam ni lovin he harsatna hi keimahni own creation ni tlatin a lang a. Chuvang chuanin kan Sorkar hian Cabinet ah te pawh mumal zawkin ngaihtuah tha leh zawk selangin a tha awm mang e aw tiin ka ngaihtuah a. Kan Chief Minister in a hmannia remark a rawn siam kha heng.

Central lam atanga thil rawn kal te hi chu nau chaw hrai ang deuh a ni a, a lem duh fa hnenah chuan barh zel a ni a, amaherawhchu, hmuam tlat hnenah chuan barh zel ngaihna pawh a awm lo tih kha. Khatiang chiah chiah khan Ministry kalta pahnih term hnih hmang ve ve khanin thil in tih chhoh avangin Pu Speaker. hei hi atang hleihtheih ta lova, min barh zel duhtu pawhin helamah lem ngaihna lem tumna a awm loh avangin min barh ta zel lo mai ni hian a lang a. Hei kan ram dinhmun kan en chuan Super Specialities Local a kan mamawh ngawih ngawihna kei layman anga ka lo thlir vena chu Oncology ah kan mamawh ngawih ngawih in ka hria a. Tin, adang lehah chuan Neuro ah hian anih loh chuan Cardiac(lung) problem ah. Hmanah Minister incharge pakhat Congress hunlai khan ka zawt a, Super Specialities tur kha 16 reng a sawi mai a. Khatiang kha chu a kalhmang tur a ni lo reng reng a, a hnuah hian kan Minister nilai mek hi ka zawt leh a, a ni pawh khan a sawi leh teuh mai a, khatiang zawng kha a ni lova, ram danga Selected Super Speciality Hospital an siam reng reng a hi kan hmuh chuan pakhat emaw pahnih ah emaw hian an in concentrate mai a, chuan a building leh thildang zawng zawng pawhin khami keng khan design chhoh a ni ta a. Tin, a enkawlnaah leh thil dangah pawha equipments ah te a tum bik chauh keng khan an tichho ta a, tin, Doctor appointment ah te pawh chutiang chu a lo ni ta. Chuvang chuanin hei research te an han ti a, tuna Zoram kan hming thanna duhawm loh em em hi chu khawvel pumpuiaah kan population ratio han ngaihtuahin Cancer% ah kan sang ber mai awm a, a thanna te an awm ta a, tin Death Case hrang hrang hi enge ni a chhan tiin mawl takin hetia mitthi lusun khawhar in pawn a signboard ah pawh hian cancer tih hi chu a tam em em mai a ni. Chuvang chuanin kan neih hi a mamawh em em a. Tin, Zemabawk ah Cobalt Therapy pawh lo tan tawk a ni a. Chuvang chuanin helai bikah te hi chuanin hmathar hi la leh thei ila, kan ramin a tangkaipui ang a. tiin kan thalai thluak tha tak tak Mizo fate zingah an lo piang zel a. Chutah chuan Super Specialist kan nei tam chho tawlh tawlh ang a. Chungcho te pawhin a an hnathawhna tur kan ramah ngei an thiamna an hman theihna tur kan lo buatsaih hi a pawimawh em em a. Tichuan, a pawimawhna hi sawi dawn ta ila, darker engemaw zat sawi theih niin a lang a, mahse, hun limit anih tlat avangin khami ngaih pawimawhna lai leh kan sorkar hian a thar a hma an lak leh chuan a hming pawh a tha ang. Pahnih emaw chauh hi target ta selangin Cardiology leh Oncology hemi pahnih ah emaw hi chuanin hma la chhoin plan mumal tak siamin kan population ratio a kan Death rate te leh kan patient Number heng zawng zawng hetah a hnai zawk Guwahati, boruak cancer a kan refer case number awm tawh zawng zawng kum 15 kal ta atangin. Tin, Tata Cancer Institute atangin refer case a kal zawng zawng leh survival rate te leh khang nen khan han titha leh selang chuan, Central pawh a in hawng ngawtin ka ring a. Chuvangin tah hian kan Sorkar te hi hetah hian thinlung leh tihtak zetin bul han tan tha leh sela, ka ngen a ni.

Tin, ICICI LOMBARD system thar hi kan tih fuh loh niin ka hria a, a ram pumpui tan pawh hei hi a thalo a ni. Hmanniah khan kan ngaithla tawh a, hemi awm hma a kan expenditure evarage kum khata, pawnlam refer case ah hian crores 32/34 dawn lai a ni a. Mahse. ICICI LOMBARD han in troduce hnu hi chuan 17 crores vel a kan tlatla thei dawn awm mang e, tih te kan han ngaithla a, anmahni chhanna lam atangte pawhin kha kha an han sawi kha a ni. Mahse, kan han practice ta a, hei hi a thalo a ni. Refer Patient pawn lama kal reng reng hian harsatna an tawk nasa lutuk a, an system leh keini Mizo mentality a in mil lova, anni'n vai mentality khetmei takin an ti a, keini kan pi pu atangin in hriatthiamna atanga kal lthin kan ni si a. Chuvangin Sorkar pawh hetah hian a hmingchhe tan tlat a ni. Chuvangin hei hi chu huaisen taka cancelled leh mai ni ta sela, keimah ngei pawh hian an hming han sawi chu thil hreawm a ni a. Hetia an refer a mangang tak maia Suraksha Hospital kan tih thin tuna AMRI in a lak tlar takah te khan patients an zuk refer te an pawisa sanction a zo tawh si, mahse, an treatment a la pawimawh si, mahse, Hospital in chaw pawh a pek duh tawh loh ni thum ni li chaw nghei ta te, heti lam ah phone in an han bia a, helamin Hospital a sanction an zuk hrih leh mai thei si lova. Khatiang kha pali panga ka zin pawhin ka tawng a. Tin, a hriat pawh ka hria a ni. Tin, case khirkhan deuh lung zaitir emaw, cancer treatment emaw, Hepatitis thilah te emaw, damdawi to deuh vawikhat injection a pawisa tam tak senna ang chi ah te hian ICICI LOMBARD ah hi chuan a maximum a lakh 1.5 tih anih tlat avangin treatment lak ngaihna a awm mang lo a ni serious patients tan hian lungzai tur chuan a lo ber a Advance ah four lakhs pek ngaite a awm a, khatihlaia a ceiling 2.5 lakhs a lo nih si kha chuan tih ngaihna an hrelo an mangang thei em em a ni. Chuvangin mihring nunna hi a hlu a, Financial economics kha a tha e. Mahse, hemi field ah kher kher hi chuan economics zuk tih vak lova mihring nunna zawk ngaihhlut a pawimawh a ngai. Financial Discipline khan siamthat theihna lai sector hi chu a awm a. Hemi Referral thilah Medical reference thilah kher kher hi chuan tih loh ni ta selangin a tha anga tih kan sawi duh a ni.

Tin, Family Planning hi kan sawi leh duh a. Ka hmaa sawitu Member zahawm tak, Phuldungsei bialtu khan a sawi dan nen khan chuanin a in oppose dawn a ni. Keia sawi tur chu, Family Planning hi i uar tawh lo ang u, kan hnam hi kan la tlem si a, mi hnam an pung chak si a, chuang chuanin no assimilation te hi a hlauhawm a. Tin, chumi bakah hmasawn tak tak tur hi chuanin economist mi ropui te pawn an han ngaihtuah hian, Optimum requirement of population hi chu a awm vek hrim hrim mai a ni. Divisions of labour te tha taka a kal theihna turin. Tunah hian ka rindan chuan, Mizo hi 30 lakhs ni ila, 9 lakhs vel kan nih ai hi chuan, 30 lakhs

hi kum 10 kalta vel atang khan lo ni tawh ila chuanin tun ai hian hma kan sawi daih ang. Man Power in hna kan semzai ang a. Tin, keimahni pawn a tulna kan hre tam ang a, khatiang ang khanin hmasawna a awm theih ka ring a. Chuvang chuanin, Kohhran tena Family Planning tih an han sawi te hi, Kohhran thil kha chu kan administration ah te pawh secular administration anih avangin lakluh vak theih loh a lo ni leh a. Beng chhu ngawng ilangin khati zawng khanin kan in zirtirna hi I siam ve thung the ang u, tih kha kan sawi duh a. Hei, sawi tur atam hle mai a, mahse, warning bell a ri tawh mai si a.

Taxation chungchang thua hian kan Sorkar hianin Local Resources Mobilisation hi a uar a, a tha, kan in zirtir pawh a ngai, khua leh tui ten duty kan nei. Amaherawhchu, tun tum kan Budget Speech a Taxation chungchang thua tolls on Road & Bridges tih chungchang leh road & Bridges a rawn lang kha chu, duh ai chuanin kan tuan hi a tha deuh emaw nile, tiin ka ngaihtuah a

Pu Speaker, Minor Irrigation hi kan tih ve chhun a ni a. Hemi tello chuan kan land reform hi land development hi a hlawhtling dawn lova. Tin, kan Food production pawh a increase dawn lo a ni. Khatih laia a bul kan tan dek dek a, water kan lak mai hi chuan khami lo neitute kha an discourage nasa lutuk ang a, an tan harsatna kan siam palh ang tih kha ka hlauva. Tin, tolls on road and bridges hi direct to the people a ni tlat mai a. Chuvang chuan in mipui ko rihna tur a ni a. Hei hi chu ennawn leh a tha lawm ni ? tiin ngenna kan siam duh a ni. Pu Speaker, ka lawm e.

PU R.KHAWPUITHANGA

: Pu Speaker, ber berte awmkhawmna a ni a. Pawisa han dah pawh hi tam pawh nise a awm em em a ni.

Chanchinte vawiinah hian kan sawikhawm dawn avangin kan han zir a, a tha hlein ka hria a, kan hriat lohte pawh kan hriatphah a. Hetah hian kan Sorkara lu ber berte Group 'A' rualho zawng zawng te an awm vek a, an hawi lam lam hi kan Sorkar hawi lam a ni ti ila kan tisual awm love. A hnuaiia Department kan han sawi takte zawng zawng hi anmahni hnuaiia awm anih avangin Administration in a ken ang anga kal anih avang hian GAD hi a pawimawh em em a, a changtu Minister hianin a keng tha viau a niin a lang a, a lawmawm hle a ni.

Tichuan hemi GAD a thawktute hi kan sawi tak ang khanin SAD awm zawng zawngte hi kan sawi tak ang kharin an khawsak dan hi an hnuai amiten an entawn tlat a. Hel rilru emaw, nawrhna rilru emaw an put chuan a hnuai mite kha khatiang zawng khan an kal leh tliar tliar thei a. Tin, Office hun an hman dik chuan an hnuai amite khan an hmang dik mai a ni. Chuvangin an kutah hian engkim hi a awm ti ila kan sawi sual awm love. Chuvangin Demand an han neihte pawh hi tihpuitlin sak ngei ka han ngenpui a ni.

Tin, a pahnihnaah chuan Health and Family Welfare Department hi han sawi lawk kan duh ve chu adang tam tak kha chu kan ngaithla tawh a. Ka sawi nawn duh chu - Kan ram ina kan buaipui em em a chu HIV/AIDS chungchang thu hi a ni a. Hei a buaipuitu bikte an awm a, mithiamten nasa takin tan an la a, awareness campaign te an nei a, hei hian rah tha deuh mai te a chhuahin ka hria a. Hetia a lo pung zel tur anga kha, pun zel lutuk lovin tunah hian control deuhthawin a awm a, hming hrang hrang an nei a, ka hre vek lova, khangah khan, khang zawng zawngte khan tan an la a, College ah te pawh tan an la nasa a, Department hrang hrangahte, tin, keini Legislative Forum te pawh a awm a. Hengte pawh hi keiniho hian kan hmang tha tawk lo deuhin ka hria a. Hei ai hian hmang tha lehzuil ila chu awmzia a neiin ka ring a. Chuvang chuan a bik takin HIV/AIDS lamah hian Department hian ltan a la nasa viau a, mahse, a la tawk lo viau chuan ka hre thung a.

Tin, infra-structure ah hian hma an sawn nasa em em a, tin, an thil leite leh khawl dang dante pawh leh, thil dang an hmanna te hi han sawisel tur em em a awmin ka hre lova, a tuihang an hawpa tih ang chi deuhthe pawh kha a awm lo viauin ka hria a. Chuvangin Department hian a titha viauin ka hria.

Social Welfare Department 29-na. Crore 24 nei hi a pawimawh hle mai a, mihring min enkawltute an ni a, naupang te, tar te, mi chak lo te, piangsual te, mi awm tha duh lo te, khang zawng zawng kha an hma vek mai a ni a. Chutah chuan a bikin ruihhlo ngaite pawh kha a ni tel ang a, khang enkawl kha thil hautak tak mai a ni a, tin, hemi ah hian kan la hnehtawk lo viauin a lang a, a har bawk a. Kan hriat theuh angin ruihhlo enkawl na te phei chu a awm fer fur a, mimal pawhin an ti a, mahse, Department nen Kohhran nen kan han tan chiam mei hi chuan a sawt thin a, hemi kawngah hian awareness hi a tam tawk hi Department hian min pe sela, a la tawklo deuh hlekin ka hria a, thahnem ngaih thuah an thawk tha viau nanging, kan fuihve pah duh bawk a ni.

Demand No. 6-na Land Revenue and Reforms ah hian sawi tur kan neih chu kan chhiah lakhawm tute kan sum Revenue lama kan intodelh lohna lama thahnem ngai taka thawktute an ni a, Cadastral Survey an tih hi an zo chho zel a, amaherawhchu, an intodelh loh thu te kan hre bawk a, an indaih lo anih chuan indaih tura tih nise, a tha hlein ka ring a, chuti anih loh chuan an survey chakloh kha chuan chhiah lakna turah khan kan hloh zel tihna a ni a./ Survey Training Institute pawh Hualngo hmuinah hian an din dawn niin ka hria a, hengte pawh hi Surveyor lamah te kan indaih theihna tur zawkin he Institute te pawh hi awm ngei se thain ka ring a ni.

Tin, Taxation Department bikah hian Demand No.8-na ah hian hei hi kan Revenue Source pui ber pakhat a ni bawk a, hei kan hriat angin VAT lak hma khan kan sum lakluhte a beitham a, mahse, VAT introduce anih atang hian a pung chho chak hle mai a, a tirah kha chuan kan sawi khawmah pawh khan harsatna kan tawk a, amaherawhchu, a kengtu hian thiam takin Opposition leh Ruling te min han zirpui ta a, an Official ten an hre hneh bawk a, hotute pawhin thahnemngai takin. Tichuan hei lak a han ni ta a, sawisel lem em lovin kan Revenue lamah kan intodelh phah a, hemi ah hian Border lamah te pawh hetiang lama duty tur an in la thar zel a, heng hi Sorkar pawhin thil phal taka an mamawh hi a pek ang hian a pek zel hi a la tul hlein ka hria a.

Tin, Printing and Stationery Department hi nichina ka hma ami ten an sawi ang khan Image Setter khawl tha deuh mai kan nei thar a, nikumah khan kan House Leader kan Chief Minister zahawm takin hei hi a Commission a, December ni 6 ah ka telve nghe nghe a, a hmuhdawm khawp mai. Amaherawhchu, harsatna an sawi thin hi Department tin hian he Department ah hian indent an pek hian hmasawwna a kal dawn tihna a ni a, Private ah te khawimaw laiah ti lovin hetah hian ti zel thei sela tin, khawl te an nei tha a, an kutchhuak te pawh a tha bawk a, hmasawwna kawng pawh an zawh mek niin ka hria a, amaherawhchu, a la tawk lo viau mai, churang chuan Department dang dangte pawh chawmtu an nih zel hi kan duhsak a ni.

Tin, Fisheries Department hi han sawi leh ila. Hetah hian a chi hi a tam tawk a har em em a. Fish Seed hi hemi kawngah hian tan lak deuh a ngaiin kan hre deuh a. Hei kan Bazar a sangha zawrh te hi thenkhat te chu a hlui lam ldeuh, a rim nam deuh te pawh hi a ni a. Mi ramah chuanin a nung chung te pawhin an zuar a, Delhi ah pawh khuan a ni a. China ramah phei chuan a nung chung lo hi chuan an zuarlo an ti a ni. Chu chu anih avangin hetiang zawng lampang a thar hi Bazarah hian min pe tam thei sela a tha hlein ka ring a ni.

Chuan Demand No.21-na Dr.Lalzama enkawl Higher and Technical Education hi College tam tak enkawltu te an ni a. Tin, ka hma ami ten an sawi ang khan Dr. Lalthangliana sap rama a zu kal pawh a hna an hmuh theihna a tur a zirna ang chi kan ram a hei hi introduce-na niin a lang a. Accounting te, Financial analyst te leh management te, Law Education te, Insurance leh Medical Science and Engineering te, khatiang khan thil chi hrang hrangte an zir ta a. Hei hi bul kan tan chauh a la ni a. Building te kan neih tir a eng engemaw an mamawh ram te pawh hi an neih chhoh khan hma an sawn dawn a. Hei hi kan hriat theuh angin lehkha thiam sang ringawt hi chuan tunah chuan hna an hmu tawh mang lova, tam tak chuan. Amaherawhchu, hei hi eizawna atana mihring inbuatsaihna a ni a, a pawimawh em em mai. ICFAI hi. Hetianga kan Minister zahawm takin a kan Sorkar a thlenna chang an hria te hi alawmawm hle a ni.

Tin, Demand No. 23-na. Arts and Culture Department hi ka hma amiten an sawi ang khan hei pawh hi tha ka ti hle a. Tawng thuah te kan Mizo nunphung leh thil hrang hrangah te kan chhehvela Mizo hnahtlak te hian kan hla te hi an ngaisang em em a. An zinga kan awm pawhin kan tawng te a in ang viau a. Amaherawhchu in anlohna tam tak a awm a. Khing Manipur-ah te phei chuan kan unau thenkhat te pawh a naute abik takin ramhnuai kan awm lai te pawn kan inkawm a. Naga ho zingah kan awm avangin, an hmaih avangin Naga lo thei lo kha an ni a. Keini pawh hi keimahni ram chhungah pawh hian tih Mizo ngai deuh te an la awm anih pawhin khatiang zawng khan Sorkar hnathawkte leh Politician te hian kan zir a ngai hle a ni. chapchar Kut te leh hei thil hrang hrang an tih thin te hi a pawimawh hle a.

Excise Department tak pawh hi an hnathawh hi a tha a. Tichuan, an harsatna tam tak kan hria a. Minute khat lek ka la dil belh ngai lova Pu Speaker, Excise Department hi ka sawi chuan ka sawi zo vek dawn tihna a ni ve a. Chuvang chuan Excise lam hmalaknaah hian ruihhlo dotu bulpui tak an nih avang hian Police te nen an han tang a, NGO te nen. Hetia an tan vak pawh hian kan hminhmun chu lute hi a la ni a. Chuvang chuan, Excise Department hi tih lena, tih that a, chak zawka an kjal theihna turin Excise leh Narcotics Department a hi ngaihsak hlawh ta sela. Tichuan Revenue pawh hi crore khat leh a chanve an lalut a, hei aia tam zawk pawh hi an lalut thei ang a. Tin, lalut miah lo sela, a lawmawm zawk mai thei a, kawng lehlamah chuan. Hetianga harsatna siamtu ruihtheih thil leh a zuarte an awm loh avanga lak talh tur awm lo khawp anih chuan a enghawl thlak hle dawn a ni, tih kha ka sawi duh a ni. Kan Minister te hi an fel em em a, bihchian leh zir tur a tam

a ni mai a. Chuvangin, kan Minister zawng zawng ten demand an siam hi vawiin ni thleng hian tha tak leh lungrual taka pass turin ka ngen duh a ni e. Ka lawm e.

*Speech not corrected.

S P E A K E R

: Awle, a sawi duhin kan sawi zo tawhin ka hria a, kan chawl rih phawt em ni ang. Anih leh chawl rih ila, dar 5:15-ah kan thukhawm leh dawn nia

Sitting adjourned 4:45P.M.

5:15 PM

SPEAKER : Kan rorel kan chhunzawm ang a. Kan sawihona lam kan duhtawk tawh rih ang a. Tunah kan Minister-te an Demand kan sawihona te khaikhawm a, pass dil turin sawm ila. A hmasa berin Minister zahawm tak Pu R. Tlanghmingthanga i lo sawm ang.

PU R. TLANGHMINGTHANGA MINISTER : Pu Speaker, ka lawm e. Vawiinah ka Demand Member ten thahnemngai takin an sawi hlawm a. Tin, an sawi zawng zawng kha ka re-act hman lo ang a. Tin, a tlangpuiin a sawi lam hi kan uar a, a khaikhawm lai hi chuanin namnul deuh mah ila, min ngaidamin ka hria. Amaherawhchu, a pawimawh chu khalai pawimawh an tih Member tena an rawn sawichhuah kha kan sawichhuah ve leh kher loh pawhin kan note a, chu chu keimahnin document-ah hmang tangkai turin kan kawl tha chhoin tangkai takah kan hmang thin a ni tih hi erawh chu hria ila. Hei vawiinah hianin han sawi dan tur pawh thiam a har angreng a. Kan policy leh kan tih mekte hi a indawtin han sawi dawn ta ila, khalai reaction-na kan point hrang hrang han tih a te kha kan sawi hmaih ang tih a hlauhawm bawk si a. Engpawhnise, kan programme pangngai hi chu a remchang a nih leh la sawi chhunzawm turah ngai ta ila. Kan Member zahawm tak tak tena an rawn sawichhuah kha a theih ang angin react ka'n tum ang a.

Hei vawiinah pawh ka'n sawi hmasak duh chu thil lawmawm, kan Chief Minister-in a hmalakna, kan State Capital-a kan Hospital lian ber Aizawl Civil Hospital hi, hemi hi tunah hian Hospital lian dangte kan nei si lova, hei hi kan inngahna vek mai a ni a, a kil tawp ber atang pawhin Aizawl Civil Hospital hi. Chuvangin damlo zawng zawng hian ti mai ila, a thei phawt hi chuan PHC a han indah ai leh PHC te, District Hospital-te pawh duhthu a la sam lova, Aizawl Civil Hospital hi kan lo pan vek mai si a. Chuvang chuan hemi tihlen hi a tha a ni tiin theihtawpin hma a lo la a. Tichuan, nimin khan Aizawl Civil Hospital tana upgradation-na tur atan DPR kan thehluh crore 54 zet a kha niminah khan Central Sorkara a mawhphurtu ten an lo approved ta a, chu chu hma kan la thei dawn ta a ni tih hi ka'n puang duh a.

Tin, chuloah chuan, Champhai Hospital pawh District Hospital khi cheng vaibelchhe 26 zet an passed bawk a, chu chu niminah min rawn hrilh a, a lawmawm hlein ka hira a. Kan han beisei tak na a a tak tak hi a thleng ang em?. Tin, kan beiseina anga hetia crore 54 te em em hi chu, engzatah nge min rehbun sak ang tihte pawh kan ngaihtuah a. Amaherawhchu, a vaiin kha kha min phalsak ta a. Tin, hei kan Chief Minister zahawm takin a ruahmanna kal zel a kha chumi pawisa a lo awm chuan hetia kan office Secretariat lamte kan han insiksawi theih hun remchang hmasaah chuan sawlai Police Station

pawh saw Hospital-in a luah theih tura ruahman kha a ni a. Chumi atana scheme leh DPR te, engkim mai kha siam zawh tawh a ni a. Chutia pawisa a lo awm takah phei chuan kan tan thei thuai turah kan beisei a. Tin, Champhai Hospital phei chu a tunlai thei ang berin a Hospital building pawh sa tur leh tin, equipment pawh ruahman tura beiseina kan han nei lehngal a, a lawmawm tak meuh a ni tih kha ka'n sawi duh a ni. Tin, khatia kan sawi lai chuan, National Rural Health Mission-ah hian tunah hian C.H.C. upgradation leh P.H.C. upgradation atan Central Sorkarin National Rural Health Mission hnuaiyah hian ruahmanna State hrang hrangah pawh a scale an lo siam sa ang deuh tein min ti chhova, min pe chhova. Tin, 2004 a hemi rural Health Mission han intan tir chauh a, a tira Mizoram aiawh a ka zuk kal ve naa ka'n sawi leh a, a hnuah bawhzuina zel te, chumi zarah chuan Mizoram mipui inpekna rah zel a ni a, hemi Sub-Center building te, P.H.C. te, C.H.C. building te, quarter te, heng reng reng a hi a tlangpuiin Sorkar sak ni lovin, khua leh veng leh a bul vel ami, a chhawr tena tlawmngaia thahnemngaia an sak, voluntary-a an sak a ni tlangpui a. Chungte kan han sawi khan mak an ti a, Central Sorkar-a Minister Dr. Ramaghas pawhin mak a tiin, hemi hi sak that a ngai tawh a, kum 20/30 dawn lai tawha voluntary-a an sak a kha a tha lova, tunah hian luah tlak pawh a ni tawh lova, chuvang chuan Sorkar hian kan sak sak a ngai ve tawh a, hemi atan hian Mizoram Sorkarin a ti thei si lova, Central Sorkarin ruahmanna in rawn siam tur a ni kan ti a, chumi response chho zel chuan P.I.P. ah rawn dah ula an ti a. Chutiang chuan kan dah chho a, tunah hian Sub-Center building te pawh sak that turin Rs. 7,28,000/- chumi scale ang chuan kal chho zelin kumin chhungah hian 100 chuang zet sak tura ruahman a ni. Tunah hian 5.8 sak turin kan han ti phawt a, chumi zawhah chuan hemi kan utilization certificate te kan thethlakin, chumi a chu a dang chu an nin an rawn pechho leh dawn a ni a.

Tin, C.H.C. ah hian Rs. 20,00,000/- ang zela upgrade tur leh C.H.C. ah nuai 40-a upgrade tur leh, P.H.C. nuai 20,00,000/- a upgrade turin ruahmanna a kal chhova, kuminah hian tun financial year kal mekah hian C.H.C. paruk kan han khawih chho thei a, P.H.C. pawh engemaw zat kan ti chho thei dawn a, tiang chuan upgradation-na tur atana scheme, a building sak that leh a thuum hmanrua leina tur chutiang chuan kan kal chho a ni a, a lawmawm tak meuh a. Tin, chubakah chuan hei kan bialtu hrang hrang kan M.L.A. te an bial chhunga an thahnemngaihate, heng an sawi tliar tliar te hi a lo dawngsawngtu nih a, tih theih a nih loh chuan a hrehawm thin a. Amaherawhchu, tunah hianin kan han tawng uang ve thei lek lek tawh a, nichina Vanlaiphai bialtuin a sawi kha, Vanlaiphaiyah hian engmah kan hmu lova, a ti a a sawi pawh kha, a hriat hma khan tunah hianin chumi atan PHC, N. Vanlaiphai, E. Lungdar leh Khawlailung tan khan Rs. 25,000/- tunah hian repair-na turah upgradation atan repair nan kan pe a, tin, chubakah Rs. 50,000/- theuh tunah hian kan pe leh mek bawk a. Tin, zun in leh ek in tihte, inthiarna tha lo em em ka han hmuh pawh kha a rei deuh hlek a, a taka kan practice theihna hun kha nikum lamah khan kan siamtha tawh a, tiang zel chuan hmasawmna, a kalphung tur angin, hemi DPR kan thehluh ang khan an rawn tipuitling chho zel hi ropui kan ti a. Tin, building construction lamah pawh PHC pawh kumin chhunga kan tih tur bakah khan kum kal leh zel turah khan kan telh chhovin, kan programme implementation-ah khanin kan telh chhovin, chu chu chhunzawm leh zel tur a ni a. Tin, a mal te tea khatianga han tih kha chuanin, engpawhnise, kan react seng kher lovang.

Tin, Kawnpui bialtu zahawm tak khan Kawngpuiah Nurse 4 chauh an awm a tih kha, kha kha Nurse 4 hi Norms-ah an awm dan tur a ni a. Amaherawhchu, Kawngpuiah khan 5 an awm nghe nghe zawk a, a Norms-ina a tih dan tur bak kan pel nghe nghe a ni. Tin, PHC ah hian Sister awm tura scale-ina a phak loh a ni a, CHC ah an awm thei a ni. Tin, khatiang khanin Pukpui a ni emaw, Kawngpui a ni emaw PHC kha a rualin, a tu a mah pawh vuivai hman lovin, tiang hian hma kan la chho zel dawn a. A scale an rawn siam ang hian DPR kan thehluk leh kan ruahmanna, kan official-tena an lo tih tawhah khan kan kal chho zel ang a. Tiang chuan, PHC, CHC a dah tur hian ruahmanna pawh kan han nei nual a. Amaherawhchu, kan sawi leh sawi hnu, Session apianga mihring indaih lohna man-power kan indaih lohna kan sawi thin hi tunah hian kan Chief Minister zahawm takin ruahmanna a siam tawh a, chumi atan chuan requirement rawn thehluh rawh u, a ti a. Hei, Session hma hian kan tizo hman tura ka beisei laiin, amaherawhchu, official hrang hrang Finance-ah, Planning-ah, DP & AR-ah kal vek kha a ngai a, chungte chu in hre sa pawh niin, kan hotupa berina a remtihna ang thua kal nimahse, hun leh ni kha a lo duh ve a, chuvang chuan, tuna kan proposal, hemi specialist post hi 56, chu chu create chhohva, chumi specialist post-a tuna MO 56 an kaichhoh chuan, 56 dang a kha MBBS, Medical Officer tur kha kan la thei dawn a. Chuti chuan, mi 56, mi thar kan la thei dawn a, chungah chuan CHC ah hian Doctor 4 zel awm tura ruahman a nih a kha, Indian Public Health Standard-ina a rawn phut a ni miao mai si a, chu chu tunah hian hian, hman deuhah khan Doctor 26 kan han lak tharah khan Doctor awm lohna 26 a awm lai khan, khami Doctor awm lohna PHC ah khan kan dah nghal mai thei lova, CHC ah 4 tal in dah tur a ni an tih lai khan 2 te, 3 te kan han dah thei hram a. Tunah pawh hian 50 leh tih chu han la ta mah ila, Doctor kha CHC ah kan han dah kim a, PHC ah khan engzatnge kan tih dan tur lai a pawh kha ngaihtuah tham fe chu a la tling a, a la awm a. Engpawhniselangin, tunah hian Central, Regional Institute a Guwahati hmunah khuan Doctor indaih lohna leh Specialist-te indaih lo a nih chuan ramdang leh State dang atang pawha contract-a lak dan tur min rawn dil dawn nia an ti a. Chungte pawh chu kan zuk pun a, remchanga Specialist kan duh ang te chutia contract-a keimahni mite an awm theih hma a han dil chhuah turte pawh chu kan huphurh viau na a, chu chu kan kutthlakna tur chikhat chu niin kan hria a.

Tin, tunhnai maiah khan ayush an ti a, ayush doctor 10 kan la thar a, chu chu kan mi leh sa, Mizorama ayush doctor kan neih ten an daih chiah chiah a, chu chu tunah hian district tinah, district hospital-ah kan dah thei dawn a, tunah hian posting pawh an tifel tawh a, kan inla fel chiah chiah a ni. Tin, tunah hian district hospital kan tih hrang hrang pawh upgradation tichho turin kan ti mek a, Saiha te pawh bialtuten an sawi ang khan Saiha khawpui saw ka va kal tawh a, hmanni lawkah khan ka en a, hospital tihthat a ngaih zia kan hria a, chumi atan chuan DPR hi 2004 khan thehluk a ni tawh a. Tin, khami bakah 2005 khan thehluk leh niin anmahni aiawh tute Central-a hotute donors atangin lo kalin an rawn modify leh a, chu chu tunah hian an modify ang chiah khanin hospital pindan tur leh a kalphung leh a design kha rawn siamtha leh turin min ti a, chu chu P.W.D. ah tunah hian an kawl mek a. Tiang chuan keimahni lamah kan la inpeih chiah loh avangin Central lam pawhin an rawn ngaihvenin hemi upgradation tihna turah hian beiseina sang tak kan nei a. Tin, District hrang hrang pawh District

Hospital hi a nih dan tur anga tih chhoh kan tum a, Tin, zawhnaah te pawh a lo kal tawh a, tin, Mamit, Kolasib leh Lawngtlai te District Hospital-a puan, heta kan Member Pu Liansuama'n a resolution-a rawn tih kan pass tak pawh kha kan Department chuan District Hospital-ah Assembly-a pass a nih tawh ang ngei khan District Hospital-ah declaration kan siam tawhin chumi atana a scale mamawh angte chu hma kan la chho mek a ni tih kha ka'n sawi duh a. Tin, kan thiante/Member zahawm tak takte kan harsatnate hrethiamin engngati nge tia naupang thil ngen ang ziazanga innawr tun tun lovin, PHC a an thahnemngaih ziate Pu Speaker, an bial chhunga Doctor awmlo an ngaimawh ziate an rawn sawi thin a. Chu chu zawi zawiin tunah hian khami atana kan hmalaknate hriain puitling takin min ngaichangin kan hmalaknate min hriatpuiin tiang hian kan inngaichang tiang hi lawmawm ka ti a.

Tin, Nursing College chungchangte sawichhuah a ni a. Nursing College hi a nihna ang tura han nih chhoh tir turin organisation matter han sawisak chhoh a hi a buaithlak angreng a, Central-ina Nursing Council-ina a duhdan angte kha enchian leh khatianga kalpui kha a ngai a. Tin, a nihna takah helama keimahni mite qualified tawh sa lo awm mahse, kha baka kan mamawhte R.R. han siam chhoh dan turah pawh khan hmalak chhoh mek a ni a, duh angin a chak har viau a. Amaherawhchu, hma kan sawn zel tih kha ka'n sawi duh a. Hei, Mizoramah Cancer a nasa em em a, kan Member-te sawi ang khan Cancer Mizorama a tam em em danah hian hmalak a ngaih ziate an sawi a, chumi atan chuan vanneihthlak takin Cancer chungchangah hian Central Sorkar pawh an mit a del lova, an hria a. Regional Cancer Centre hi min approve/declare ve ta a Mizoram hi, India ramah 23-na a ni a, kan hnu chiahah hian Imphal Hospital hi kan hnung chiaha awm a ni nghe nghe a. Tin, Mizorama Cancer Society kan neih bakah hemi Regional Cancer Centre kan neih hi tunah hian a hmasaah Rs. 75 lakh min pe a, tunah hian Rs. 72 lakh min pe leh a, chu chu hmanrua leh equipment lei nan kan hmang tangkai em em a. Tunah hian 300 lakh min pe a, chu chu a In sakna turin $\frac{1}{3}$ min phalsak a, chu chu tuna T.B. Hospital compound-ah sawn Cancer Hospital chu sak turin ruahman a ni a, tunah hian an tan chho mek a ni.

Tin, Cancer hemna chungchangah te Ecology Wing-te kan han neih chhohah hian hemi Civil Hospital-ah hian Cancer treatment/take care-ah hian an indaih loin Verandah-ah te an inngah a, hetia han chawlh haadamna pawh an nei lova, chuvang chuan engtingge kan tih ang, tih thuai a va chakawm ve kan ti a. Chutihruah chuan kan Civil Hospital saw a chungte pawh saw Ecology Wing atana han tih rawk rawk theih a awm em ? Engnge a chung rangva leh a bang dap pawhin ti zung zung ila a tha lawm ni, sawmi Cancer Hospital luah theih a nih hma chuan tih ngaihtuahna a kal mek a. Kan hotupa hnenah pawh ka sawi ri tawh a, engpawhnise, a theih dan kawng kawng kan ngaihtuah a, Cancer treatment lamah hian hmalak a ngai nasa em em a. Chumi rual chuan hemi Mizoram Cancer MSACS-ah hian hma kan sawn hle a, a ropui a. Mipui hnenah Awareness kan inpe nasa in Aids leh Cancer inzawl tlat, Cancer atana Aids atanga Blood list leh thil chitinreng inzawm tlat a lo ni a. Tin, Aids lo darhzau zel venna atana hemi Mizoram Aids Control Society hmalaknate kan sawi seng lo ang a. Aids Control Society hmalak, a effective ti mai ila, a result chhuah hma khan Aids lamah hian kan sang chho nasa hle a, chu chu waviin kan report neihah erawh

chuan I(one) tling lo, point something-ah kan tlathla a. Chuvang chuan MSACS hnathawh avang hian kan thalaite leh a mawhpurtute chu mite thahnemngaihna leh NGO te nen AIDS chungchangah leh Cancer dona chungchangah hian hma kan sawn hlein kan hria a. Kan hriat tur pawimawh em em chu, Cancer hlauhawm dante kan han sawi a, tihdam theih loh a nih rualin tunah rih chuan AIDS te pawh a hlauhawm kan tihualin tuna kan thihpui tam ber erawh chu Malaria a ni tlat a. Malaria dona kawngah hian hmalak dan dangdai i zawng teh ang kan ti a. Kan hmalakna pangngai bakah khawchhungah NGO leh Legislator-te leh Kohhran thlengin Thosi kan en liam mai mai leh Thosilen pawh zar nachang hre lo leh Thosi tihbo nachang hre lem lova kan in bula bur keh leh engemaw bur chhia leh tui in lai mek tui atanga lo piang hi min sehhlumtu an lo ni fo thin a ni. Helai inzirtirna hi kan uar chhoh a, hemi Malaria avanga thi hi 120 lai an awm a, Hospital record ami a ni a. Hmalakna a that tehluul nen, nikum aia an thi tam zawk hi engtizia nge kan ti a, min cho nasa hlein kan hria a. Hei kan thi tam ta, hemi aimah hian Information Network kan tihthat tak avang leh Record leh engkim mai a that tak avangin a pungin a lang a ni ang a, tihte pawh chu kan inhnem nan chuan kan han nei nain, 120 chu Malaria avanga thi kan ni tih erawh chu kan ngaimawh takmeuh a. Legislator-te pawh tunhnaiah, tun Session zawhah remchangah la inhmukhawm leh te pawh thain ka'n ring a. AIDS chungchanga inhmukhawmte leh mipuite pawh mawh inphurh ila kan ti a ni.

BAFFACOS chungchangahte khan eng eng emaw zawhte a awm a. Thangte hi Health Department-in in lo la ve vak mai a tihte a awm a. Kan expert ten an hriat leh tul an tih a chu Sazu hian natna chi 30 chuang min kai theih avangin belhchian a ngai a, a hrik leh thisen Sazu nungah chauh duh anga a hmuh theih avangin Thang kam a tul a ni tihte a ni, Sazu thisen, thin leh la a hrik a awm leh awm loh zirchian a ngai a ni. Hrileng a hrilh lawk theih a, inven nan a tul a ni. Eng damdawi nge a huat a, tihte a ni a, District BOFFACOS Cell-te tithei turin an inpeih a, District CHC-ah te an hman atan kha kha tih a ni. Doctor hovin Sazu Thang an kam mai dawn em ni tihte pawh, a tul chuan an kam mai reng dawn a lo ni. Chuvangin, hei hi ka'n sawi duh a. Member tam takin mahni veng chhung kan PHC building hi sak si, la function lo a awm nual a, a bialtute chuan in hra ang a. Sihphirah kan sa bawk a, Phullenah leh Sialhawkah te, Kanhmunah te a building sak mai chu a awl viau a, a lawmawm viau laiin Sorkar hi min thin letna a na viau a. Sak si luah theih si loh tihte chumi atan chuan Phullente pawh hi Pu Sangzuala rawn sawi, a building zawh tawh a ni a, electrification tih tur a ni a. Staff indaih theih veleh hawn tum a ni a.

Thanglailungah chuan Sub-Centre-ah Health Worker dah tawh a ni a. Blood Donation-ah hian zawhna a awm a, Working day-ah incentive pek a ni hran lova, kan Technician-te hi indawta darkar insemi duty tir thin a ni a, overtime han tih vak tur pawh a awm lem lova. Zana an duty chuan chhunah an awl a, holiday-ah DA te pek an ni lova, an tlawmngai em em a, an duty a nih lem loh pawn overtime ang pawhin duty sela, Sorkar hnathawk chu englaipawhin kan duty a ni tih lai hi an hre hlein ka hria. Private leh Nursing Home-ah lak an duh hian kan indaih phawt chuan an ni hnenah kan pechhuak thin a, chutah chuan man engmah kan thing lova, an ni erawh chuan an

lo thing palh em tih chu kan enzui bawk a ni. Blood inpek thuah hian Blood Bank ni tur hian Sorkarin a duhtui hle a, chu chu Civil Hospital pawh hi ngaihdamna nena kan tih tawk tawk a ni. Tunah hian Bank puitling chu Lunglei leh Aizawl hi a ni mai a, Kolasib leh Serchhip te Blood Bank atan hian kan han function tir nain Licence chu an la qualify chiah lova, tulna avang leh a safe tho avangin uluk takin enkawl a ni a.

Lawngtlai bialtu sawi Bungtlang 'S' PHC a pawimawh hle a. Doctor an nei ngai lo a, Doctor awmna hnai ber chu a hla hle mai a, chuvang chuan tunah pawh Doctor kan han dah a ni. CHC chu kan dah belh nual thei a ni. Amaherawhchu, kan population erawh chuan a han pha lo hle a ni. Kan dil ber erawhchu Central Sorkara kan sawiah pawh PHC te Sub-Centre te nei tur chuan a tehfungah hian population-in min tih thin avangin a kilkhawr chu an dawng dawn a ni, an mamawhna a inang reng tho si a. Chuvangin in norms hi min paihsak ula, population base lovin need base-in min tihsak rawh u kan ti a. Tunah hian Sub-Centre-a thawk thei tur additional ANM min pe a, chu chu 180 vel a ni a. Chuta tan chuan mi engemaw zat lo awm tawh sa mihring tlem si, chutih karah chuan a kil ngawih ngawih leh hmun kilkhawr si, awm tak si ah te hian Sub-Centre anga hawn kha min phal si lova, chutih karah chuan extension ang deuhin a bula Sub-Centre hmingin awm tir dan a rem em tih kan en mek a ni. Tin, hmun thenkhatah pheih chuan tunah hian Sub-Centre building sakna tur pawisa atangin kan sa nual nghe nghe a ni.

Tin, training hi a pawimawh a, tunah hian Doctor 7 PHC ami kha training turin an chhuak leh ta a, PHC 17 vel tunah hian Doctor awm miah lohna kan neih laiin, 7 training an chhuah chuan PHC 7 dang khan Doctor an nei leh dawn lo a ni. Training tur inkhap ringawt kha a theih bawk si lova, tunah hian min pe leh thei tawh em tih lai a kha, a nei sa pawh PHC chuan Doctor in nei leh dawn lo a ni.

Tin, Sub-Centre chu Central Sorkar-a norms a min pek ang chuan a bak kha 66 hi kan nei tawh a, chutih lai chuan kan Chief Minister-in Sub-Centre 101 tal min pekbelh rawh u tiin dil a tum mek a ni. Norms baka kal kha Health Department hian phal viau awm nimahse, hetah Planning Commission-te, Finance lamte khamite thu kha a ngaih tel avangin mahni ringawta tih thuai theih a ni lova. Politics matters a nih avang khan chulaiah chuan beiseina chu la kal reng mahse a takin kan la ti thei lo nain additional ANM pahnih a awm mek a, pakhat dah tur a kha chuta pahnih bak population mi 5000 tura hisap a kha tunah chuan population 1000 emaw 500 awrh emaw ah khan Sub-Centre an awm si laiah pathumna han dabelh si khan la awm lo tul si ah khan kan han pawtpeng mek a ni. Chu chu kan sawi duh a. Health Department-ah chuan sawi tur tam tak zingah sawi hmaih tam tak awm mahse, chu chu ka sawi ni sela.

Tin, Hospital equipment chi hrang hrangte Referral Hospital amite khawiah nge a awm tih kha kan Member ten in enghelh a, kha kha sawtah Hospital-ah an hmang tangkai a, tunah hianin hman lova dah lovin an hmang tangkai mek a ni tih lai a kha ka sawi duh a.

Tin, Social Welfare-ah hianin kan hriat angin Member ten in sawi angin Social Welfare hi a pawimawh em em mai a. Mihring deal-tu kan ni a, nau an pian atanga an pian hma thlaruk, thla kua enkawlin Social Welfare hian nu pumchhunga naute a lo pian hma atangin kan han enkawl chho a ni a. Tahchuan an lo pianchhuaha hnute an neihna turin, nu hnute a awmna turin, tin, a lo thahnemna turin tiang zel khan kan ti chho a. Tar pension thlengin kan ti a, tin, tar chawmtu nei lo te kan lakhawm a, tar Inah kan chawm a, tin, tunah kuan Tar, tumah ngaihsaktu nei lo, chhungte nei lo panga kan chawm a, tiang chuan Social Welfare hnuaiah hian Central Sorkar ruahmanna angin kan ti chho a.

Tin, hei, ruihhlo ngaite an lo awm a, chumi atana enkawlina, hmeichhe awm thaduh lote, chhungte pawhin an ngaihsak tawh loh, free mai maia avmkhawrote, chumite mihring pangngaia chhuah tura midang lakah pawh an awm theihna turin chutiang ang lakkhawmna chu Protective Home-te kan nei a.

Tin, naupang an tet lai, ti mai ila, kumtling lo a nih lai thil tihsual criminals dan bawhchhia leh lung in tang turte lung ina dah ai chuan tiin Remand Home kan ti a, chumiah chuan kan dahkhawm a, chu chu uluk takin lehkhah an zir te, chungte chu bahlah lo leh an nungchang siamthatna tur atana ruahman a, chutiang ang chuan mi 600 chuang 700 dawn Remand Home-ah khian naupang, misuala chhuak tur hi Social Welfare renkawlina hnuaiah Remand Home-ah khian kan produce tawh a ni. Chutiang ang chu lo ti ta lo ila, mi 600 chuang 700 dawn naupang khawlo an rawn chhuak tur kan lo ven ringawt pawh kha a va ropui em tiin a thawktute pawh kan hnathawktu lang vek vak lo mahse, hmei workd department leh development department-ah te, entirman, P.W.D. ah te kan va thawk a, pawisa nen ramhnuaiah kawng awm ngai lohnaah an han lai bawrh bawrh a, kawngpui a lo awm ta ruah mai han hmuh nuam em emte, tin, development dangah tui han herhchhuah theih mai a han siamte khan mi tihlim thin a, a result kan hmu thin a ni. Amaherawhchu, hemi human development lampang Social Welfare-te Health Department pawh a ni a, chungtena kan han thawh, nu, a naupai tha taka a hrin a, naupang a lo piankhan kan hnathawh tha, thei te hi, han tih tur awm lo mahse, vawiinah a tlangpui kan inhnemna thin chu nau tah vei hi Mizoramah pawh an awm tawh lo a nia. Nutrition leh nute leh naupang, nausen kan enkawlina hi a hlawhtling a ni ti ten kan sawi thin a. Chutiang chuan kum 10-ah nge kum 20 hnuaah a result kan hmuh dawn ? Chung Department enkawl tlattu kan ni hi a pawimawh kan ti a. Chumi avang chuan Sorkar pawh hian a ngaipawimawh a, keini phe chu Sorkar duty nihna mai bakah kan thlarau khawvel nen lama ngaihtuah zui kan ni a. Mizote chu Kristian kan ni a, khawvela kan khawsakna mai bakah kan thlarau khawvel thlenga vei leh ngaihtuah kan nihna avangin, phaiyah an ti tha thei a nih chuan, keini hi chu titha lehzial tur kan ni tih hi kan inzirtirna a ni a. Chumi avang chuan Mizorama Social Welfare Department-ina Nutrition-a kan hnathawh hi India ramah pakhatna kan ni rei ta hle. 2001 atang khan a titha ber hi kan ni chho reng a, kan lawm hle a. Tin, Health Department pawh chutiang chuan a titha ber, State population tlemah chuan kan nih chhoh zel kha a lawmawm kan tiin hei hi a Sorkarna chelhtu Minister-te fin leh fel vang ni lovin, a hnathawktute boruak tha siana khatiang ang mipui vantlangina kan lo tawiamna rah a ni tih hi kan hriat a ngai a.

Tin, tunah hian Minister anga Social Welfare-a keimah pawhin ka initiative pakhat ka lakah chuan Central atangin hemi Anganwadi Centre sakna turah hian nikum hmasa lam atang khan 600 chuang kan sa tawh a, kumin thleng khan 500 velin min belh chho leh a, a vai hian sak tur scheme lokal a ni a. State dangah chuan contractor an pe mai thin a, chumi ka hriat chianna em em chu, Arunachal ami contractor, Forcora a ni a. Anganwadi ka contract a, ka in ramah hian min pe ve ta che ti a vai contractor min dil an awm nghe nghe a ni. Amaherawhchu, kan ramah chuan tunhma zawng zawngin mipuiin thahnem ngaia Anganwadi Centre, anmahni kutzala an lo sak thin Co-ordination Committee V/C te leh khawtlang hotute, NGO te tangrualin pawisa awm hauh lova Anganwadi Centre an lo sak thinte, neitu chan changa an lo tih thin kha, tunah Central Sorkarin kumli vel lai kal taah khan minrawn pe ta a, Rs. 1,75,000/- min pe a, chumi chu contract tura inbeiseiin Party atangte leh thian leh a remchang apiangin mirawn dil thin a. Amaherawhchu, pakhatmah hi Anganwadi Centre sa tur hian a crore tel kan lo tih tawhah hian pakhatmah contract-in kan la pe ve lova, chulai chu midang reng reng pawhin kan hriat a, inhrilh fiah fo a ngai a, min pe rawh hei kan vengah contract nuai 1,75,000 i nei anrawn ti a, kan pe ngailo tih kha kan sawi dan a ni a. Chuvang chuan kan thiant pawhin min hriatpui ula, hei hi chu a neitu, khawtuala a neitu leh tlawmngai taka lo sa thin a, Anganwadi Centre neitu ni a, tin, a chhiat a that mawh lo phur a, chutiang anga a awm lo atanga lo siamchawpa, mahni tha leh sum leh engkim mai lo thawhtute khan contractor-in a sak vaih chuan pawisa awm veleh a hnuah khan a neitu nihna kha an mahniah khan a dal zo ang a, Sorkar ta a maw an ti palh ang tihte kan hlau a, chutiang chuan kan ti hram hram a.

Chu chu tunah chuan kan hlim hle, chumi lamah chuan tunah chuan beisei enah pawh an en tawh vak lo a. Amaherawhchu, a thar zela inhrilh zel hi a ngai a, chulai chu min hriatpui turin kan duh bawk a ni. Tin, hei hemi Social Welfare-ah chuan kan hnathawh dan reng reng a hi a bikin Central Sorkar atanga Department Ministry hi kan enkawl tam ang reng a, hei Tribal Affairs-te a ni a, Women and Child-te, khatiang khan women and poverment-te khatiang khan kan enkawl hnuai hian Central Sorkar Ministry pathum lai an awm a, helamah hian keinin kan lo kawp ti mai ila, kan lo keng kawp a, chutah chuan Tribal Affairs chungchangah pawh hianin tun tuma kan zu kalnaah pawh Tribal Scholarship, nichina kan Member-te pawhin an sawirik awm laiah khan ka'n sawi ve duh chu Tribal Scholarship hi tunah hianin Central Sorkarina Mizoram a pek danah chuan thla 12 school an kal laiin thla 10 chauh min pe a. Tin, chuloah chuan hemi Income Celing-a hi cheng nuai 1 tih a kha cheng nuai 2-ah min raise sak ru tiin tunah khan ka zuk sawi veleh tawh bawk a. Tin, chuloah chuan hemi Commercial Pilot Licence zirnaah hian India ramah hian mi 10 India ram pumpuiah 10 hi an lo phal thin a, chu chu keini chuan a awm tih kan lo hre bar lova. Amaherawhchu, Tribal, hemi North-East tan bik hian pakhatmah hian kan la avail ve lova, kan la hmang tangkai ve lova, chuvang chuan, pariat min tihpun sak rawh u, pariatin, tichuan, Mizoram leh hemi North-East-a Tribal-te pawh hian kan hmang tangkai ve mahna tiin ziakin leh kan thusawiah kan ti a, chu chu an ngaipawimawh khawp a. Kan Tribal Minister-te Khasi a lo nihna laiah a ni pawh khan a lo interest hle a, hei hi chu kan take-up tak tak ang a, hei hi chu remchang kan hmuh ka beisei a, tite pawhin a sawi a. Tiang chuanin Social Welfare-ah hian Nutrition, tunah

khan kan plan-ah khan Nutrition, Special Nutrition chungchangah khan nikum lama nuai zaruk kan neih thinah khan nuai zali leh tihah kan tlathla a. Amaherawhchu, a bika state pakhat Lunglei District pakhat enkawlna atana cheng nuai sawmpasarih min pek thin a kha nuai 704 an han ti ta thung a. Kha kha in tihsual a nia nge, rawn siam tha teh u, kan ti a, kan plan-ah khan a inziak a. Chu chu an ni khanin kan ti thei mai lo hei chu, Planning Commission thu lo chuan an ti a, kha kha an tihsual ni ngeiin kan hria a. District pakhata hmeichhia, adolecence girl kum 11-18 chumite harsa lehzuah leh taksa pawh ei tur tha an nei lo a ni tih hriat reng mai, chutiang mi 340 vel chu kan enkawl mek a. Chumiah chuan Central atangin Lunglei bik saw chu rawn thlang a, chumi atan chuan cheng nuai 17 kan tih thin a kha kuminah hian cheng nuai 704 ah khan an rawn tichho daih mai a, chu chu tihsual niin kan hria a, khalai kha kan plan-ah khan a lo lang a, chungte chu kan kalpui theih dan tur lai erawh kha chu kan zuk ti mek a. Amaherawhchu, phalna kan la hmu lova, tiang khanin tunah Social Welfare ah khan chu chu kan sawi tur tam tak zingah kha kha Member-te pawhin a tawk tawh alawm mawle in ti rilru pawhin ka hria a.

Engpawhnisela, hei Member pahnih chauhin SAD kha an rawn lam ri a, SAD hi hemi Civil Secretariat Department hrang hrang Minister, Officer leh Staff-te enkawl leh mamawh ngaihtuah sak hi a ni a. SAD enkawlna hnuaiah hian Minister 11, Officer 181, kan zavaiin 1577 kan awm a, tichuan Secretariat Organization hi a te tham a, a enkawltu SAD pawh hi Branch 4-ah an awm a. Tiang chuan Establishment Branch a awm a, Account Branch a awm a, tiang chuan Vehicle Wing a awm a, Advance leh Record Branch a awm leh a, tiang hian hnathawktute staff enkawltu chi hrang hrang mi 1318 vel kan awm a, Co-terminous-te nen.

Tichuan, hemi Secretariat Administration hi a pawimawh em em a, a neitu leh Secretariat-a kan Minister zawng zawngte leh pawimawh kan hotute, chumi enkawltu chu kan ni a. Chutihlai chuan plan kan neih loh avang chuan kan buai deuh thin a, a lo tul hian plan engemaw hemi Secretariat han hung leh a chhunga han cheibawl leh P.W.D. lamin an lo nei si lo, a chung leh a chhuatte han tih leh darthlangte han tih fahranah pawh hian kan buai thin a. Amaherawhchu, plan, non-plan vek a ni a, Secretariat hi a pawimawhin Directorate zawng zawng enkawltu a lo ni bawk nen. Tahchuan, Motor leh VIP te, kan mikhual protocol lampang ang thlengin kan inpawt buai a, tiang chuan hemi kan mamawhte kan va lam ngawt a, SAD lam hian an nei lova, chutah chuan hetah Printing & Stationery lamah kan zuk dil a, mahse, an nin an lo nei mai si lo. Chutah chuan thil kan mamawh angte urgent taka lei rum rumte a ngai a. Chutah chuan Printing & Stationery lamte kalhlang lo chuan, phalna la lo chuan lei loh tur tih lai pawh hi bawhchhiat zeuh zeuh a lo ngai thin a. Chungah chuan kan hotute pawhin inhriatthiamnain kan kal thui viau a.

Tin, motor hman dan leh driver awmdan tur leh motor security leh tunah pheih chuan, motor dah dan turte, awmze neia kalpui dan tur leh tin, privatization chungchanga Department-in motor an rawn dah luh ringawt mai, an motor surplus an rawn dah luh ringawt mai lo enkawl ngai si, mahse, chutah chuan pawisa pek belh a lo nih changtea kan mangan thute, chung

chu kan harsa ve em em a. Tin, tunah hian kan Secretariat, helai chhuah lampang saw motor parking fel tak siam a, chutah chuan tunah a kaw ringawt mai a, sawlaia tuizem put lo awm bawk nen, chulaiah chuan ralkhat atanga miin an hmuh a helaiah hian injection neiin mahniin khulai hulhliap chhungah khuan an duh tawkin misual an che thin a ni tihte min rawn hriattir a. Keimah ngei kalin khulai hmunte chu P.W.D.-a kan Chief Engineer-te pawh biain helai hi chu security hrim hrim atan pawh helaiah tupawh a chhungah lutin a hnuai lai takah leh khawi kilah pawh hian lut theiin an awm a, a chunglam kawngka kalh erawh chu an lut thei lova, a hnuai lam zawng zawng motor awmna saw a motor nen lam sawn duh duhin an sawisa thei a ni a. Chuvang chuan helai hi pin ni se tiin hma kan la chho mek a. Chungte pawh chu tun kumtharah hi chuan kan tih theih thuai ka beisei a.

Tin, Secretariat, tuna kan new Secretariat complex-ah sawn insawn theih dawn ta pawh ni sela, Block hnih vel hi chu kan la insawn thei dawn lova. Chutah chuan G.A.D. in remchang an siam veleh ti tura min hrilh ang angin SAD chuan a insawn dan tur leh a luahtu tur leh an thutna turte buatsaih tur kan ni a. Tin, chutih karah chuan, hemi communication lai tur ringawtah pawh pawisa kan mamawh tam leh nghe nghe dawn a, chungte chu kan han sawi ni se. Tin, Car enkawl leh repair leh khatiang ang kawngah hian a hmunte kan lo neih loh karah motor kan lakhawmm, privatization-in min rawn pekkhawm ringawtah hian thil buaipui extra a awm a. Chungah chuanin tih tur a luhai thlak angreng riau a. Tin, telephone-te hi a hunah kan lo pe thei lova, eng engemaw kaltlang tur a lo awm a, Finance-ah te, chutih laiah chuan hetah Telecommunication lamin Telephone (Pu Lalduhoma : Motor kha privatize khan an rawn dahkhawm ta a, Sorkar tan khan hna a lo piang tam ta deuh zawk khan kan ngaithla a, tlem sawt zawk awm ? Engnge a awmzia ?) Englo a nia, khalai kha chu motor, entirman, Department-in motor kha an han nei chuang ta lova, an neih chuan ang ang kha standby turte, tin, Minister ta stadby turte, Secretary-te, khatiang standby tur kha an rawn hnawhkhawm avang zawk a ni a. Chulai te chu mahse, buaipui tham lutuk phei zawng a ni lova. Tin, Telephone chungchangah pawh hei Electric lamahte tui lamahte Central-in a control bik Telephone bill chungchangah hian rawn cut zeuh zeuh chang a awm a. Amaherawhchu, keimahni leh keimahni Electric leh tui hi chu pek hun a awm mai a, tlai a awm lem lo a, a inhriatthiam theih a. Amaherawhchu, Telephone hi chu an hrang deuh a, khamite khan min rawn cut sak changte a awm thin a. Chungte pawh chu kan settle tawh a, inggaihtiamna nen thil chu kan ti tawh a. Engpawhnise, vawiinah hian sawi vek dawn ila kan sawi seng lo ang a. Tin, Member zahawm tak tak tena in ngaimawh, in bial chhungte, tin, Sub-Centre-a awm tur awm thei lo hmun engemaw zatah kan nei a. Tin, Sub-Centre-ah hian mipa leh hmeichhia awm ngei ngei tur a ni a. Tin, tuma awmlohna 10 chuang vel kan la nei a, tunah hi chuan Health Worker kan lak thar atangte khan kan manage thei turah kan ngai a. Tin, a dang, tun ami aia tam lak theihna turin beiseina kan nei a, khalaiah khan kan Member-te pawhin in remhriatna min rawn thawhlawm zel turin kan sawm nghal duh bawk che u a ni.

Tikhan ka demand chu ka sawi seng lo anga. Engpawhnise, Member zahawm tak tak ten min tuipuiin thahnem min

ngaihpu avangin ka lawm a. Tichuan Pu Speaker, ka demand No. 11, Secretariat Administration Department, 51,39,30,000, demand No. 24, Health & Family Welfare Department, 87,230,000, demand No. 29, Social Welfare, 2,49,750,000 a vaiin 1,63,59,80,000 hi he House zahawm tak hian min pass-pui turin ka rawn dil e.

*Speech not corrected.

SPEAKER

: Awle, Minister zahawm tak Pu R. Tlanghmingthanga'n a demand kan sawihona te khaikhawmin pass a rawn dil a. Heng demand No. 11, 24, 29 a vaiin Rs. 1,63,59,80,000 te hi pass remti apiangin remti tirawh ule, remti lo kan awm em ? kan awm chuan remti lo ti ru le. Awle, Pu R. Tlanghmingthanga, Minister zahawm tak demand No. 11, Secretariat Administration Department, Rs. 51,39,30,000, demand No. 24, Health & Family Welfare Department Rs. 87,23,00,000, demand No. 29, Social Welfare Department Rs. 24,97,50,000, a vaiin Rs. 1,63,59,80,000 te hi House-in lungrual takin a pass a ni.

Awle, tunah chuan Minister zahawm tak Pu B. Lalthlengliana, a demand kan sawihonate han khaikhawm a, pass han dil nghal turin i lo sawm ang.

*Speech not corrected.

**PU B. LALTHLENGLIANA
MINISTER**

: Pu Speaker, ka lawm e. Pu Speaker, waviin kan demand sawitu mi 22 zingah ka Department chante mi 18 in min sawipui a. A lehlam zawnga sawi lovin min duhthawh sakna leh min duhsakna lam hawi deuh vekin min sawi sak a, a hmasain lawmthu ka sawi duh a. Pu Speaker, kan Department hi mi lawmthu sawina ni hranpa lo Department, Revenue leh Taxation phei hi chu a ni a. A changtu nih pawh tuarchhel a ngai viau mai a. Pawnlama mi sawiselna chu thuhran ni sela, House chhungah pawh hian sawisel kan hlawh viau thin kha a ni a. Amaherawhchu, tunah chuan a boruakte pawh a dai chho zel niin a lang a. Vawiin Session, Budget Session kan han sawi ni a opposition member-te pawhin thildang lutuk sawi lova min han sawipuite kan ngaihthlakin kum hmasa leh a piahlamte nen kan khaikhin a, a hahdam hlein ka hria a, lawmthu ka sawi hmasa duh a ni.

A hmasa berah chuan ka demand No. 6 - Land Revenue & Reform tih hi ka sawi duh a. Pu Speaker, thil awmdan sawi dawn chuanin sawi tur a tam a, mahse, kan member-te thusawi atang khanin a tlangpui sawi ka tum ang a. Kum hmasaa kan sawi nen thildanglam lutuk a awm hranpa lo bawk a. A hmasa berah chuan, kan Member zahawm tak Pu Lalchhandama

Raltein Aizawl khawpui chhung area velte cadastral survey hi tan a ni tawh em ? engtikah nge tih a nih ang tih kha, Aizawl khawpui cadastral survey hi kan tan tawh a, tunah hian veng 22 zo ang kan ni tawh a. Ka bial tlem khua telin khaw 22 Aizawl proper bikah phei chuanin Kulikawn, Mission veng, Thakthing, Venghnuai, Damveng, Salem veng, ITI, Zemabawk, Sakawrtuichhun, Tanhril, Republic veng, Mel - 3, Limen, Saikhamakawn, Tlangnuam zawh tawh a ni a. Tin, tunah hian heng hmunah te hian kan nei leh mek a. Missionvengthlang, Upper Republic, College veng, Venghlui, Zemabawk 'N', Falkland-ah te hian kan nei a ni. Tin, Pu Speaker, hemi bakah hian notified town kan ti a, Mizoramah khaw 60 chuang notified town kan nei a, chungah chuan cadastral survey hi kan tizo thawkhat tawh bawk a. Khang cadastral survey kan tih leh land record NAC kan tih tawh reng reng hi computerised vek a ni a. Lungleiah te, Aizawlah te, Kolasib, Champhai, Serchhipah te kan computerised chho deuh vek a. Hetiang a nih chuan ram buai, LSC inthuah/over lapping kan tih buai, Revenue-in kan ngah em em thin a kha a ziaawm chho turah kan ngai a. Chutiang chuan hma kan han la chho a. Tin, nikum lamah chhiah tihpun chungchangah namen lovin helai House-ah leh Aizawl khawpui chhung leh Mizoram hmun hrang hrangah sawi kan hlawh a. Khang zawng zawngte kha keini pawhin uluk taka kan han enin ennawn leh tha a kan hriat avangin kan ennawn fel leh tawh a. Land list tih bik tih loh chu notification pawh chhuah vek tawh a ni a. Chumidung zui chuan kumin chhoah pawh chhiah lak chhoh a ni a, Land list bikah erawh chuan classified ngaiin kan hria a, cabinet-ah vawikhat ngaihtuah a ni a, Department-in ram an neih dan a inang lova, a then chu office chauh atana Land list neih ngaite a ni a, a thenah chuan farm lian pui puite a nih avangin khang kha rate thuhmuna chhiah lak kha a tha dawna kan hriat loh avangin classified ni se tih a ni a. Chumidungzui chuan Department pawhin hma kan han la chho a, tunah hian draft chu kan zo tawh a, cabinet meeting hmasa bera ngaihtuah tura thunluh tum a ni. Pu Speaker, chutianga chhiah kan han khawn chhohah chuan a tlangpui thuin mipuiin lei man an pe tha hle a, 2005 - 2006 khan Revenue collection-ah cheng nuai 160 target a nih laiin cheng nuai 240.78 kan hmu a, lakh 80.78 velin kan target kan khum a ni. Chutiang chuan tunah hian hma kan la chho tan mek a, kuminah pawh hian kan khum turah chuan kan ngai a ni.

Tin, Pu H. Liansailova, M.L.A. zahawm takin Folkland area, V/C area chhungah BRTF ram bulah in hmun pek an awm em ni, mirethei zawkte pe lovin, mi neinung zawkte pek an awm em ni tih zawhnaah pawh a zawt a, vawiinah pawh khan a sawi a. Helai bawr vel hi kan hriat tur chu BRTF hian sawlai ram saw 1963 vel atang khan an luah a, amaherawhchu, landlist nei lovin an lo awm reng a, kum 1987, MNF Sorkar zawk khan landlist siamsak tura tihsak an ni a. Amaherawhchu, chu pawh chu puitling lovin tun hun hi a thleng a, chutihlai chuan BRTF te pawhin an ram luah kawngpui atanga chhing takah brick wall-te a an hung avangin mi tam takin an hung chin kha an ram nia ngaiin an hung loh kawngkam vel an dil a. Mi engngemaw zatin an rawn dil a, keinin mirethei leh mihausa, file atangin kan hre chuang lova, kan hnena file lo thleng hmasa apiang technical-a clear-a, team of officer-in pek theih a ni e an tih chu kan lo pe mai a ni a. Helaiah hian mi 25 kan pekah hian mihausa leh mirethei kan thliar hrang chuang lo tih ka'n sawilang duh a. Tin, tunah hian

landlist nghet an neih theihna turin hma kan la mek a, chutih lai chuan chutianga ram nghet landlist nei lova an lo awm rei avangin mi tam takin court-ah an khing a, tunah hian engemaw zat chu court case a awm nghe nghe a ni. Sawlai bawr vel saw rinaiin a harsa khawp mai.

Tin, thil pakhat a sawi, helai Khatla capital project atanga Chawnpui chhungkaw 6 ram acquired tawh, tunhna lawka LSC pek tih kha a awm a ni mai thei a. Amaherawhchu, tunah hian ka chhang mai thei lova, nakinah kan la inhrilhfiah turah ngai ila. Helaihia hian Pu Speaker, ka'n sawilan duh lawk chu, Land Acquisition a awm hian a tawpah Revenue-in mawhphurhna a nei thin a. Department dangte nena kan Co-ordination hi a that vak loh avangin zep thu a awm lova, P.W.D. an ni emaw, Department dang an ni emaw, hengah hian min associate tam vak lem loh chang a awm a, chuvang chuan, helaihia pawh hian nuai tam tak compensation lo pek tawh LSC nei leh thei kha an awm a ni mai thei. A dan tak turah chuan connector ten a hmunah kalin award an siam ang a, chu award chu kan approved ang a, chumi dung zui chuan a ram acquire tuten pawisa an pe ang a, pawisa an pek velleh D.C. collector-ah an LSC zawng zawng an thelloh a kha DC collector ten Revenue-ah heng ho hi compensation pek tawh an nih avangin an ram LSC hi cancelled tur a ni, an rawn ti ang a, keinin kan document zawng zawng kan kawl atang khan an LSC kha kan lo cancelled ang a, chutiang chuan fel tur a ni a. Helaihia hian kan tih loh thin avangin khulai Luangmual Govt. Complex pawh tunah hian compensation an pe a, an LSC an chhuhsak si loh avangin an LSC a ngaiin an la hum fur a, chu chu kan thenfai theih lohna a ni a. Tunah phei chuan tihngaihna awm lo khawpin khulai ram khu a awm tawh nghe nghe a ni.

Tin, Pu Rintea, Kolasib bialtu zahawm takin Kolasib-a ASO-I dah thu a rawn sawi kha, hei hi dah kan duh a, niminpih lawkah khan kan Chief Minister zahawm tak nen heng thil hi kan sawi dun a, a ni pawhin rawn nawr nghal rawh u a ti a. ASO-I Champhai te, Serchhip te, Mamit, Kolasibah te dah turin kan Chief Minister zahawm tak rawnna angin kan moved turah ka'n ngai a, kan hlawhtlin leh tlin loh tur chu hunin a la rawn hril turah ngai ila. Tin, hemi ruala ka sawi duh chu, kan Member tam tak ten ASO-I hnenah hian LSC pek theihna hi pek ve ni se, authorised ni sela, tih zawhnate a lo chhuak a. Amaherawhchu, Revenue Department-in kan experience-ah chuan tunhma khan pek an lo ni thin a, tuna kan ram Land dispute kan neihna tam ber hi khatih hun laia mawhphurtu officer ni lova in ngai kan ti dawn nge tawngkam mawi a nih leh nih loh ka hre lova, an duh dan ang anga LSC an lo pek kha waviinah hian harsatna min siam a ni a. Sawlai Brigade-ah phei chuan Sipaiin hunrei tak an luah a, an luah reng lai khan ralkhat atanga Patta tam tak a awm a, chu chu Sorkarin uluk taka a enin ASO-I emaw, ASO-II emaw hnena LSC pek theihna thuneihna pek hi a him lo a ni tih kan hriat avangin hei hi kum 1992 niin ka hria, Congress hunlai khan an lo hlih sak tawh a, keinin 2004-ah kan notified tha ve leh a, chutiang chuan ASO-I te hian LSC an pek hi tun hun atan chuan pek rih loh nise tih kha Department lamin kan kalpui dan a ni. Khalai kha min hriatpui a thain ka hria a.

Pu Hiato an Remna tlang, MLA te hmun pek court-ah an chak loh avanga location transfer emaw a rawn dilna kha chu

anmahni an awm tawh lova, court-a khina hneh loh a nih avangin khalai kha kan mawhphurhna a ni chiah em kan hre lova, khalai kha chu kan lo en anga.

Pu Thawla'n MLA te In hmun pek ve ni se tih a sawi kha, ni e, kan MLA te hi hmun hrang hranga kalkhawm kan nih avangin kan thinlung takin kan ngaipawimawh che u a. Mahse, tun hunah hian Aizawl khawpui, Town Area chhungah hian In hmun inpek mai tur hi a harsa em em tawh mai a, kan rilrua kan vei leh kan duhsak em em lai che u in thil tih a la harsa rih a. Kan House site plan kan tih mekahte a tet lutuk deuh avangin MLA te tan chuan in duh angem tih kha ngaihtuah a ngai bawk si a, chungte chu in duh a nih chuan kan la ngaihtuah tlang turah dah ila.

Tin, Pu Rohluna, M.L.A. zahawm takin chhiah san laia a pek kha tuna a hniam hnu hian engtingge in tih, tih kha chu tuna chhiah kan khawn lai mek hian a lo pe sang tawhte kha chu adjustment tih mek a ni a, chutiang chuan mipui lam atangin kan lak sak a, phunna kan hre lem love tih kha ka'n sawi duh a.

Tin, Pu Liansuama, Phuldungsei bialtu zahawm takin a rawn sawi, Aizawl khawpui chhung over locking a tam avanga cadestral survey a tul zia thu a sawi kha chu, nichina ka chhannaah khan cadestral survey a kal mek zel a ni tih ka sawi khan a hrilhfiah maiin ka ring a. Tin, Border Fencing chungchanga compensation pek lawk theih loh kha Lawngtlai D.C., Lunglei D.C. leh Mamit D.C. kha collector an ni a, an nin a hmunahte kalin award an siam a, chu chu kan lo pawm tur a ni a, an nin an rawn peih a nih chuan kan tih tur chin kha chu kan ti mai turah ka ngai a. Mahse, helai thil hi Home Department kuta awm deuh hlek a nih avangin a pumpuhluma kan mawhphurhna lai a nih loh na lai a awm a. An nin an rawn peih chuan award approved kha chu kan lo ti mai ang a, harsatna awmlo turah kan ngai a.

Tin, Luangmual V/C area chhnga LSC inthuah tam lutuk a rawn sawi a kha, nichina ka sawi ang khan 1985 atanga 1995 inkarah ASO-I tena LSC pek theihna an neih rahchhuah kha a ni a. Chuvang chuan, hei hi min tibuai hle a, tunah chuan kan han thian kan han thian a, kan thian thawl viau tawhin kan inhria a. kan zo mai turah kan inngai a ni.

Tin, Pu R. Khawpuithanga, MLA zahawm takin Surveyor indaih zawka lak ni se tih leh Training Institute pawh din ngei ni se tih kha, nia, tunah hian Surveyor hi kan indaih lo nasa mai a, tun kum hnih/khat chhungin vanduinah kan tawk nasa a, Surveyor 17 lai pension leh thina avangin min awmlah san a, chumi avang chuan harsatna chi hrang hrang kan tawk a. Ramin hma a sawn zel avangin District Headquarters-ah ASO-II te, I te kan dah a, chung hnuaiyah chuan Surveyor engemaw zat dah a ngai a, D.C. Office-ah engemaw zat attach-a dah a ngai bawk a. Helai Aizawl khawpui chhungah District kan nei a, Directorate a awm a, chumi hnuaiyah chuan engemaw zat an awm a ngai bawk si a. Tuna kan Surveyor neihte hi an indaih lo hle a, cadestral survery kan neih lai tak tak phei chuan land dispute khawih tur pawh kan hmu zo mang lova.

Chutiang khawp chuan kan indaih lova. Amaherawhchu, hemi chungchangah pawh hei kan House Leader zahawm tak, kan Chief Minister ni bawkin "rawn move nghal rawh u" a ti a. Kan Session zawh hian kan han move ang a, contract emaw, M.R. emaw tala tuna training kal mekte an lo chhuah veleha kan lak loh chuan kan che hlei thei tawh lo ang a ni. Tunah hian mi 25 Hyderabad-ah condensed course-in kan kal tir a. May thla-ah an rawn zo ang a, chuan, mi 25, Assam-ah, Guwahati-ah training tur kan thawn leh ang a, chumi an training zawh chuan, hemi Survey Training Institute, Hualngo khawdung tlanga kan hawn tur a hi bul kan tan hman tawh ang a, keimahni chherchhuah ngei, Surveyor kan nei turah kan ngai a. Khatianga tih loh chuan tunah hian kan dinhmun a chep khawp mai a. Trained lo chu a lak ngawt theih bawk si loh a, chu chu kan harsatna a ni a. Surveyor-te hi hman tangkaina tur a lo tam hle mai a. Keipawh hei, kumthum lai ka lak hnuah Surveyor-te tangkai zia ka hre chho ve chauh mai a. Power Department-in electric ban an phun dawn pawhin ban kar hlat zawnga thirhruai uai fual dan turte kha Surveyor tena an survey loh chuan a lo fuh thei miah lo mai a ni tihte kan hre chhuak a. Chuvang chuan Surveyor-te an lo pawimawh hle a ni tih kan hria a. Chung pawimawhnate kan hotuten min hriatpui a, khatianga kan inla thei a nih chuan kan thawk thei tawh turah kan inngai a.

Nichina ka sawi ang khan Computerisation kan kalpui mek a. Tunah hian Land holdings hi 315660 kan computerised tawh a, awlsam tein land documents hrang hrang computer hmangan kan office hrang hrangah..... zung zung theih tawh a. Tin, Aizawl District chhungah hian Arrear Survey neih tan a ni tawh bawk a, 1000 Kms lai covered a ni tawh a ni. Chutiang chuan hma kan la a, tin, kan Sorkarin kan harsatnate min hriatpui avangin Surveyor Wing bikah chuan Joint Director post-te min siam sak a. Joint Director hovin tunah hian chak takin kan kalchho a, tunhnaiah pawh Surveyor contract-a mi 30 chuang lai lak kha post 18 lai min pekbelh avangin a nghetin kan la chho thei a, post ruak hnawhkhah tur lo awm bawk nen, chutiang chuan kan han tichho a ni.

Tikhan Pu Speaker, Revenue-ah sawi tur tam tak a awm a, duhtawk mai ila a thain ka ring a.

Tichuan, Taxation Department-ah hian Demand No. 8-naah hian Pu Speaker, kan Member zahawm tak takte sawi kha a theih lai lai kan react leh ang a. Pu Andrew Lalherliana'n zawhna ti mai ila a rawn sawi, rate tihhniam chungchang a rawn sawi kha VAT..... hnuaiah hian India ram zawng zawngah rate inang hman tura Empower Committee of State inister-in rel a ni a. Sale Tax hnuaiah State hrang hrangten rate inang lo nuaia Sale Tax lak a nih avang khan buaina tam tak a awm a. Rate inang vek hman hi State zawng zawng tan a tha a ni tih zirchhuah a nih avangin uniform.....rate hi hman tura tih a ni a. State-te hian rate hi kan tidanglam thei ngei a, mahse, chu chu kan tan a tha bera kan hriat loh avangin India ram hmun dangte ke pen ruala pen rih kha tulin kan hria a. Amaherawhchu, kan sawi fo tawh angin, transition period-ah kan la awm rih a, thil kan han en kan han en a, a fel zawk zawk leh a tha zawk, kan ram tana tha zawk turah chuan kan rilru a reject chuang lo a ni tih erawh kha chu kan inhriat tlan a pawimawhin ka ring a.

Tin, VAT, UPON VAT a tih, chhiah an lak tawh hnua chhiah lak tih lai kha keini Department han hriat danah chuan tiang kha a awm theiin kan hre lova. Sumdawnngtuten Guwahati atanga bungrua an leiin VAT pek a ngai a. Mizoramah VAT an lo la leh a, VAT hi chawi double a ni anga a rawn sawi kha hriatsual palh a niin a rinawm a. VAT hnuaiah hian Mizorama bungrua hralh leh tur State pawn atanga lakna reng rengah VAT pek a ngai lova, Mizoram chhunga an hralh chuan VAT hi lak a ni.

- Speech not corrected.

PU ANDREW LALHERLIANA : Ka hriat chian nan pawh a ni ang a. Hei hi sumdawnng hote hnen atanga ka dawn a ni a. Tunah khan a theih awm, tih lai tak kha zawhna atan.

Kan ram a tet em avang hian Manufacturing Company lian hote reng reng khuanin Guwahati thleng vel chiah hian distributor an rawn dah thin a. Guwahati piah lam, hemi kan State distributor an dah duh loh nachhan chu a market a te lutuk a, rawn "bother" thamah an ngai ta lo a ni. Khang ho bungrua distributor hnen atanga hmu ni ta ilang chuan VAT upon VAT a ngai ta lo a ni. Distributor hnen atang khan commission-ho khan an lei ta a ni. Chu leitute chuan Assam VAT kha an pe ta ngei si a, kha kha a lo lutah khan helaiah ka rin danin an lo pe leh a ni mai thei a. Khang lolut ho kha, chumiah chuan kan pe e an tih avang khanin hei hi a ni a. Nih theih dan a awm em ?

A bik takin a pawimawhna chu distributor nei lova bungrua lo lut hi 80% dawn lai mai ni khan an sawi si a, khami merchant ho khan. Chulaiah chuan engnge ni kan merchant community-te nen hianin in inkarah hianin communication gap a awm a ni mai awm mange aw tih hlauhthawnnain ka'n zawt chiang che.

PU B. LALTHLENGLIANA : Pu Speaker, Mizote hi kan sumdawn dan hi kalphung pangngai takin kan la kal thei lo niin a lang a. Silchar-ah kan tlan thla a, Bagha-ah

kan duh duh kawngsira mi kan zu khar chhawng a, kan hawn leh mai thin a. Khatiang deuh khan Guwahati a ni emaw, Kolkatta a ni emaw tih kan ching a. Zawrh tur nilo mahni ta, mahnia hman tur kan lei hi chuan VAT kan pe ngei ngei tur a ni a, khawiah pawh India ramah chuan. Amaherawhchu, zawrh tur a nih chuan he VAT danah hi chuan VAT kha kan pe tur a ni lo tih kha kan zir dan a ni a, kan hotute zir dan a ni a. Chuan keini tihdanah chuan Distributor emaw midangte hnaena leiin VAT pek a ngai lo tih kha nichina kan chhan dan ang tho kha a ni a, sumdawn dan kalphung pangngaia an kal chuan kha kha an pe tur a ni lo. Mahse, khawimaw lai laiah chuan an pe pawh a ni mai thei.

Tin, Pu Andrew Lalherliana sawi bawk thil pakhat, Tax Payer Standing Vairengtea Stop Gate siam, Mizorama VAT petu supplier-te hnen atanga Department thil lei tihte kha rawtna tha tak mai a ni a. VAT harsa lo thei ang bera pekte, Mizoram chhunga VAT pe ngei supplier hnen atanga bungrua lei a tihte kha Taxation Department-in a thil tum ber a ni a. Hengte hi Mizoram VAT Acts leh Rules-ah te provision awmsa a ni a, heng provision-te hi zawi zawia khauh zawka enforce Department-in a tum chhoh mek a ni a. VAT hman a nih hnu hian vai flying business Mizoram a titu te pawh hian keini a Department-a thawktu te hi chuan an tlem sawt hlein kan hria a ni.

Tin, Vairengtea Stop Gate siam rawtna kha thil tha tak a ni a, khatiang deuh khan Mizorama sumdawngten Stock transfer system-a bungrua a an lak theih dan tur hi ngaihtuah chhoh zel a ni a. Chutianga bungrua lak theihna form chu mi engemawzat mi 50 vel hnenah kan pe tawh nghe nghe a ni.

Pu Sailothanga rawtna VAT ennawn leh ni se tih kha, VAT hnuaiyah hian Zoram hian kan Revenue collection nasa takin a pung a, tihchangtlun zel hi a Department chuan kan la tum zel zawk a ni. VAT hnuaiyah vai sumdawng tam tak an awm tih lai hi, Non-Tribals ten Mizorama an sumdawn theih dan hi mumal taka siam a ni a, Inner Line permit kum hnih aia tam neite hnenah chuah VAT hnuaiyah registered theih an ni. Kum hnih aia tam ILP nei thei turte hi Home Department hnuaiyah ngun taka screen a ni a, Taxation Department-in an sumdawna an lo enfiah leh a, ngun taka en a nih hnuah Registration hi Taxation-in an lo pe ngam chauh a ni. Mizoram tana thil harsa, Mizoram tana thil tha leh tangkai emaw mamawh ngawih ngawih thilte hi Non-Tribal registration-ah hian kan ngaihpawimawh a ni a. Chuan tunah hian hnamdang sumdawng kan registered hi mi 145 an ni a, a vaia Taxation-in chhiah lakna atana kan registered chu mi 3659 an ni.

*Speech not corrected.

PU ANDREW LALHERLIANA : Kan zawt leh lawk ang che, khawngaih takin min chhan theih chuan a lawmawm hle ang a. Hei Motor vehicle lo lut, a thar kan lei ho hi hetah dealer kan neih atanga lei ta lo hian kan VAT avang leh kan transportation avang hian motor pakhat pawh hi sangnga sangrukin a to vek ta a. Tin, chubakah a thil dang neuh neuhte nen khan a sang ta a ni. Tahchuan Guwahati vel atangte khuan Department thenkhatte hian leiin a rawn lalut mai thin a ni a. Chutah chuan Assam khu chuan hetiang hi dan a duh tlat mai a. Assam chhunga distributor-te hnen atanga lei lo Assam chhunga motor lut register tur reng reng hian 8% Tax an pe tur a ni a tih tlat avang khan Assam-a motor lut reng reng an mahni official kaltlang lova tih kha chu an lo tih thin avang khan Department-in emaw mimalin emaw khan an ram chhunga dealer-te hnen atang lo kha chuan an lei

duh ta lova. Mizoramah pawh hian tih a that ve em em nachhan chu, Motor hi tam tak illegal chu a ni si lova, hmundang atanga lo lutte hnen atang hian chhiah in la chuang si lova, mimal ten lei leh ta se. Kha kha dik tak chuan helaia mite customer kha an hlauh hnem a, hei chu a solve ve theih loh maw? Motor Vehicle Tax hi chu ti ve ta ula, kan rama motor zuarte hian an hlawk ngawt ang a, Department pawn an dawr ang a, a tha ang tih kha ka zawhnaah khan a tel a.

PU LALDUHOMA

: Pu Speaker, hemi ILP nei hnamdang 100 bawr vel tih kha tutenge ni tih ka hre duh a. Tunhmaa District Council atang leh permit nei sa inhlan chhawn zel engemaw zat kha an awm thin khan kan hria a. Tuna VAT introduce hnu hian, chutiang ni lo, kan Sorkarin a pek thar bikte kha engzah nge ni tawh ang tih a break-up min hrilh theih chuan a lawmawm khawp ang.

Tin, hei Trading Regulation neih harsat dante kan hre theuh a, he ILP hmang hian khati zawng khan thil kan han ti a, hei hi a kal zel theih chuan kan hnam himna kan neihchhun chu a ni ta mai a. Tuna hemi phena inhumhim kan tumna hi hnamdangte hian court-a min challenge sak a, ILP thlenga question-a a awm theih hlauhthawnawm a awm em ? apprehension a awm thei em ?

**PU B. LALTHLEGLIANA
MINISTER**

: Pu Speaker, khalai kha chu tuna kan kalna chenah hi chuan hlauhawm awm turah chuan kan la ngailo chu a ni a, a hlauhawm em lovang chu maw. Tin, Pu Speaker, hman atanga inla lawn chho leh tun hun a ni, a figure kha chu chuti mai chuan ka sawi thei lova. Enge ni tunhma District Council hunlai atanga an pek a kha a awm a, tun hunah hian Mizoramah company hrang hrang hnathawka lolutte an awm a. Chungte chu hna an thawh chhung atan kan register a, an hnen atangin chhiah kan la a, tiang khanin a awm thluah mai a, hei, engemaw zat an vaiin mi 145 kan tihte kha an ni.

Tin, Pu Chhandama te, Pu Rinliana, Pu K. Vanlalauva, Pu Thlenga ten Department hmasawwnaah lawmthu an sawi a, lawmawm ka ti a. Tin, Pu Hminga, MLA zahawm takin talls on Road and Bridges tih a rawn sawi kha chu kan Department purview a nih loh avangin kha kha chu ka chhang thei lovah min ngaihsak sela.

Pu Speaker, min hriat sak tur chu (Speaker : Khawngaih takin Khawzawl bialtu zahawm tak thusawi entry gate chungchang kha ngaihtuahna a awm tawh em ?) Pu Speaker, kha kha ka hnenah rawn sawi an awm thin a, hei Session dawn hnaih a nih avangin kan buai deuh nen, kan

officer-te nen kan lo la sawiho lova, heti mai hian chuan chiang taka han chhan mai theih ka nei lova. Kan ram ami agent an awm chuan, hei agent hrang hrang an awm chho zel a, helai ami hi chu lei ngei sela, keimahni tan pawh a tha dawn a, khalai kha chu kan lo en dawn nia.

Chuan kan Taxation Department-in chhiah kan lakna hi 5 atangin kan la a, VAT 2005 Act hmangin kan la a. The Mizoram Profession Trades Callings Employment Taxation Act, 1995 atangin a ni bawk a. The Mizoram Sales of Petroleum and Petroleum Products including Motor Spirit and Lubricants Taxation Act, 1973 a ni a. The Assam Amusement and Getting Tax Act, 1939 adopted in Mizoram tih leh The Central Sales Tax Act, 1956 tih kha hmangin chhiah kan la a, a bak kha chu kan purview a nih loh avangin ka hre tam lova.

Tin, Pu Liansuama, MLA zahawm takin kan Department Commissioner puitling siam ni se, tih kha kan bei mek a. DP & AR in kan tum loh zawnga min rawn herchhuahpui avangin a la puitling thei lova. An niin Joint Commissioner hi up-grade mai ni se, tih kha min rawn thupek dan a ni a. Mahse, keinin Joint Commissioner neih ngei kan duh bawk si a, kan la innawr chho mek a ni.

Tin, Company kan ram chhunga hnathawkte atanga chhiah lak tih kha chu, nichinah kan sawi tawh a, tin, Tripura atanga bungraw lolut hi Gate siam ni se, tih kha a dik khawp mai a, tunah hian Kanhmun, Bairabi-ahte Gate siam turin kan inbuatsaih mek a, a mihring thawktu pawh kan inla nual tawh a. Tunah hian kan Sorkarin Superintendent-te, Inspector-te engemaw zat min pekbelh leh a. Chungte kan neih hnu chuan helai kawng hi keipawh ka rilruah a awm reng a. Khan tha tak a ni a, a hmun tur chu khawilai pawh ni se, a khar zawnga Gate kan siam chu kan tih tur a nih ka ring a, chu chu ka chhanna ni se.

Tin, Pu Zodintluanga, MLA zahawm tak zawhna, Melbuk Check Gate function loh chungchang kha, thildang ni lovin Melbuk Taxation Check Gate hi hun engemaw chen kalpui a ni a. Amaherawhchu, engemaw avangin Burma lam atanga bungrua lokal, nasa takin a lo tlem ta a, bungrua hi Manipur lamahte nasa taka divert nia hriat a ni a. Bungrua a lokal tlem chuan revenue collection hi a tlem bawk si a, bungrua a rawn kal tlem nachhan hi Taxation Check Gate awm vang a ni tihte sawi an lo awm bawk si a, thil chiang zawk finfiah a nih theih nan Check Gate function hi thla 2 chhung vel suspend rih ni se tiin thil zirna hunah kan la hmang rih a ni. Thildang vang a ni love, tih kha kan chhanna ni sela.

Tin, Pu Speaker, hei Taxation Department hi kan chhiah lak a puang nasa viau a, a pun nasat kan han sawi hian kan Member zahawm tak takte in hmai a zahawm viau thin a, chhiah lak hi kan mipuite kan insawithaih siak emaw tih turin House-ah kan sawi thin si a, chutih laiin kan achievement han sawi ve fo pawh hi a inthlahrunawm ang reng a.

Amaherawhchu, State anga kan lo awm tawh hnu hi chuan kan kal lo thei si lova, tute pawh Sorkar sela an kal lo thei lova. Chuvang chuan, hei hi kan han sawi lo thei lo a ni. Tunkum 2006 – 2007 kal mekah hian target min siam sak a, chu chu 2006 – 2007 Revised Estimate-ah khan crore 55 nuai 65-ah target min rwn pe a. tunah hian crore 55 nuai 19,15,000 kan collect tawh a, February thla thlengin, March thla hi kan la hre thei lova. March thla hi hre thei ila chuan target min pek hi kan khum chho ngei turah kan ngai. Tunah mai pawh hian a punna hi 20.08% in nikum ai chuan tun February thla thleng hian kan pung chho hrim hrim a ni. Tin, kan Department, Department thar kan nih avangin kan Chief Minister zahawm tak pawhin min hriatpui a, post siam belh kan dilte, contract-a ni emaw, a nghet a ni emaw, M.R. a ni emaw, mi engemaw zat an pek belh tawh a, 108 tumkhata kan lak hnuah 53 min pe leh a, tunhnaiah Superintendent 6 leh Inspector 15 min pek belh a, chung chu a bak zawng hi chu recruit tawh an ni a. Superintendent kha chu by-promotion-a tihkhah tur a ni ang a, Inspector atangin. Inspector post 30 vel kha Public Service Commission kaltlanga kan lak tur a ni ang a. Kha kha kan han sawilang duh baw a.

Tin, office thar, nikum Budget Session kan neih hnuah khan Mamit leh Lawngtlaiah te kan hawng thar a, tin, check gate te pawh nichina kan sawi ang khan Melbukah te, Tlabungah te kan hawng a. Tin, Bairabi leh Zawlnuam, Kanhmun hawn tura ruahman mek a ni baw a. Chutiang chuanin kan tichho a. tin, Pu Andrew-a zawhna niin ka hria a, Lengpui Airport-a bungraw lolutah hian chhiah lak thin em ni? tih kha a awmin ka hria a. Chhiah, Lengpui Airport-ah kan la lova, amaherawhchu, Mizo sumdawngte Singapore te, khing Thailand tih velah, Kolkatta velah bungraw la tam tak an awm a, chung bungraw lolut taxable item saka, eng eng nge lolut tiha chhinchhiah sak turin Inspector leh a staff engemaw zat kan dah a, bungrua taxable items lolut a kha tax an escape loh nan kan lo chhinchhiah mai a ni.

*Speech not corrected.

PU ANDREW LALHERLIANA : Pu Speaker, khalai ka zawhna kha a lo chhuak ta lo a, i rawn sawi chhuah takah chuan hrilhtu pakhat chuan a sawi dan kha i lo react atan, hei phai lampang atang ten milian thiante kan nei ve a, an lokal a, kan lo “receive” ve a, Airport-ah te an personal laugage te, a len deuh khan hei engeni awm tiin an rawn check dawn ta mai thin a, a embarassing deuh hlek a, hetiang em em chuan passenger personal laugage hi chu ti lo ila, hlawk lutuk pahna pawh a ni lem lo a, State dangin an ti ve si lova, tih kha ka chhanna tur deuh hlek kha a ni a, helaiah hi chuan tlema insum a tha deuh angem aw tih kha ka ngaihdan a ni.

**PU B. LALTHLEGLIANA
MINISTER** : Pu Speaker, khalai kha chu keini kan duty ten khualpang zin leh bungraw

la kha chuti maiin kan hre lova, chutianga lo hmuaktu ten heng hi chu kan thian tha lo zinte an ni a, sumdawng an ni lve, ti mai sela a fel tlangin ka ring a. Chuti a nih loh chuan laugage lian deuh sumdawng si inhmuak der te pawh kha siam a awm ve leh thei a. Chuvang chuan fimkhur thu hlaah khalai kha chu thahnem kan ngai ve lo thei si lova. State dangah pawh hianin tih chu a awm ve zauh zauh tho a ni a, khalai kha chu, kha kha ni sela.

Tin, CST chungchangah hian zawhna a awm a, kan sawi fo a, CST chungchang hi nikum Budget Session-ah khan tawp mai tura empower committee-ina an sawi zul zuiin hetah kan sawi tawh a. Amaherawhchu, Karnataka te, Maharashtra-a hemi CST hum tam ho an hlah tur Central-ina a compensate tur hun kal zelah an compensate-na tur a kha tlem zawk dawna an hriat avangin harsatna an siam deuh a, amaherawhchu, chuti chung chung chuan empower committee hnunung ber chuan kumin April ni 1 atang hian 1% ah a tlathla ang a, kum 2010 ah chuan 0 ah lut turin thu an dah tawh a, kha kha kan Member-te kan hrilh ni sela.

Pu Speaker, hei, pahnih ka la nei a. Pu Speaker, Fisheries hi Member zahawm tak tak tena an sawi ang khan, hei kum 2/3 dawn lai ka'n chang a, ka'n zir ka'n zir a, a hma a ka hmehriat ngai loh a ni a. Member zahawm tak ten an sawi ang khan, kan rawn intodelhna tur atan chuan Department potential nei tha tak ami a ni tih zir chhuakin ka in hria a. Kumkhatah a thar thei a, ka sawi fo tawhin ka hria a. Tui thatna hmun phaizawlah chuan Bigha 10 hmunah quintal 20-te a thar theih a, Bigha 10 hmunah tunlai hian buh hi tin 500 bak an thar thei tawh lo a. Tin 500 chu a pawisa a chantirin Rs. 25,000/- pawh kumkhatah an thar thei tawh lo a nih laiin, Sangha quintal 20 an thar chuan nuai 2 leh tih chuang, Kg-a Rs. 8/- a pe pawhin an thar thei a. Chutiang chu a ni a. Tuntum kan hmachhawanna turah pawh hian a tha mange aw! ka ti a. Tin, MEP ah pawh hianin kan tel ve dawn emaw kan tih laiin telh loh deuh ti tihah kan awm leh thin a. Helai potential hi, helai kan hotute pawh hian min hriatpui sela, miin kumkhat chhunga Sangha quintal 20 a thar a, nuai hnih, nuai thum a hmuh theih chuan a tha hle a ni. Tunah hian Mizoramah 7192 Sangha dil nei kan awm a, eizawna atana hmang tak tak chu chhungkaw 600 vel niin kan hria a, chuan Sangha kan tharchhuah hi a tam lu deuh a, a dik angem aw! kan office record a ni a, quintal 37,500 kan tharchhuak a. Kan tharchhuah tam naihtuahin kan va hmu tlem ve kan ti mai thei a. Amaherawhchu, khung potential area, Kolasib leh a chheh vel, Bilkhawthlir bial, Pu Speaker, i bial velah chuan helai hi a rawn thleng hman mang lova. A Sangha dil hmunah vai ho nen an indawr a, vai hovin an phur thla vek a, vur nen Vairengte Gate lamah, kan rama hralh turin an rawn phur lut ve leh a, vai hovin an rawn phurh luh khan Market-ah sawn seat-a lo kharchhawngtute khan an chang zawk si a. Keini helaia direct-a Aizawla rawn phur chho ho khan seat kan nei hlei thei si lova, hemi chungchangah hian Pu Speaker, Trade & Commerce Department-te nen pawh hian seat, kan tharchhuah hralhna tur kan neih theihna tur hian kan sawi hova, min pek ngei pawh hi tulin ka hria a. Pu Duhoma te pawhin khalai kha an ngaihpawimawh niin ka hria a. Kan Member tak takte pawh khanin in rawn sawichhuak a, helai hi chu kan bawhzui turah ngai ila.

Tin, BAFFACOS kan sem chungchangah inpuhmawhna tam tak a awm avangin tawi te sawilan ka duh a. BAFFACOS avanga Fisheries-a kan tharchhuah hi quintal 1482 in a pun phahin kan hria a, kan ti tha viauin kan inhria a. Party thenkhat tena khawlai leh hmundanga min tih chiam chiam ang ai hi chuanin a tak takah hi chuan kan lo thar tha viau a nih hi kan ti a. Chhungkaw 393 hnenah kan pe thei a. Tin, FFDA kan ti a, hemi hnuaiyah hian bial engemaw zatah kan siam a, D.C. te Chairman niin Board Member-ah Fisheries Association aiawhte, khawtlang prominent leader leh Department, Agriculture Allied Department amite nen tanpuina thlan thin a ni a. Chutiang chuan nichina Kawnpui bialtu zahawm takte pawh khan an bial chhunga Sangha dil neitute pek a rawn sawi kha, Kolasib D.C. atanga khang kha ngaihven chi a ni. Tin, Department hian Farm 13 kan nei a, Central atanga puinaa kan siam a ni a. Amaherawhchu, maintenance min pek leh loh avangin chhonzawm a harsa hle thin a. Chung chu privatise ni sela, Vety Department Society hnena an Farm an hlan ang hian hlan ve ni se kan ti a. Vety Department tihdante kan Department officer-te zir chiang turin hei, kan intir mek a. Amaherawhchu, chutih lai chuan Lengpui Farm-te, Zobawk Farm-te, Tamdilte erawh hi chu Department-in 3 hi enkawl ila, Sangha chi pawh hniang hnar taka kan pek ve theihna turin heng 3 hi chu hneh taka enkawl ni se tiin tunah hian hma kan la chho mek a. Hechari-te pawh siam zawh tawh a ni a. tun atanga reiloteah Sangha chi ah pawh tunhma ai chuan kan kal that kan han beisei deuh a ni.

Tin, hetianga tanpuina kan han pek reng reng hi pwisa kan sem rualin training kan pe vek nghal a. Sangha dil siam dante, a enkawl dante kan mithiamten zirtirna an pe vek a. Chutiang chuan kan kut hnathawktute kan tin thin a ni a. Tunah pawh hian, Training Centre, Fish Farmer Training Centre hi Lengpuiyah te, Lungleiah te, Saihaah te din turin hma kan la mek a, a pawisa pawh kan nei fel tawh a ni.

Tin, Ice plant leh Cold Storage te pawh hei hmun 3 laiah kan nei a, chu chu tunah hian kan enkawl chho mek a. Tin, Sangha chi duhthusama pek hi, kei pawhin kan tan phat atang khan kan tum thin a. Mizo ngei hian chhang sela, pe ila tih ka duh thin a. Amaherawhchu, an chhang thiam lo nge an chhang lo thin a, Mizo hi a pek hleih theih lova. BPAP ah SAP ah kan ve tel ve tawh bawk si lova, vai ho, a chhang thin ho hian an thiam riau ni thin tur a ni, a rate quote chungchangah. Chumi avang chuan harsatna kan la tawh rih a, tunah hian Mizo zingah Heachari-te siamin Sangha note tharchuah tumin mi engemaw zatin hma an han la chhova, tun atanga reiloteah, keimahni, Mizote ngei hian kan pek theih kan beisei a. Chutah chuan tuna a thalo deuh kan han tihte pawh kha a tha turah ngai ila. NEC scheme atangin cheng nuai 749 leh 97,000 in kum engemaw kalta atang khan Sangha note hi kan pe thin a Mizoram pumpuiyah. Bagha atanga han sawi a, Saiha han thlen kha chuanin Pu Hiato, dam taka Sangha chi a lo thlen ka chu har tak a ni. Chuvang chuanin a lian deuh an tih pawhin a thi duh hlei hlei an ti bawk si a, a harsa khawp mai, Sangha chi inpek hi. A chaw pawh duh tan chuan Directorate-ah Oil Cave-te a awm a, thil chi hrang hrang awmin ka hria a. Chungte pawh chu a mamawh chuan in lam ve turah ka ngai a.

*Speech not corrected.

PU LALDUHOMA

: Pu Speaker, Zohmun, ka bialah khian Fisheries Association tha tak a ding ve a. Sangha dil pawh kan ngah ve viau a, kum 4 a zawnin kan dil tawh a, kum 4 Sangha chi min pek lohna a ni tawh a. Tunthla ni 13 khan Sakawrdaiah an han sem dawn tih kan hria a, zingah khawvar hlim deuhthawah Sakawrdai an rawn thleng a, Zohmun atanga Sakawrdai kal dawn khan an lo haw leh hman der tawh si a. Tunhma ang a ni tawh lova, kawngpui thate a tha tawh a, tichuan, khilai mite kha an beidawng khawp mai a. Kan Minister hian khawngaih takin min hriat sak se tih ka ngen duh a ni.

**PU B. LALTHLEGLIANA
MINISTER**

: Pu Speaker, kan lo hria ang e. A harsa khawp mai a, helai hi keima bialah pawh sawn tihfel hi a har khawp a. thenkhat Sangha dil nei ve miah lo khan an lo dawh a, a then chuan an han kang nghal mai a, a then chuan a dil nei hnenah an hralh leh chhawng a. Tikhanin andawn tur zat dawng theilo khan 60 lek lekte khan an lo dawng thin ni awm tak a ni a, kan rinawm tawk lo hi kan harsatna pakhat a ni ve fo thin a, a pawl hle a ni.

Pu Speaker, Printing & Stationery-ah hian he Department hi tunah chuan kan changtlung tawh khawp a, kan lawm khawp a. Tunhmaa hriat tham mang loh, tunhma chuan Department puitling tak ni thin a kha, hun engemaw atang khan Department natna vei ang maiin a awm a. Tunah chuan kan Chief Minister zahawm tak hriatpuina avangin pawisa khawl leina turte min pe a, kan mamawh sawite min rawn pe thin a. Tunah chuan khawl tha kan han nei a, kan khawl tha neihte hi a tangkai hle a. Image Setter hi 45 lakh in kan lei a, March 26, 2007 kumin thlenga he khawlin a hmuhchhuah zat hi Rs. 18 lakh, 77,309/-, a rei loh tehlu nen a thawnchhuak hman a. Hemi 4 colour Off-Set Printer phei hi chu engzatnge a thawhchhuah kan la hre lova, hemi nena tang kawp hnathawh hi chuan kan kalphung hi set dik ila, Department hrang hrangin chhut tur an neih hi Government Press-ah hian rawn pe khawm sela chuan kan Sorkarin Revenue chhunglut tura min tih hi kan khum fe in ka ring a. Tunah pawh hian Pu Speaker, Rs. 65 lakh target min pe a, chutihlai chuan kan thelul tawh hi Rs. 4,99,660/- kan thelul a, pawisa min ba, liabilities hi Rs. 3,89,691/- a ni a. Chumi chu min pe se chuan tun March thla tiam lo pawh hian kan pel daih tawh a ni tih kha ka sawi duh a. Tunah phei chuan Stock Suspense atangin pawisa pawh nuai 100 min lo pe ta a, a lawmawm khawp mai a. Tin, hemi Stock Suspense atanga supply titute leiba kan neih pawh nuai 51 leh tlem tun financial year-ah hian kan ba a, Revised Estimate-ah nuai 50 min rawn pe a, kan inpe zo thei ang a, nuai 1 leh tlem balance a la awm a, kumthar atangin kan inrul zo turah kan ngaih chuan kumtharah chuan a tharin kan kal thei turah kan ngai a. Chutih lai chuan Printing bikah material supply-ah nuai 3 lai bat a awm thung a, chu chu hemi khawl thar kan lei chungchangah Sorkarin lo pawt peng mai rawh u, min tih avangin kan pawt peng a, tun Revised Estimate-ah min lo theihngihl palh hlauh a, amaherawhchu, kan han kal chho leh anga, kumthar R.E tih hunah chuan min hre turah ngai ta ila

.....864/-

MLA zahawm tak Pu Saikapthianga'n Printing-ah chauh hian in concentrate ila a tih kha engemaw chenah chuan a dikna lai a awm a, a rawn sawi dan Laltin tihte kawlphekhawnvar, bucket tihte kha chu decentralised items-ah kan rin lut vek tawh a. Department-in an mamawh a nih chuan khang thil damangeable items ho kha chu decentralised items-ah kan dah vek a, a bak paper leh thildang Department-in an mamawh zual chiah kan chang tawh a. Chutiang chuan kan kal chho a ni.

Tin, a zuk indent-na kha a hla tih chungchangah khan hmanna zawnnaah khan a sawilang a. sales outlet kan siam tawh a, Department hrang hrangin an duh hun hunah lei theih turin kan inhawng tawh a ni.

Tin, Pu Hminga sawi coupon system a tih kha, tunah hian chalan system-in kan kal a, a inang deuh rengah ka ngai a, tawk mai rawh se.

Chuan, Pu Speaker, ka Demand 6-na, Land Revenue & Reforms, Rs. 10,21,50,000, Demand 8-na, Taxation, Rs. 4,19,35,000, Demand No. 18-na, Printing & Stationery, 6,36,15,000, Demand No. 35-na, Fisheries, Rs. 4,35,00,000 a vaiin Rs. 25,12,00,000/- hi he House zahawm takin min pass sak turin ka ngen e.

*Speech not corrected.

SPEAKER : Minister zahawm tak, Pu Lalthlengliana'n a Demand-te pass a rawn dil ta a, heng Demand No. 6,8,12,35, avaiin Rs. 25,12,00,000/- hi pass remti apiangin 'Remti' ti rawh ule. Remti lo kan awm chuan 'Remti lo' ti ula. Awle, Demand No. 6 – Land Revenue & Reforms, Rs. 10,21,50,000/-, No 8 – Taxation, Rs. 4,19,35,000/-, No. 18 – Printing & Stationery, RS. 6,36,15,000/-, No. 35 – Fisheries - Rs. 4,35,00,000/-, a vaiin Rs. 25,12,00,000/- hi House-in lungrual takin a pass ta a ni.

Vawiin atana a hnuhnung berah Minister zahawm tak Dr. Lalzama Demand khaihawmna pass dil turin i lo sawm ang.

Dr. LALZAMA MINISTER : Pu Speaker, ka lawm e. Higher & Technical Education hi 11 in an sawi a, a lawmawm a. A then chuan coaching dinte pawh an sawi a. A hmasain, Pu Lalrinliana Sailo chuan a lu nat avangin ka lo va haw ange a ti a. Demand-te pawh hi ka pass vekah lo ngai ang che a ti a ni.

Ka'n sawi hmasak duh chu, kan hmalakna pawimawh em em Mizorama College zawng zawng hi University-ah Permanent Affiliation nei vek turin hma kan la kan tih thin kha, a pawimawhna chu UGC Act, 1956 hnuaihia hian 2F & 12B hnuaihia Recognise an nihna tur a ni a. Thil pawimawh tak a ni a. Khang College-te khan Recognise an nih chuan Coaching Centre pawh a din theih ta a. UGC danah hian All India Services Exam chi hrang hrang UPSC-ina a conduct tawh Allied Services hote khang Exam tura zirlaite kan buatsaihna tura Coaching Centre din thei tur khan 2F & 12B hnuaihia Recognise College khan a din thei a. A coordinator hlawhte pawh Rs. 12,000/- a ni a. UGC khan a rawn tum ta vek a, hemi State Sorkar hian a ngaihsak pawh ngai lovin College 2F & 12B hnuaihia mite chuan an nei thei a ni. Champhai College-ah pawh din rawh u kan ti a, Aizawl Government College-ah an din tawh a, tluang takin an kal ve zel a ni tih ka'n sawi duh a. Keini ho pawh hian din thei ngei tura kan infuih zel a tha awme, kan Government College 8 te hian Permanent Affiliation kha University-ah an nei vek tawh a, Deficit College 12 te pawh nei vek turin hma kan la kan tih kha. Chung zingah chuan Lawngtlai College, Aizawl West, Mamit, Johnson College te, Khawzawl College te, J. Buana College, Aizawl 'N' College leh Hnahthial te pawh hian Permanent Affiliation chu an nei tawh a. Saitual College leh T. Romana College pawh hi University Executive Council-ina approve turin chhawp mek a ni tawh a, kan hmalakna pawh a hlawhtling khawp a ni. Hetiang an nih tawh hi chuan 2F & 12B hnuaihia Recognised an ni zel a ni kan tih kha. Aizawl West leh Lawngtlai College, JB te pawh Recognised an nih tawh avangin Library-ah hian Grant engzatnge Mizoram Sorkarin a pek tihte kha a chhanna pek ngai tawh lovin, Library atan khan an zu dilin building extension atante an hmu thei zel tawh a ni. Heng kawngah pawh hian a hlawhtling, chho a, a lawmawm kan ti khawp a ni.

Tin, Post Matric Scholarship hi Centrally Sponsored Scheme atanga pawisa hmuin kan pe thin tih kan hria a. Kum 2005 - 2006 khan mi singhni sangnga zaruk pasarih hnenah cheng nuai sangruk leh sawmriat pakua senral a ni. Tin, 2006 - 2007 chhungin cheng nuai 1153.02 hmuh a ni a, chu chu zirlai 38752 hnenah sem a ni bawk a ni. Mizo research bei mekte hnenah pawh pek thin a ni bawk a ni.

Tin, Ph.D. leh M.Phil degree nei tura reseach bei mekte hnenah pek a ni a, hetah hian tunkum kal mekah hian cheng nuai 13.48 senral a ni nghe nghe a ni.

Indian Civil Service leh India Armed Forces exam pass-te hnenah incentive cash award cheng singkhat hi 2004 atangin pek a ni tawh a, tunah pawh hian 2006 - 2007 chhungin cheng nuai 3 lai kan senral thei a ni.

Tin, Quality Assurance Cell kan ti a, kan zirna quality tisang tura kan hmalakna hi thil lawmawm tak a ni. Tunlai thilah a quality sang lo hi chu a buaithlak thin a, quality tisang tur hian State Level Quality Assurance Coordination Committee kan din a, Directorate-ah hian Quality Assurance Cell kan din bawk a, chu chu Director Chairman-na hnuaihia a ni a, enkawl turin

Officer pakhat kan dah a, a office a thawktute pawh kha National Assessment and Accreditation Council-in a funding a ni nghe nghe a ni. Kan College hrang hrangte pawh hi grade hrang hrang an pe a, College 8 lai hi grade hrang hrang hmuin Accredited an ni tawh nghe nghe a ni. A sang ber erawhchu B+ a ni a, chu chu Hrangbana College a ni. Next assessment-ah chuan 'A' grade hmu thei turin an tang sauh sauh a ni. College tinah internal assurance cell kan din vek a, Officer-in-charge-in lecture-te pein an sawiho a, an niin self study report an lo siam a. an thawnthla a, kimchang takin tehfung hrang hranga endiktu team ten an rawn endik thin a ni. Hetiang hi College 8 lai te kan lo neih tawh avangin kan lawm khawp a ni.

Tin, chawhma lama provincialise tur.....

PU ANDREW LALHERLIANA : Pu Speaker, ka zawh leh duh lawk chu nichina ka sawi ang khan Khawzawl College kha tunah khan quality enter ho khan an en dawn mek a ni a, chumia tehma hrang hranga an teh khanin mamawh an nei a, building-ah khan khami tak an mamawh kha nichinah khanin sawina tur kan han sawi ri a, khawngaih takin engnge assurance a pek theih em ? Tanpuina, building kan upgrade-na tur a nih ka ring a, kha kha ka zawt a, a react theih loh maw ? Pu Speaker.

Dr. LALZAMA MINISTER : Pu Speaker, kha kha chu kan lo en ang e keini pawhin. Tin, bialtu MLA zahawm tak pawh khanin a fund a pe thei a, nuai 1 a nih kha chuanin a harsa vak lo turah pawh ngai ilangin a tha ange, kan lo en dawn nia.

Tin, tukin lama kan han sawi Question Hours-ah khan provincialise tura deficit College 12 kan proposed e, kan han tih kha, kha kha chhinchhiah ila, keini Department lam atang chuan kan han propose anga, nakinah Sorkarin an en anga, a tehfung eng engemaw pawh neiin naupang zatte engnge an dinhmun tiin chiang takin an en anga, kan propose zawng zawng a kha a provincialise ngei ngei dawn tihna a ni lo a nia. Kha kha kan hriat a pawimawhin ka hria a. Engpawhnisela, Department lam atang chuan kan propose a ni tih kha lo chhinchhiah ilangin a thain ka hria a. Nakinah finalise hunah Cabinet meeting-in an ngaihtuah anga, chungah chuan a then hi chu nakum lama la ngaihtuah ni rawh se, tiin a han dah rih mai thei bawk a ni. Chungte pawh chu thil awm thei a ni tihte lo hria ilangin thain ka hria a.

Tin, Pu Speaker, chulo lebah chuan kan Sorkarin Higher & Technical Education Department-a kan indaih lohna, kan mamawhte hriain sum min han pek belhin hei zirtirtute pawh lak theih turin kan

inbuatsaih ta mek a, a lawmawm kan ti khawp a. Tunah pawh Government College leh Politechnic atan hianin hnathar lak tura buaipui mek a ni a, tahchuanin contract basis-in Lecturer hi 83 kan la anga, tin, regular-ah Lecturer hi 9, avaiin 92 min phalsak a. Tin, Non-teaching staff tur contract basis-in 17 a ni bawk a. Chutiang chuan kan indaih lo zualpuina hi kan puhru dawn niin a lang a, a lawmawm dawn khawp a ni.

Tin, chulo leah chuan Mizoram Law College hi ni 25 August, 2006 khan deficit-ah hlankai a ni tawh a, Kalamanager College, Chawngte ami kha hlankai a ni ta bawk a. Tin, chubakah chuan 2006 – 2007 chhung khan deficit College hrang hrang a mi tur Lecturer tur mi 31 lak thar an ni bawk a. Chutiang chuan sum dinhmunte en in contract basis-a dah tur mi engemaw zat chu la dah theih kan in beisei a, kan in en chho zel ang a. Tin, 2007 – 2008 chhung atan College of Teachers Education, Republic Venga B.Ed. College kan tih khu, a sak nan Rs. 45 lakhs hmuh a ni a. Hei hi a lawmawm khawp mai a. Tin, Boys Hostel, Shillong ami sak nan Rs. 60 lakhs hmuh a ni a, hei hi P.W.D. in contractor hmangin an sa mek nghe nghe a ni.

Tin, Govt. Kolasib College-ah UGC sumin vocational subject Early Childhood Care & Education chu zirtir an ni a, hei hi a pawimawh khawp mai a. Thil langsar lo ang taka lang si, nichina kan sawi ang khan 2F & 12B hnuaia recognised reng reng chuan UGC atang hian vocational course hi kan mamawh ang zelin need base-in a zirtir theih a. Diploma Certificate nei thei tura B.A. pangngai pass chhuah ruala zo ve thei tur khan UGC hian a pe thei nghe nghe a ni, lawmawm hle a ni. Tin, hei, Mizoram Hindi Training College (MHTC) pawh hi kan luah chho tawh a, tunah hian a building sak chhunzawmna tur leh a complete-na tur Rs. 72 lakhs minrawn pein kan han bei mek a. Hei pawh hi kan zo thei thuai turah kan ngai a, tlema tihfel lohte a la awm a, chutiangte chu a kalhmang a ni.

Tin, chulo leh chu nikum lama kan pass tak IGFAI University din kha engnge a chanchin tak tihte zawhnaah khan a awm a. Kha kha kan sawi leh nual ang a. Hei hi a Act a sawi ang khan Law & Judicial Department kaltlangin Mizoram Gazette-ah 10.4.2006 khan notify a ni tawh a. hemi Notification hi 19th October khan tihchhuah a ni lehngal a. Tah hian Governor of Mizoram pawh hi University-a visitor a nihna angin chancellor tura an ruat pawh kha tihfel a ni tawh a. Hetah hian Board of Governor-ah hian Mizoram Sorkar aiawhin kan Commissioner, Higher & Technical Education ami chu member a ni a. Tin, Dr. L.N. Tluanga leh Dr. Sangkima te chu ruat an ni bawk a. Dr. Sangkima hi Governor-in a ruat a ni a, tin, Board of Management-ah khan Pu Lalrochuanga, Hrangbana College-a Selection Grade Lecturer kha member atan ruat niin meeting-te pawh an nei tawh a. Tin, member zahawm tak Pu Lalhmingthanga khan zawhna a siam a, Lunglei lamah sawn B.Tech zirna hawn tum a ni em tih te kha, anmahni hi hmanah pawh ka hruai phei tawhin ka advise-a, helamah hian Law College leh B.Ed. Training College din rawh u, hei a hmunte pawh a awm sa a ni ka ti a. J.B. College-ah te kan kalin thute kan sawi tir a, chutiang chuan tha an ti khawp mai a. Mizorama khawpui lian ber dawttu a nih avang hian a hmun pawimawh a ni, B.Tech

te pawh hawng rawh u, B.Tech programme te pawh hi tiin ka advise a, “ni e, hma kan la ang a, AICTE phalna pawh lak hmasak a ngai ang a, tin, Law College atan chuan BAR Council of India phalna pawh lak a ngai ang a, tin, B.Ed Training College atan NCTE atangin phalna pawh lak a ngai ang a” an ti a. Chutiang chuan, kha kha a dan kalhmang leh a tih dan tur a ni a. Chutiang chuan in la ang a, in dil ang a, helai Lungleiah hian in din ang a, a hmun pawh awmsa anga ngaih a ni a, tunah pawh hian Southern College kha University-in an dis-affiliated avangin a hmun pawh hi an pe phal mai niin a hriat a. Chuvang chuan hengte hi nei sa ang in ni a, ring nghal mai ula, chutiang chuan hma la rawh u, kan in ti a, ni e, an ti a. Hei an duhthu pawh hi Lungleiah branch campus din/neh an duh thu pawh an sawilang tawh a, khami Board of Governor Meeting, Kolkata-ah hmanni lawkah pawh neiin an zu kal tawh a, kan Commissioner-te leh Dr. Sangkima te, Dr. L.N. Tluanga te zu telin an sawiin ka hria a, naktukah pawh lokal an tum nghe nghe a, tukiin te khan mi rawn phone-a, Hyderabad atangin, khilaia Durtlang Vengthara an hmun tur University hmun tur kan han ruatsak ti mai ila, V/C lamin min pek kha an han ennawn leh dawn a, an en zing viau tawh a, naktukah an lo thlen chuan en pawh an en hman mai thei a. Chutiang chuan finalise an tum a, a building construction hna kha tan thuai thuai rawh u kan inti a, kan intur deuh reng mai a. Chu chu a kalphung a ni.

Tin, chubakah chuan BBA class kha khilai Chatlangah khian rented building-ah mi building luahin kan hawng mek zel tawh a ni tih kha ka'n sawi duh a. Tin, MBA pawh nikum kum tawp lam khan hawngin zirlai, hemi course hnihah hian 60 an awm a, class pawh fel takin a kalchho zel a, BBA leh MBA class kha a awm a ni tih kan sawi duh a ni. Tah hian BBA-ah admission fee hi Rs. 1,500/- a ni a, tin, kum 3 chhunga instalment 6-a a fee an pek atan Rs. 23,900/- a ni bawk a ni. Chutiang chuan fee an lo tihdante a ni a, hei hi min hniam viau niin a hriat a. Hmarchhakah hi chuan a zatve hian min tihsak rawh u, kan tih sa kha a ni a. Chutiang chuan kan kal mek e tih kha ka'n sawi duh a. Tin, zawhna angreng engemaw in han sawite pawh kha, tiang khan kan in chhang ni maiin ka'n hria a.

Tin, Technical Course chungchang hi han sawi leh ila, kan Department-ah hian Technical Education Cell (Technical Cell) hi kan nei bawk a ni a. He Cell hian Mizoram State Council for Technical Education Secretariat angin hna a thawk ve a, Mizoram State Council for Technical hianin entrance exam-te polytechnic atante RIPAN atante, State pawna zir tura thlanna a buatsaih thin a. Tin, Polytechnic Semester exam-te leh compartmental exam-te RIPAN final leh supplementary exam-te a buatsaihin a marksheet leh certificate-te a buatsaih a. Heng bakah hian NERIST entrance exam-te, DOEACC exam-te puiin Univeristy of Hyderabad-a post graduate-a zir tur a thlang bawk a ni. Nikum chhung khan Medical leh a dangte zir tur hian zirlai 110 leh engeneer course hrang hrang zir turin zirlai 121 a tir a ni. Kan hriat angin heng hi chu kumtin hian exam an nei a, ti hian an kal thin a ni tih kan hria a. Tin, College building-te pawh kha kan sawi a, heng tihhmasawn nan pawh hian kan dilin kan inkar ngar ngar mek bawk a ni tih kha ka'n sawilang duh a ni.

Tin, Zirtiri Residential Science College, Mualpuia a hmun tura Site development atan hian cheng nuai 26 min pe a, hnathawh tan kan tum mek nghe nghe a. A building sak lam chu sum lokal veleh kan thawk zui thei zel turah kan ngai bawk a ni. Awle, chutianga chuan Higher & Technical Education lam chu duhtawh deuh mai ilangin a tha awm e.

Art & Culture lamah hian kal leh ila, hei hi mi 13 in kan sawi a. Art & Culture lam hi kan ngaipawimawh viau a, a lawmawm khawp mai a. Kan Culture-te, kan Mizo hnam dante, kan nunphung, kan Mizo culture leh cultural dance-te vawn him nan tih kha a nih kha. Chutianga vawnhim nan chuan cultural meet hmun hrang hrangah Lungleiah te, Tuipuibari-ah te, Zampuiyah te, Tripura-ah te, Chawngte-ah te, Kanhmunah te leh Hrianghmunah te buatsaih a ni bawk a. Tin, Chapchar Kut kha Aizawl khawpui bakah District Headquarter hrang hrangah te hman a ni a, hemi atan hian Aizawlah nuaili singhnih sanghnih hman a ni a, Lungleiah Singhnih, Saiha-ah singhnih, Champhaiah Singhnih, Serchhipah Singhnih, Lawngtlaiah Singhnih, Kolasib-ah Singhnih, Mamitah Singhnih, a vaiin nuai nga singruk sanghnih (5,62,000/-) hman a ni a. Hei hi ka'n belh duh lawk awm a chu, hemi District Headquarters-ah hi chuan Department hrang hrang lo awm ve te tiamin an lo pui ve thin a, thawhlawmte an lo thawhin tikhanin an lo tanpui ve a, hlim takin an hman thin a. Helaiia Aizawla kan hmanna nen hian a inthlau hle tihte kan han sawi a ni a. Hei hi State level a ni a, sum sen pawh a tam lo thei lova.

Tin, kan Zohnathlak unaute, State pawn atanga lokal kalmante pawh kha kan han pe bawk thin a, heta tang hian. Chuvang chuan han tih tam deuh loh theih a ni lova. Tin, Chapchar Kut te ropui takin theih ang angin NGO te leh Department hrang hrangte nena District headquarters lama an lo hmanthin kha cheng singhnih ringawt hi chu a tawk lo deuh a, tihpunte pawh kan lo tum ang a, sumte pawh kan lo en dawn nia. Tin, Falkawna kan Typical Village kha ni 17 khan a kang zo vek mai bawk a, a pawh hle mai a, kumtharah hian sak leh kan tum dawn a ni.

Tin, Ratu bialtu zahawm tak Pu Duhoma'n a sawi kha, East Phailenga Phingnu leh Phingpa Lung humhalhna pek kan lo tiam tawh kha a ni a, a dik a. Hei hi MUP ten humhalh an tum dan leh department lamin a hunhalh an tum dan hi a inang lo deuh thin a, anni chuanin In sak hnan emaw waiting shed sak emaw kha an duh a. Archeology lama kan mithiamin a han en a, tuna a awmdan pangngai hi tihdanglam loh tha berin a ngai a, hei hi kan hriat fo a ngaiin ka hria a. Hemi hmun hlui, Pi Pu sulhnu humhalh kan tihte pawh hi Pu Lalriniana Sailo pawh khan a sawi kha, Sahlam a awm a tih kha, khang Sahlam neitu khaina tunhma a mite, hmun hlui reng rengte pawh hi tihdanglam lohva a original ang thlapa awm mai tur a kha humhalh tlata min an tihchhiat loh nan tih rilru kha department lam chuanin....

PU LALDUHOMA

: Nisa leh ruahsur hnuaiah a in expose ta a, chuvangin kum tinin a ziak

.....870/-

pawh kha a ral hret hret ta a ni. Chu chu in sak hnan an duh a, preserve an duh zawk alawm mawle. Tin, pawisa kan nei lo tih kha a ni a, chhuanlam thar a lo awm leh ta a ni maw ?

**Dr. LALZAMA
MINISTER**

: Pu Speaker, kha kha chu ka'n sawi zel ang e. Ni e, khatiang khan tih duh dan deuh leh humhalh dan hi Department hian a nei thin a. Hei hi

min hriatpui pawh a thain ka ring a. A min lohna turin retaining wall siamte, a bula tlak theihna a retaining wall siam te, thutthlengte pawh hla deuh hleka siamte pawh kha a tha awm mange tihte a ni a. Engpawh ni se, khang kha chu a siam dan tha ber tura min chhia/hlahawm dalna tur retaining wall-te siam a ni ang a. Hemi kan Member zahawm takin a ngaihpawimawh kha kan ngaipawimawh a. Tin, kan budget pangngai atanga Rs. 20,000/- vel chauh kan pek a nih laiin 12th Finance Commission grant-te kan neih tak avangin tha zawka pawisa pawh seng tam zawk thei turin kan hrilh mek a ni a. Nichina kan han sawi ang khan hengte hi rinai hian a kal muang thin a, kan Department-in Museum saktur Beraw Tlanga nikuma kan sawi tawhte kha a laili zawkah sak a tha zawk lawm ni tihte a ni a. Hmun, Tourism-in, min petu khan a piah leh deuh zawk hi an ti leh a. Khatiang a nih kha chuan a hmun tur a zir khan Architect pawhin an siam kha tihdanglam leh thin a lo ngai a. Kan inkar kan inkar mek a ni tih kha min hriatpui a thain ka ring a. Rinai hian a rei raih zel a, a chang hi chuan ka'n hmanhmawh viau zel a, ka hriatchhuah chang hian ka'n phone zung zung zel a, theihtawpin hengte hi kan in remind viau a ni tih kha min hriatpui ulangin a tha awm e.

Tin, Mizo script kha kan lo hre nual tawh a, Pu Duhoma sawi kha. Kan Museum-ah pawh lungah kan nei a, chiang zawkin khangte kha kan lo zir ang a, Member zahawm tak Pu Duhoma pawh kha hemi kawngah hian kan la rawn rawnin min la pui ang chu. Khangte kha kan kalpui zel ang a, a tihzia khawp a ni. Tin, Zohmuna cultural meet chungchang an sawi kha han sawr lawk ila. Cultural Meet programme reng reng hi kumtir atang hian siam vek a ni a, a thenah chuan helaiah keini pawh an lo ti a, hetiang lo awm chawp thin hi duh anga finance a har thin a, chungte chu kan hriat a ngai a. Hemi Zohmuna mi pawh kha, kan sponsor a ni a, tah hian bialtu zahawm tak kha Chief Guest a ni nghe nghe a, khatiangte kha sawi lawk, hriat lawk a nih si loh avang khan han tihsak zel theih a ni lova, a paw khawp a. Engpawhnise, tah hian Member zahawm tak tak ten kan hriat tur chu kumtir atang hian heng programme-te hi siam vek zel a ni a. Chuvangin han phuahchawp thar thutte hi a har tawh thin a ni tih kha kan hriat a thain ka ring. Tin, kan Museum sakna tur kha chu tunah hian State Capital Complex, Khatla-ah Library-te a lo awm dawn bawk a, hengte nen hian awmtlang se a tha awm e, helai hnai lehzualah hian tihna rilru a awm a. Hei hi a fel tep a. Engpawhnisela, hemi sum pawh hi a lapse loh nan revalidate tum a ni a. Chutiang chuan kan kalpui e, hna kan tan har tawh lo turah ngai ila a tha ang. Tin, Khawhai bialtu Pu Lalrinliana khan Library chungchang a rawn sawi a, ni e, a dik khawp mai a. State khat ve lemina State Library nei miah loa awmte hi kan ti a, hei

hi chu kan beihna a rei tawh a, New Capital Complex-ah sawn kan sa mek a. Hei hi Rs. 1.25 lakhs man a ni a, kan hriat pawh a tha awm e, hei aia tam minrawn pe turin kan dil mek nghe nghe a. Engpawhnise State Library tur hmunte Sorkarin min pein tunah sawn nalh takin kan sa puitling thei thuai turah kan ngai a ni.

Tin, District Library, Kolasib-ah sak mek a ni bawk a. Tin, Champhaiah pawh District Library tur hi D.C. Complex hluia Revenue Department building-te nen hian intifel ila a tha awm mange kan ti a. Tin, District Capital dangah pawh hemi atan hian kan dil mek nghe nghe a. Tin, recognised Library hi 425 lai kan nei a, hei hi YMA ten an run bawk a. Hengahte hian RRRLF ? atangin lehkhabu heta dah tur minrawn pe thin a, kan lo sem thin a ni. Tin, hetiang kan building sakna turte hi kan Sorkar pawisa (kan budget) atang ni lovin RRRLF atanga hmuh a ni. Tin, heritage conservation-ah hma lak mek a ni tih kan hriat a tha awm e. 11th Finance Commission-ah hmun engemaw zat humhalhin chei that a ni a. Tin, 12th Finance Commission tan atang hian kumin hian hmun 20 humhalh leh a ni ang a. Hengah hian kan Member zahawm tak tena in hriat atan ka'n duh chu, humhalh awm tak la khawih si loh a awm a nih chuanrawn sawi ula, mahnina lo khawih danglam lovin, V/C te leh NGO ten emaw a remchang khanrawn ziakin hei hi tihawm tak a ni tihrawn sawi ula, lo khawih danglam vak emaw a thenah phei chuan Cement ten an lo siam a, kan lo preserve an tihna lamah hian hei hi a tha lova, duh dan Department hian kan nei a. Khatiang kha a awm chuan han sawi nghe nghe ula a lawmawm khawpin ka ring.

Tin, thil dang dang sawi awmte pawh a tam a, Mizotawng hman dik seminar te kan nei bawk thin a, Mizoram Drama festival buatsaihte pawh a ni bawk thin a. Tawng thute pawh kan han sawi a, a awm khawp mai a. Language Board-te pawh hi siam tur a ni lawm maw nile te kan ti ut a, Mizo tawng dik tak mai hi kan hman theihna tur leh a authority pawh hi awm turin, duh duha hmang fan lovin tihte pawh hi kan sawi mek zel a ni a. Engpawhnise, in han sawi Member zahawm tak tak ten Mizotawng humhalh chungchangah hian a dik khawp a. Tawng hi a inthlak reng mai a, tawng dang hi kan hmang nasa tawh khawp mai a ani a, a saptawng te pawh kan zep nasa a, mi pakhat phei chuan ka la hriat reng chu, a text a complicate lutuk a, simplify a explain a ngai a ni a ti a, Mizo tawng hi a tel tlem tawh em em a ni. Khatiangte kha kan Mizotawng ti ti te a ni tawh a. Engpawhnise, Mizotawng dik tak hi a ziate, a punctuation-te kan fate zirtir chhoh hi a tul khawp a ni. Khalamah khan sikulte pawh hian ngaihtuahna hmang sela a tha hlein ka ring a ni.

Tin, competition hrang hrang, YMA Branch hrang hrang tan lengkhawm zai competition, cultural dance competition, on the spot painting competition-te hlawhtling taka buatsaih kha a ni a. Tin, Mizoram Publication Board hynuaiah lehkhabu ziaktute tanpuina pek chhunzawm zel a ni a, lehkhabute an ziak a, publication board-te a awm a ni tih hria ila. Lehkhabu hrang hrang ziaktu mi 31 hnenah cheng nuai sarieh leh singkua sangkua zahnih sawmsarieh pakua sem a ni a. Tin, children painting competition, Lunglei-ah hlawhtling taka neih a ni a. Tlawmngai pawl hrang hrang 204 hnenah Darkhuang 16, P.A. Set 63, Hollow Guitter 33, Puanchei 195, Kawrchei 200, Vakiria 94, Darbu Set 5, Darbenthek Set 1,

Ngotekherh 124, Pawndum 128, Mara Suit 136, Thangchhuah kawr 15 te sem a ni a. Tin, thil hlui humhalh nan Rs. 73,500/- hmanral a ni bawk a. Tihian, grant-in-aid kan hman vete hi a tlem tham em em a, khaw khatah pawh hian MUP, MHIP, YMA te pawh khanin an lo dil bawk avang hian tihsen a ni lo thin a, a grant-in-aid hi tam tham deuh sela kan duh argin insem ur ur thei ila a duhawm khawp a. Engpawhnise, kumtharah pawh kan in pe leh thei dawn a ni.

Tin, Mizo Cultural Troop hian India ram hmun hrang hrangte an tlawh a, Cultural Meet, Churachandpur, Manipur-ah te kalin nikum May thla khan. Tin, North-East Tourism & Cultural Meet leh N.E.Z.C.C. Craft Mela, Guwahati-ah te, tin, Navratri Mahotsav, Gandhinagar, Gujarat-ah te, cultural programme, Lal Bahadur Shastri National Academy of Administration, Missouri-ah te, tin, W.Bengal Athletic Association & Eastern Athletic Association Meet, Kolkata-ah te, tin, S. Sikkim-a Namchi Mahotsav-ah te, tin, Rekongpeo, Himachal Pradesh-a Tribal Festival-ah te, Drum & Ensemble and Autumn Festival, Shillong Meghalaya-ah te, 3rd North-East Cultural Festival & 10th Annual Conference Janakalyan, Guwahati-ah te khanin kan kal a. Tin, Annual All India Inter Collegiate Cultural Festival, Indian Institute of Technology, Kanpur-ah te, 12th Srijani Utsav, W. Bengal-ah te, tin, nithum chhung NEZCC Cultural Programme, Executive Board and Governing Body meeting, Guwahati-ah te kan nei bawk a. Tin, Bhopal-a National Balrang Festival-ah te, tin, Lok Tarang Festival and Republic Day lawmna, N. Delhi-ah te kan Cultural Troops te kan tir a, tin, hei NEZCC (North-East Zone Cultural Centre) hi kan nei a ni a, tah pawh hianin Guwahati-ah Mizo Stall-te, hmarchhak State zawng zawng tan Dawr luah tur a awm vek a, Dawr 5 lai a ni a, tin, Pavillion min siam sak theuh bawk a, tin, Food Stall min siam sak bawk a, chutiangte chu luah tur hian Mizoram Stall-te, Pavillion-te chei nan cheng nuai 7 Department-in a seng a, a Stall luah tur hian Muster Roll-in mi 4 min phalsak a, Sorkarin, tah hian Hnamchhantu atangin leh MAHCO atang hian an thil siamte mipui lei theih turin an phochhuak ve mek tawh nghe nghe a, North Eastern State zawng zawng kha hmunkhatah a kual/bial khan kan inpho chhuak dawn a ni. Kan puantah, puan chi hrang hrangte leh kan thiamhnang lam thilsiamte chutiang chuan kan zuar dawn a.

Tin, hei kan Department, Art & Culture hian State Award hi nei ila a tha ang a, kan ti a, hei pawh hi kumin hian neih kan tum ang a, hei hi Mizoramah thil la awm ngailo a ni a, kan la nei ngai lova, State Award hi neih kan tum dawn a ni. Tah hian mi bik te, engemaw thil tithate, entirnan, Sports Department hi chuan State Award nei dawn se Inchai chak hmingthang bik deuhthe emaw, infiamna lama thei chungchuangete emaw kha State Award pek theih an ni ang a, thu ziak lampang hi keiniah chuan a ni dawn tihna a ni.

Member zahawm tak Pu Andrew-a, Khawzawl bialtu khanin Kolasib-a Librarian pakhat kha a kaisangin Lungleiah a kal ta daih si a, LDC hovin an awm a tihte, tin, Lungleiah hian Group 'A' Officer hian hovin, dah ve ni tawh sela tih an sawite kha kan lo chhinchhiah a, hei hi kan process mek a ni a, kha kha kan lo hria a, a rawn sawi chhuak a, a lawmawm khawp mai. Hengte hi changlung zawka tih thuai theih kan beisei phawt a ni.

Tin, hei, Art & Culture Department hnuai Tribal Reseach Institute hran 2000 – 2007 chung khan lehkhabu 3 – Mizo Inneih, Mizotawng.....

PU S. HIATO

: Pu Speaker, kar tluana chhonzawm tur a ni a, Department tihtur zawng zawng a vaia sawi vek kher a ngai em maw ni le ? Ngaihthlak pawh a nuam tawh lo a.

**Dr. LALZAMA
MINISTER**

: Pu Speaker, hengte pawh hian Mizo Inneih te, Mizo Folktales te leh Pang of Mizoram tihte buatsaihin copy 1000 theuh an chhuah bawk a ni. Pu

Speaker, kan hnathawh pawimawhte pawh hi sawilan kan duh ve bawk a. Tin, chubakah chuan, Library Act tihte pawh kha an han sawilang bawk a, hengte pawh hi 1993 kha nitein ka hria a, passed daih tawh a ni a, Directorate hrangte hian han awm ve se a tha lawm maw ni ? tih pawh kan sawi a, mahse, sum harsatna avangin heng hi kan la ti mai thei lova, kan lo hre reng a ni tih kha min lo hriat sak ka'n duh a ni.

Tin, hei kan hriat atan Lungleia Saikuti Hall-ah hian Indian Museum-in Museum Galleries ropui takin min siam sak tawh a, nikum August ni 3 khan kan hawng tawh nghe nghe a, helaiiah hian thil chi hrang hrang 364 lei en theihin an siam tawh nghe nghe a ni. Hei hi Lungleia in kal chuan en ulangin a thain ka'n ring. Tin, hemi Indian Museum, Kolkata hian kan Department hmalaknain Champhaiah Gandhi Memorial Higher Secondary School Museum hi an sa tha mek bawk a, Zoram Sorkar sum seng hauh lovin Museum tha tak Champhaiah kan nei thei thuai dawn a ni. Indian Museum, Kolkata hi an ti tha khawp mai, hetiang hian minrawn siamsak thin a ni.

Excise lampang kha han sawi ve leh tung ila. Pu Speaker, Excise & Narcotic Department-ah hianin a hniam ber atanga a Lu ber thleng hian, IV Grade thlengin sanctioned post hi 595 a awm a, hemi zinga hnarauk 38 chu fill-up turin tunah hian hma kan han la mek a, a hmawr kan bawk thei tep tawh a ni e. Tin, kan Budget 2006 – 2007 ah khan 835.58 lakh a ni a, tunah 2007 – 2008 ah hian 818 a ni ta hi engatinge Budget a tlem tih kha a ni a. Engpawhnisela, heta 50 lakh hi medical re-imbusement atan a ni a, Budget tharah chuan MR a ngai tawh lova, churang chuan a tlem zawk angin lang mahsela, a tlem zawk lova, Salary-ah hian 36 lakhs laiin a kiang a ni. Tin, Mamit leh Lawngtlaiah te District Officer dah ve a tha kan ti khawp mai a, Kawrthah, khawthlang lamah te, tin, Ngopa tlangdung lamah te, Kawnpui bialchhungah te pawh dah a tha a, mahse mihring indaih lohna avangin a harsa rih khawp mai, han la tam thei ila, indah zung zung ila duhthusam a ni a. Engpawhnise, District Capital chhunga kan la neih lohna

hmun hi kan hre reng a, kan Department-in a tlin tawk ang zela hma la chho zel turah inngai ilangin a tha awm e. Man-power tam tawk hi kan mamawh chu a ni ber mai. Tin, hei kut hnathawktute hamthatna turin MLTP Act pawh hi siamthat hlek pawh a tha lawm ni tihte a ni a. Tunah hian kan han process ve mek a ni. Tin, Office building tur commissionerate tur hi tunah kan sa mekin nuai 60 zet man kan complete mek a, a chhunzawm zelna tur P.W.D. atang hian min pek leh theih kan beisei. A thar kan luah hnai turah ngai ila, a tha awm e.

Department achievement pawimawhte sawi tawh mai ila a tha awm e Pu Speaker. April 2006 – February 2007 thleng Department achievement a hnuaia tarlan ang hi a ni a, revenue collection-ah nuai 141 leh 48541 a ni. Tin, zu man zat hi a tam khawp mai a, tin, dawidimte pawh a ni a, a number hi chu sawi lo mai ila a tha awm e, kan chhinchhiah seng chuang lo a. Tin, sap zu, a um puitlingte, a chanve te, a chanve leh te hi man a ni a, um 6036 lai a ni a. Tin, Beer-te, Foreign liquor-te, Foreign imported Beer-te kan thawktuten an man nasa a, tin, vehicles-te a ni a, drugs-te pawh a ni a, Heroin-te pawh hi 591 gms. A ni a, Opium-te, Ganja-te a ni a, Nitrozepam tihte, Diazepam tihte, Proxylon-te a ni a. Tin, Mihring dan bawhchhiate pawh man a ni bawk a, chutiang chu a ni. Khangte kha kan Unstarred Question chhannaah khan a awm tawhin ka hria a, muangchangin a en duh leh a chhinchhiah duh chuan a en theih awm e. Khang kha chu kan in supply tawhah ngai ila a tha awm e.

Tin, tanpuina 2004 – 2005 khan nuai 5,90,000/- Motor Cycles 7 leh Computer 4 kan dawng a, kum 2005 – 2006 ah nuai 24,36,500/- Gypsy 3, Motor Cycles 5, Car Set 5, Repeater 5 leh Hand Set 5 Central Sorkar atangin kan dil a, min rawn pe a, a lawmawm khawp a. Tunah pawh kan dil leh mek a, min rawn pek beisei takin a awm mek bawk a ni. A hming thar hi kum 2006 October atangin Sorkar chuan Excise and Narcotics Department tiin a hming hi tihbelh a ni a. Hei hi lo chhinchhiah ila a tha awm e. Excise Department ti a kan sawi tawi mai hi, Excise and Narcotics Department tiin thlak a ni tawh a ni. Chutiang chuan duhtawh mai dawn ilang a tha awm e.

PU ZODINTLUANGA

: Pu Speaker, Excise lak tur Written Test zo vek tawh, interview chauh hmabak kha engtikah nge an tih theih ang. Kan Secretary ten a date an lo

sawn ve ringawt tia thuthang awmte kha min lo hrilhfiah thei em le ?

**Dr. LALZAMA
MINISTER**

: Pu Speaker, a Board ti ila, a DPC tur kha kan han siamin File a kal chho mek a, kan han bawhzui zel ang a, a chhuak thuai thei turah ngai

ilangin, kan han bawhzui zel ang a. DP & AR lam pawh a kaltlang a ngai a, chung chu kan han bawhzui rnek e. A rang thei anga tih kan han tum ang e. Pu Speaker, tichuan, ka Demand No. 7-na Excise & Narcotic Rs. 8,18,65,000/- leh Demand No. 21-na Higher & Technical Education Rs. 34,15,10,000/-, tin, Demand No. 23-na Art & Culture Rs. 5,00,60,000/-, a vaiin Rs. 47,34,35,000/- te hi House-in pass turin ka rawn ngen e.

SPEAKER

: Member zahawm tak, Pu Hiato-a thil han sawi kha chu, kim si, tawi si a sawi thiam deuh leh thu thiam deuh hlek, a chihnih deuh hi kan awm a

ni awm e. Engpawhnisela, kan Minister zahawm tak, Dr. Lalzama'n a Demand kan sawihonate khaikhawmin Pass a rawn dil a, heng Demand No. 7,21,23, a vaiin Rs. 47,34,35,000/- te hi pass remti apiangin 'remti' ti rawh ule. Remti lo kan awm chuan 'Remti lo' ti rawh ule. Awle Remti lo kan awm lova, kan Minister zahawm tak Dr. Lalzama Demand No. 7, Excise & Narcotics, Rs. 8,18,65,000/-, No. 21, Higher & Technical Education, Rs. 34,15,10,000/- leh No. 23, Art & Culture, Rs. 5,00,60,000/-, a vaiin Rs. 47,34,35,000/- te hi House-in lungrual takin kan pass a ni.

Awle, kan tih tur ruahman sa chu kan lo zo ta a, kan chawl leh rih ang a, naktuk, March ni 28, Nilaini zing dar 10:30-ah kan thukhawm leh dawn nia.

Sitting is adjourned. 7:55 P.M.

*Speech not corrected.